

大東乘古

省際上理

周王





3 1764 0805 6

大中華吉林省地理志出版之宣言

閻侯林傅甲謹

大中華民國十年十月十日。國慶日。中國地學會。大中華地理志總纂。閻侯林傅甲。事五年。功甫及半。謹以負笈周游出版次序。報告於各省區同志。以明匹夫之責曰。

民國五年國慶日。中國地學會。推為總纂。編大中華易縣地理志。為本縣小學。

民國六年國慶日。登泰山。謁孔林。游青島。編大中華山東地理志。為本省小學。

民國七年國慶日。春季編安徽志。夏季編印浙江志。秋季編印江蘇志。皆三月。

民國八年國慶日。江西志成。生子。福建湖北志成。修墓。回京編印京師京兆兩志。

民國九年國慶日。山西志多實政。直隸河南兩志。蒙大總統閱定題簽。均發行。

自上年國慶後。本擬赴廣州全國教育聯合會。編印廣東志。因兩粵之爭未往。又擬編輯湖南志。亦因兩湖之爭未往。遂專心東三省地理志。起草一年。仍從每省一冊之例。奉天。往來十數次。調查亦較詳。志在必成。如江蘇志比皖浙後出。南歸所必經也。吉林。長春濱江沿路而外。尙未游歷。必親來問學。而後地理志可以徵信傳久也。黑龍江。嗜昔服務十年。粗知地方情形。舊有圖志出版。庶政日新。地志當從新體。

大中華吉林省地理志出版之宣言

或問總纂何以三月能成一省志乎。其調查何所據乎。何以比各省通志利便乎。

答之曰。三月成一書。每日不過兩葉。三月專心一省。不亦久乎。况十年當歷全國乎。調查之法。據通志、官書、私家著述、雜誌報章。更得官紳學界修正。雖僻邑亦不遺漏。各

省通志局。支薪水而不著一字。傳甲訪問人多。不支一錢。皆實地經過。見聞明確。

或問地理志已出版十二編。印刷費不資。從何籌得。且舉家相從。進退綽有餘裕乎。

答之曰。大中華地理志已在內務部。依著作權註冊。猶農工商實業也。十二編係十二

次出版。則成本輕而週轉靈。未出版以前。有豫約先期收欸。印刷以後。定期出版。略

有餘利。又可運載書囊。再赴他省。浮家泛宅。以大中華爲家。濟南武昌寄學。能久焉。

或問大中華吉林省地理亦三月出版乎。其豫約如何辦理乎。

答之曰。傳甲愛吉林山水。非不欲久留。但不限定三月。則情氣生而難成。編輯師範

學甲種鄉土教科書。全恃各校豫約。會携京師、京兆、直隸、河南、安徽志各二十冊。請

教育廳頒發各校傳觀。仍照各省定價大洋貳元。各校豫約減半收價。實收大洋壹

元。准於陽曆年內出版。三省地志。則擬於明年暑假前。一例出版。再赴西北西

大中華吉林省地理志序

林子奎騰與余爲同年交。余甲辰計偕。遇於京師。與談東北邊防形勢。如數掌上。心默許之。嗣余從政龍沙。因之言之當道。聘掌龍沙教育十餘年。客歲復於都門。知從事於各省地理志之編輯。頃以大中華吉林省地理志告成。問序於余。余雖遠。獲全豹。但林子以數十年之蘊蓄。足跡幾遍天下。而復迴翔於東三省。十有餘年。其編得者必多。吉林地志原無適用教科。大清一統志會典弗詳。盛京通志吉林通志詳而弗要。寒士不易購。林子每至一省。必讀一省古今志乘。最要者爲新刊之官書。近年公報。宋鐵梅之東省鐵路成案要覽。齊文軒吉林財政報告書。實業廳吉林礦物紀略。各官書。并采各縣鄉土志及調查報告。林子博觀約取。見某縣人必問某縣事。當有以補前人之闕。而爲後之治吉林地理津梁也。必矣。余父母之邦。林子尤爲余素心之友。余不敢以不文辭。因識數語於簡端。兼以誌余與林子結交之始末云。

中華民國十年夏正辛酉仲冬。年小弟翟序。

大中華吉林省地理志序

爾雅云。倫勸邛。敕勤。愉庸。瘳勞也。又曰。勞來強事。謂翦筆勤也。昔吾聞應山林典史。以勤勞卒於官。子甫六齡。林母以勤勞紡織教之學。歷十二年。而後出山。於是吾友林傅甲之名。始騰播江漢兩湖間。丙午。余游龍沙。是年秋。林子以廣西知縣。經黑龍江程將軍奏調來江。提調學務。定學田爲基金。撥廣信公股爲基金。創初等小學十處。上自搢紳。下至甕牖。遇有學童。林子必督令入校。唇焦舌敝。勞怨不辭。招第一班師範生五十人。躬任講授。編鄉土志爲課本。收回俄人俄文學校。建黑水中學。爲張季端學使所倚重。所有省立師範中學農工及女學師範中學職業。無不由林氏夫婦手創。其太夫人林下老人。創女子教養院。勤勞壽終。林子乃去龍江而南遊焉。余當張學使創黑龍江公報時。主任其事。兼領圖書館。斯夕見林子勤勞著述。乃一別六年。林子編印大華地理志已十二編矣。長髯瘦削。狀若老叟。然精神到底不懈。三閱月而吉林志刊成矣。非林子勤勞有恒。吾恐悠悠忽忽。或至三年不成。林子所挾不過千金。而出版之書價十數倍。其堅忍卓絕。所成就者。蓋千秋之盛業。而豈僅一時學校之教科也哉。辛酉仲冬。黃安韓傑。

大中華吉林省地理志序

聶 聰

明習東省地理學者。就近代論。推吾鄉屠敬山先生居首。余昔嘗師事焉。比來吉林。居君久已南歸。僅獲請益於曹彛卿先生。備承獎掖。因林君奎騰。爲當代地學巨子。讀君塞上詩。致慨於黑龍江省會南遷。墨爾根爲俄約蹙地之徵。三復詠嘆。瞻言之遠。實契余心。時君方游龍沙。未有一書互通情懷。但聞君著作成。輒覓觀之。彌寄慨慕。嗣君離東。徧游揚子江流域諸省。余每從北京地學會同人。詢君蹤迹。今年重陽。余膺齋中。有客闖然入。甫通姓名。則大喜。結想十年。慰心。此日信乎。文章有神。交有道。聲氣應求之感。通乎魂夢也。君乃携一册示余。爲大中華吉林志之稿本。其體例一仿君前著直隸諸志。而於本省文化之起源。人種之系統。則微異於他志。言之綦詳。爲重其朔也。高等小學中學師範。講授鄉土地理。此爲最適用之教材。有神。此邦學子。嚮復淺鮮。君之省志已成者。十三鄙人深願其賡。此進行絕業。成時年華尙早。心山祭酒。非君其孰堪之。

送奎騰總纂之吉林

鍊人

詩價近如何。雞林賈更多。香山雖已往。松水又重過。對日抒長策。臨風發浩歌。興足前路莫蹉跎。

神賤直何處。倉山一席開。詩豪今遠別。詞友應邀陪。嘯月吟風去。橫山範水來。梅花時節近。相約送春回。

和鍊人送奎騰總纂之吉林原韻

北堂

此別意如何。無須揮淚多。幾經舊遊地。一路福星過。贈子無長策。嗟余作短歌。留連憑此日。詩酒莫蹉跎。廿五日鍊人饒別於亦詩世界余亦陪座

莫是感離別。愁懷鬱不開。是日鍊人華筵君作主末座我叨陪杯酒成歡去詩筒送客送奎騰持詩。松花江水闊。共盼白魚回。奎騰去時約寄白魚

送奎騰解元之吉林

玄龜

東出榆關萬里程。秋風塞上送君行。短衣匹馬戎裝健。旨酒芳樽鄉味清。閩嶠儒宗今宿學。雞林詩價舊知名。片帆待向松江渡。看取冰魚夜火明。

大中華吉林省地理志序

閩侯林傳甲

傳甲四歲粗識字。先祖鹽源公自蜀就養。先嚴應山公養志維謹。先祖衰病醫云宜補。至藥局取錦匣。上鐫吉林人參。傳甲因新年吉慶識吉字。姓氏識林字。三字經開卷識人字。參字猶未識。先嚴示匣內物曰。是名參。象人形。產自吉林。傳甲侍先祖服參後。得錦匣盛玩物。因念念吉林不忘。吾家庭教育。重實物教授。六歲見藥肆招牌高麗野參。問於先嚴。知高麗吾國藩屬。吉林東鄰。所產略同。野參年久可貴。先祖出一統輿圖。口授沿邊形勢。鬚眉如戟。指東海瀆失地。拍案厲聲。忠憤溢出。傳甲懷懷乎懼。不知所措。但見先祖淚下。亦隨之淚下也。嗚呼。先祖往矣。英靈在天。苟見今日。倭寇深入。由吉長而實吉會。蹂躪延理。等於高麗。不知作如何感慨痛切也。傳甲既長。閱吉林通志。知吉林可墾關無異內地。日俄戰後。吉林雙城翟熙人同年。勸我出塞。承程雪廬將軍奏調。傳甲夫婦自廣西萬里赴之。黑龍江初關。惟吉林人材是賴。宋鐵梅都督。徐龜霖省長。魁星階廳長。王可畊道尹。並列於文案。傳甲雖專心教育。未謀仕進。每同膺薦。則民國初宋公薦任教育司科長一職。遂。年。先妣林下老人壽終。始解職南遊。在京

師承中國地理學會同人。推任大中華地理志總纂。周游各省。期以十年之內。編成各省區地理志出版。民國六年六月六日。成易縣志。爲各縣範本。七年七月七日。浙江志成。國慶日。江蘇志成。全國教育會聯合會。萃於上海。一致贊成。吉林省教育會王伯康會長。約我游吉。編吉林志。八年八月八日。京師志成。國慶日。京兆志成。全國教育會聯合會。萃於山西。研究鄉土。尤重。出版速而發行多。因官私著述多可采。長官提倡學生好讀書。吉林第一師範學校吳獻之校長。又約我游吉。余應以吉林必到。但不敢定期也。因山西出版餘利多。直魯豫亦次第出版。雖處荒年。吾學不敢荒。竟勉力成之。九年九月九日。直隸志成。國慶日。河南志成。徐大總統閱定獎勵備至。卽專心東三省志。一年每省一冊。長安小息。臥病幾不支。幸秋後元氣大復。周斗卿廳長。委以視學一職。遂移家再出邊塞。十年十月十日。有大中華吉林省地理志出版之宣言。在京所編。多據舊籍。來吉始得官書文卷。知在京所據教育部教育公報。皆前數年狀況。其餘更可推矣。編某省志。必至某省。此傳甲經驗有得者。病軀雖弱。又藉吉林人參爲補品矣。不緩不急。日月爲易。自信所至無不成。是在到處求學。逢人善問而已。

大中華吉林省地理志凡例

- 一 本編依大中華地理志京師京兆各省定例。每册一百六十章。適合師範中學四年教授。注重實業。爲農工商學校必備。政治經濟。皆新調查。法政學校。尤宜參考。
- 一 本編所引古圖書。以示有徵。刪繁提要。由博返約。通志過繁。不便舟車攜帶。此編寒士亦可購置。至於從政通人。必能深知采訪之不易。讀一書勝讀數十冊書。
- 一 本編每章前六行。有提要一段。可備高等小學肄習。字數少便小學用。
- 一 本編冠以四道三十九縣歌。可備國民學校家庭教育。兒童記憶縣名。通俗適用。
- 一 本編地方志。無論地方繁簡。一律每縣一章。無他書專重省城口岸之弊。
- 一 偏僻地方。如虎林饒河勃利綏遠同江。此次皆有新調查。並向游歷人訪開。
- 一 各縣父老。教職員學生。對於本縣多調查修正。亦署姓名。
- 一 在京所據教育農商公報。所填教育實業。至吉省則據文卷改正最新之數。
- 一 編書時現大洋換八十吊。校印時已至一百吊。足見地理志當改年修訂。
- 一 編者竭盡心力。如有修正之處。請俟再版。

（大中華吉林省地理志 凡例

徐大總統鑒閱

- 大中華京師地理志 京師警察廳學生五千人調查
- 大中華京兆地理志 京兆尹王通飭並請獎佩頌
- 大中華直隸省地理志 嚴範孫題簽大總統購發本籍
- 大中華河南省地理志 大總統題簽河南教育廳發行
- 大中華山東省地理志 孔教會張一鵬尹昌衡同題簽
- 大中華山西省地理志 一月銷二千冊一校購三百冊
- 大中華江蘇省地理志 齊省長評定不繁簡人手一篇
- 大中華安徽省地理志 在省教育會編輯教育廳發行
- 大中華江西省地理志 咸省長飭各道分銷
- 大中華浙江省地理志 西湖文瀾閣圖書館繼
- 大中華福建省地理志 省議會全體修正
- 大中華湖北省地理志 何省長有序教育廳分發湖南
- 大中華吉林省地理志 已擬稿
- 新編黑龍江續出版

八

中國地理學會二十年調查

京師每省一冊 琉璃廠武學書館發行
定價每冊一元 總發行所

著 作 權 所 有

大中華吉林省地理志目錄

閩侯 林傳甲 奎騰 初纂

第一篇 總論

第一章 吉林之名義

第二章 吉林之沿革

第二篇 天象

第三章 經度

第四章 緯度

第五章 曆象

第六章 節令

第三篇 疆界

第七章 東界

第八章 西界

大中華吉林省地理志

第九章 南界

第十章 北界

第十一章 區畫

第十二章 形勢

第四篇 山脈

第十三章 長白山脈

第十四章 完達山脈

第十五章 七虎林及蜂蜜山脈

第十六章 張廣才嶺山脈

第十七章 春秋嶺山脈

第十八章 蘭陵山脈

第十九章 磐石山脈

第五篇 水系

第二十章 黑龍江

第二十一章 松花江

第二十二章 烏蘇里江

第二十三章 牡丹江

第二十四章 入松花江諸水

第二十五章 綏芬河

第二十六章 圖們江

第二十七章 赫爾蘇河

第二十八章 湖澤

第六篇 地質

第二十九章 地層

第三十章 岩石

第三十一章 煤田

第七篇 建置

第二十二章 省垣

第二十三章 鉅埠

第二十四章 城邑

第二十五章 村屯

第二十六章 古蹟

第八篇 氣候

第二十七章 風向

第二十八章 雨雪量

第二十九章 溫度

第九篇 物產

第四十章 礦物

第四十一章 植物

第四十二章 動物

第十篇 政治

第四十三章 省署

第四十四章 道署

第四十五章 縣署

第十一篇 軍警

第四十六章 軍署

第四十七章 團防

第四十八章 警備

第四十九章 清鄉

第五十章 旗營

第十二篇 經濟

第五十一章 歲入

第五十二章 裁出

第五十三章 各稅局

第五十四章 鹽法

第十三篇 自治

第五十五章 省議會

第五十六章 自治區

第五十七章 戶口

第五十八章 鄉團

第十四篇 人民

第五十九章 種族

第六十章 言語

第六十一章 衣服

第六十二章 飲食

第六十三章 居處

第六十四章 器用

第六十五章 婚喪

第六十六章 衛生

第十五篇 宗教

第六十七章 孔教

第六十八章 佛教

第六十九章 道教

第七十章 回教

第七十一章 薩瑪教

第七十二章 耶教

第七十三章 雜教

第十六篇 教育

第七十四章 蒙養

第七十五章 女學

第七十六章 小學

第七十七章 中學

第七十八章 職業

第七十九章 師範

第八十章 專門

第八十一章 社會

第八十二章 學田

第八十三章 同化

第十七章 實業

第八十四章 農墾

第八十五章 森林

第八十六章 蔬圃

第八十七章 花園

第八十八章 牧場

第八十九章 工廠

第九十章 作坊

第九十一章 商會

第九十二章 商場

第九十三章 商品

第九十四章 貨幣

第九十五章 公司

第十八篇 交通

第九十六章 東省幹路

第九十七章 東省支路

第九十八章

吉長鐵路

第九十九章

吉會鐵路

第一百章

南滿鐵路

第二百零一章

擬修鐵路

第二百零二章

道路

第二百零三章

黑龍江航路

第二百零四章

松花江航路

第二百零五章

各江河航路

第二百零六章

郵政

第二百零七章

電報及電話

第十九篇 縣治

第二百零八章

吉林縣原名吉林府

第二百零九章

長春縣原名長春府

第一百十章 伊通縣原名伊通直隸州

第一百十一章 濛江縣原名濛江州

第一百十二章 農安縣

第一百十三章 長嶺縣

第一百十四章 舒蘭縣

第一百十五章 樺甸縣

第一百十六章 磐石縣

第一百十七章 雙陽縣

第一百十八章 德惠縣以上吉長道

第一百十九章 濱江縣原名濱江廳

第一百十章 扶餘縣原名新城縣

第一百十一章 雙城縣原名雙城府

第一百十二章 賓縣原名賓州府

第二百二十三章

五常縣原名五常府

第二百二十四章

榆樹縣原名榆樹直隸廳

第二百十五章

同賓縣原名長壽縣

第二百十六章

阿城縣以上濱江道

第二百十七章

延吉縣原名延吉府

第二百十八章

寧安縣原名寧安府

第二百十九章

琿春縣原名琿春廳

第二百十章

東寧縣原名東寧廳

第二百十一章

敦化縣

第二百十二章

額穆縣

第二百十三章

汪清縣

第二百十四章

和龍縣以上延吉道

第二百十五章

依蘭縣原名依蘭府

第三百三十六章

勃利縣

第三百三十七章

同江縣原名臨江縣

第三百三十八章

寶清縣原屬同江縣

第三百三十九章

密山縣原名密山府

第三百四十章

虎林縣原名虎林廳

第三百四十一章

綏遠縣原名綏遠州

第三百四十二章

樺川縣

第三百四十三章

富錦縣

第三百四十四章

饒河縣

第三百四十五章

方正縣

第三百四十六章

穆稜縣以上依蘭道

第二十篇 蒙旗

第三百四十七章

郭爾羅斯

第三百四十八章

已墾蒙荒

第四百四十九章 未墾牧場

第二十一篇 舊界

第五百十章 東海濱舊地

第五百十一章 海參崴

第五百十二章 伯利

第五百十三章 雙城子

第五百十四章 廟爾

第五百十五章 黑龍江下游

第五百十六章 庫頁全島

第五百十七章 俄人經營庫頁

第五百十八章 倭人分據庫頁

第二十二篇 結論

第五百十章 吉林對於全國之關係

第六十章 吉林對於世界之關係

吉林四道三十九縣歌

吉林省治古船廠。長春開通道日來往。伊通本是一統門。濛江林業湯河溫。農安縣有
隆安塔。長嶺不長沙漠雜。舒蘭古站在江東。樺甸韓家邊外雄。磐石山中銅鑛好。雙陽
植樹公園早。德惠縣境老少溝。小輪來往上下游。

瀋江鉅埠哈爾濱。扶餘故國舊新城。雙城屯墾開邊土。賓縣名材報馬樹。五常特產是
薯烟。榆樹圍城散白錢。同賓山水宜長壽。阿城古蹟白城舊。

延吉通商局子街。寧安古塔未沈埋。理春恨失圖們口。東寧綏芬成利藪。敦化敖東清
發祥。額穆大鎮蛟河旁。汪清百草溝開埠。和龍嶺前龍井後。

依蘭三姓舊都府。勃利名州新復古。同江松黑混同流。寶清河水不通舟。密山蜂蜜原
天產。虎林榛莽地宜割。綏遠沿邊鎮極東。樺川佳木買糧豐。富錦農商宜致富。饒河不
轉新關路。方正泡旁萬頃開。穆稜通軌歐美來。

此歌乃全書編成。始克撰著。昔游江浙。中等以上學生。苦不能記全省縣名。及編撰
成歌。則山西國民學生。無人不能記誦。吳獻之校長。認爲國民學校所必讀也。

大中華吉林省地理志引用圖書目錄紀要

- 吉林通志 東三省志略 吉林一中 大清一統志 聖武記 國貨調查錄
吉林外紀 東三省政書 讀史方輿紀要 天下郡國利病書 水道提綱
吉林全圖 東三省全圖 東三省鐵路圖 大清統一輿圖 東三省明細圖
吉林公報 吉長日報 政府公報 教育公報 農商公報 地學雜誌百廿冊
吉林礦物紀略 吉東鐵路之富源 延邊調查錄 伯利探路記 白山黑水錄
吉林地理記要 東省鐵路成案合同要覽 松黑兩江航路圖說 吉林風景畫
吉林財政報告書 農業地理 商業地理 吉長鐵路隧道郵片 毓文週刊
吉林教育三年概況 中國地理教科書 新體中國地理 東三省郵區地圖
吉林教育行政錄 中國新區域圖 中國形勢一覽圖 哲里木盟十旗圖
吉林教育成績品錄 長春王氏自強學校工廠規程 吉林政俗月刊 民實報
吉林教育公報 吉林通俗報 韓邊外傳記 綏芬戊申報告書 省城電話簿
吉林省城街市圖 東寧縣志略方正縣志略 賓州府政書 吉林動物標本

大中華吉林省地理志

閩侯 林傳甲 奎騰 初纂

第一篇 總論

第一章 吉林之名義

吉林爲大中華二十二行省之一。唐書有鷄林賈人購白居易詩。其詩注云。鷄林國宰相。嘗以一金購香山詩數首。又唐劉夢得詩云。口傳天語到鷄林。按滿洲源流考。今之吉林。確爲唐時新羅國之鷄林州。詩人或稱雞塞。是吉林沿唐時舊名。於此可證。然不知由何時改爲吉林。據地志有吉林烏拉者。乃滿洲古地名。吉林沿近之謂。烏拉大川之謂。後節取上二字爲省名。又據吉林外紀。清康熙二十四年間。諭旨內謂。幾林烏喇。舊志又謂。吉臨烏拉。蓋吉與幾。林與臨。漢字音相同。今通稱吉林。乃從漢語省文也。

船廠考

吉林省垣。土名船廠。不知始於何時。其說亦不一。或云明初造船廠於此地。查明紀。永樂洪熙宣德三朝。累興水師。招撫東夷。或指此處。或云清初順治十八年。遣

昂邦章京造戰船於此。以征羅刹。故有此名。又據今人傳說。吉林尙儀街北。木橋下。將軍衙門路南。橋底有小鐵船一隻。或因此名。又吉林西關迎恩門外。頭道碼頭。西有黑龍江水師營造船處。俗名船營。同治光緒年間。尙有四五十隻。以備使用。今其遺址猶存。此又一證。雖不知其名始於何時。大抵不外以上四者之原因。

寧古塔考

吉林通志謂寧古塔無塔。今據實際考查。塔基固巍巍尙存於舊街。在今縣治西北五十里。周二里有奇。相傳建自元朝。坍塌於雍正年間。卸下之磚瓦。竟成邱陵。所餘塔基猶高丈餘。土人稱之謂寧古塔座。並云清太祖努爾哈赤會居此。當清室未興以前。通稱寧古塔貝勒。寧古塔者。滿洲六個之謂。貝勒者部長也。清景祖覺昌安兄弟六人。各築城分居於是地。因以爲名。

吉林省文及別稱

吉林公牘電報省文曰。吉省無他省一字別稱。近日文人。有省松花江爲松江。以松江爲別稱。據其與江蘇之松江同。旗籍人在關內。或自稱長白。或稱松漢焉。

第二章 吉林之沿革

吉林古肅慎地。漢晉時爲挹婁。後魏爲勿吉。隋之靺鞨。唐爲渤海國。宋爲契丹。女真之地。元置軍民萬戶府五。明初屬建州毛憐等衛。其後滿洲崛起於此。清順治十年。設接班章京及副都統二員。鎮守寧古塔。康熙元年。改接班章京爲鎮守寧古塔等處將軍。十年。移副都統一員於吉林。十二年。始建城。是年將軍自寧古塔移駐吉林。寧古塔只留一副都統。嗣後遂以吉林爲省治。雍正時。設永吉州。並於伯都訥設長寧縣。始立民官。以治地方。咸同後。逐漸招墾。光宣時。府廳日增。民國初元。乃一律改縣云。

吉林進化之現象

佃漁時代 依蘭下流。富錦一帶。尙有魚皮韃子。捕魚爲業。並依山行獵。有上古之風。卽使犬部落。以狗架。扒犁爲交通之器。

游牧時代 郭爾羅斯蒙旗。業已放荒。牧場所存者日少。然未開之荒地。及不可開之地。仍有游牧牛羊羣。其餘農家以牧羊畜豬爲副產者亦多。

農墾時代 漢民北徙。成邑成都。延琿一帶。韓人歸化。則謂之墾民。

吉林沿用之古名

沿用古國名 扶餘 烏拉街

沿用古州縣名 勃利 賓州 長春 同賓

沿用古城名 阿城 雙城

沿用古山名 長嶺 密山 和龍

沿用古水名 同江 樺川 方正 濛江 饒河 雙陽 濱江 汪清

沿用古經名 五常 德惠 敦化

沿用滿洲名 依蘭 舒蘭 琿春 穆稜 額穆

沿用植物名 榆樹 樺甸

吉林土地名不能革者

船廠 因吉林已爲全省之名。民間不習用省城字樣。是以仍呼船廠。

寬城 長春商人自城寬莊。而寬字單用。亦可代長春二字。

哈爾濱 中外通稱。不易改革。市民因軍警司法。不屬縣。幾不知有濱江縣也。

第二篇 天象

第三章 經度

吉林省之經度。當大中華京師中線正東。今昔並爲大中華疆域之極東。昔日以海島爲東海之東經。不止東海濱各地在疆域內。自咸豐失地。天度亦縮。差至十度。二千里而遙。說者謂建省於寧古塔時。可兼顧東海濱。自徙吉林。視西北爲樂土。畏東北爲甌脫。康乾之盛。中央測地之疇。人子弟。不憚險遠。實行勘測。載之輿圖。嘉道以後。虜美莫繼。何怪俄人割去疆域大半。咸同朝野。冥然罔覺。今日曆書。因時差之恒數。在上海先二十七分十八秒。京師先十六分一十二秒。自西徂東。凡三千五百里。

吉林省經度要點 吉長濱江。用中原時。依蘭延吉。用長白時。教育部曆書標準也。

偏東七度以內 本省西界

偏東八度以內 長嶺縣

偏東九度以內 扶餘縣 農安縣 南郭爾羅斯公府

偏東十度以內 長春縣 伊通縣 雙陽縣 德惠縣

偏東十一度以內 吉林縣 磐石縣 濱江縣 雙城縣 榆樹縣 阿城縣

舒蘭縣 濛江縣 吉林標準時。早二十七分四十一秒。中原時當世界八時。

偏東十二度以內 五常縣 樺甸縣 賓縣 敦化縣

偏東十三度以內 額穆縣 同賓縣 方正縣 鏡波湖 頭道溝

偏東十四度以內 寧安縣 依蘭縣 延吉縣 和龍縣 汪清縣 穆稜縣

龍井村 寧安標準時。早七八五十五秒。長白時即世界標準時。八時三十分。

偏東十五度以內 琿春縣 樺川縣 東寧縣

偏東十六度以內 密山縣 富錦縣 寶清縣

偏東十七度以內 同江縣標準時。早十九分十一秒。

偏東十八度以內 饒河縣 虎林縣 綏遠縣

偏東十九度以內 耶字界牌

全國最東經度。耶字界牌。屹然與俄屬伯利城相對。江瀟之東端。界上當烏蘇里江之三角洲。水道分流。吾國宜詳據舊圖。在伯利對岸。擇地開埠也。

第四章 緯度

吉林之緯度。比黑龍江外蒙古稍南。是以天氣比龍江稍暖。晝夜永短之差數。亦不如黑龍江之大。秋分後十日尙未見霜。園庭紅花碧草。同於內地。每年松花江封凍。亦比嫩江稍晚。蒙古新疆緯度與吉林同者。或比吉林更寒。因蒙疆爲大陸高原。吉林爲平原。且近於海也。歐洲與我緯度相同之處。則吉之南境比於羅馬。北境比於巴黎。中部比於伯爾尼。維也納。美洲與我緯度相同之處。則爲美國最繁盛之紐約。是我之五度。等於歐美最繁盛之天度。人心人方當自強也。自南至北。凡一千九百里。

吉林省緯度要點

省城夏至日

出四時十八分。入七時四十五分。冬至日。出七時三十一分。入四時二十六分。

四十一度以北

本省南界

四十二度以北

濛江縣 和龍縣

延吉縣

琿春縣

龍井村

頭道溝

四十三度以北

磐石縣 樺甸縣 敦化縣 汪清縣 伊通縣 雙陽縣 額穆縣 長春縣 吉林縣 東寧縣 鏡波湖

四十四度以北

舒蘭縣 寧安縣 德惠縣 農安縣 長嶺縣 穆稜縣 榆樹縣 五常縣 南郭爾羅斯公府

四十五度以北

扶餘縣 同賓縣 密山縣 阿城縣 濱江縣 方正縣 雙城縣 賓縣 四十六度以北

依蘭縣 虎林縣 寶清縣 讷川縣 四十七度以北

饒河縣 富錦縣 同江縣 四十八度以北

綏遠縣

第五章 曆象

吉林春分六日後。日出視京師漸早。入漸遲。故夏日晝長於京師。秋分六日後。日出視京師漸遲。入漸早。故冬日晝短於京師。節氣時刻。交食方位。亦與各省迥異。教育部轄中央觀象臺曆書。推步甚密。吉林用省城之經緯。各縣尚有微差也。民國以來。施行陽曆。各行政官署一致通行。而民間狃於習俗。仍用陰曆。政界集會酬應。大抵多於日曜日例假中舉行。民間選擇吉日。往往仍拘守宜忌。然老農按節氣播種。已知用陽曆勝於用陰曆。特百姓日用而不知耳。不信曆書。而市鄉仍叫賣皇曆。巡警所當干涉也。

吉林實行陽曆之成績

公署 公文皆以陽曆爲主。官俸兵餉亦以陽曆爲主。

學校 始業畢業。皆以陽曆計。

農人 按節氣播種。陽曆差數較小。

工廠 多依星期放假。

商店 慶祝紀念。皆懸國旗。或趁國慶日開張。哈埠商人則兼記俄曆。於月份牌。

吉林沿用陰曆之狀況

壽辰 凡十歲以上之人民。皆生於前清。六七八旬之老者。念先朝守舊俗尤篤。人子雖服務民國。家事必順從親心。是以壽辰皆用陰曆。

吉期 國人迷信陰陽選擇。已不如前朝忌諱之多。但文明結婚者仍有擇日之事。亦古人筮日之遺。因需用干支配合。是以多用舊曆。

葬期 堪輿以禍福之說。深中人心。是以子孫謀祖父母之安。往往不迷信者。亦多從俗。仍用舊曆。

過年 全國商人。向以陰曆年底爲大結束。雖新立公司。或用新曆。然陽曆年底。收賬不易。陰曆年終。習慣爲還賬之期。號曰年關。今名元旦曰春節。

過節 端午中秋。今名曰夏節秋節。人民視爲收賬之期。亦成習慣。號曰節關。若冬至爲冬節。惟祀天用之。

廟會 古人多因神社而集合。佛道祭期。往往有廟會。演戲酬神。各地日期不同。商貨隨以移轉。交易頗盛。不易改革。因自然結合。不待召集也。

第六章 節令

吉林節令自天度言之比內地寒。然春秋每多佳日。每年恃秋收一次。大小麥亦春種秋收。內地人以四月爲麥秋。此間麥秋直是秋日。有秋則有年。年景之豐蓄視秋成如何。度歲必用陰曆。因秋收晚糧必冬日始出賣於市。又必俟冰堅而後長途無河溝之阻。易於轉運。市上易得年貨。歸以卒歲。商人以冰鮮郵寄原籍。併肉湯凝成之肉凍。亦可郵寄。學校寒假亦包括陰曆過年。花朝清明端午中元中秋重陽風俗多由內地傳來。不殊中土。陽曆新年。惟官場郵箋相賀。民間仍淡漠視之也。

吉林度歲之習俗

除夕 爆竹齊鳴。全國響應。火線廣遠。逾於歐戰。彼以戰奪。我以利藥。我進化矣。
元旦 親知相賀。鑼鼓喧天。賭禁暫開。逢場作戲。所食皆年前所備。無生米下鍋。
破五 初五以前。百業休息。無物可買。皆食熟食。富家珍味山積。平民亦有酒肉。
上九 俗謂玉皇生日。商店多開張。
上元 昔有龍燈獅子。今已減少。偏僻之處。舊俗所存尤多。

吉林節令之舊俗

二月二日 俗名龍拾頭日。凍豬頭於是日煮食。年貨始盡。懶學生亦上學。

清明 墓祭同於內地。

四月八日 佛生日多廟會。四月二十八日 北山廟會最盛。

端午 水師營亦作龍舟競渡之戲。

六月六日 士人晒書。

七月七日 乞巧無他。男耕女織之象也。

中元 七月半盂蘭會祀先給孤。

中秋 爲送瓜食瓜之期。水果多來自內地。

重陽 省城小白山北大山爲登高之勝地。龍潭山爲遠足旅行。

十月一日 修墓之日。再遲則封凍。

冬至 天氣嚴寒。可宰年豬。呼爲白條子。

臘八 滿洲以臘八粥爲大禮。富家籌備年貨自此始。二十三祀竈。卽過小年。

第三篇 疆界

第七章 東界

吉林最東經度。在京師偏東十八度三十分。自烏蘇里河以東失地之後。卽以此爲全國最東之點。距清初庫頁東端。距京師偏東二十八度舊界。蓋失地二千里。當天空十度也。咸豐十年。中俄締北京條約。次年清政府派倉場侍郎成琦。會同俄員。勘分界線。於沿邊立木質界牌八處。今交界道路記。猶可考當時分界地點。自烏蘇里河口而南。上至興凱湖。兩國以烏蘇里及松阿察二河爲國界。踰興凱湖。直至白稜河。照圖上所畫紅線。俄文字頭作界碑。光緒十二年。吳大澂勘界。損失已多。今有知覺晚矣。

東界俄屬東海濱省

綏遠 自耶字界牌以南。入烏蘇里江河口。則有富集河。畢爾賽河。黑魚泡。瓦盆窰河。沿邊有固本屯。海青魚廠。

饒河 西北有大七星河。經船口入烏蘇里江。西瀕爲江濱一島。又南有雞心口。偏近俄路之北京站。南有大帶河。大小別拉河。最南至外七星河。

虎林 七虎林河自縣西東流。入烏蘇里江。北有獨木、大木、小木、河水。南有黃泥河、穆稜河、白大河。皆入烏蘇里江。惟古榆樹南四道老房河入松阿察河。以上三縣以松阿察河及烏蘇里江爲界。

密山 沿松阿察河。有小黑河四道河。南至龍王廟。有亦字界牌。西越興凱湖。至白稜河喀字界牌。西南至黑背山。有記號。又西南至瑪字界牌。又經第二十二三。至黃窩集山。二十一號爲界。

東寧 自那字界牌以南。南至五站。爲中東鐵路之交界驛。其南以瑚布圖河爲東西分界。直至河源。有界碑。

琿春 老松嶺南草帽頂有拉字界碑。第十六號。南有薩字界碑。由十五號折西。至第七號。沿邊多金礦。黑山馬鞍山。屹爲邊境屏障。惟瓦崗寨名目。易爲匪巢。自黑頂子折東南。爲第六號。苞圖們江之東。至第一號。爲土字界牌。是爲最南。東距東海。不過數里。南距圖們江口。亦不過十數里。昔年畫界。不爭海口。此界務東隅之大失也。

第八章 西界

吉林最西經度。在京師偏東七度五分。地名月海屯。爲奉吉西省交界處。地屬長嶺縣。吉林西關蒙荒。惟此點突出。地瘠近小沙漠。邊上無著名屯鎮。至新安鎮以南。邊屯始盛。至長春西南交界。生聚頗繁。伊通則三面挿入奉天。磐石又向內縮。濛江垂入奉天。界內若懸瓠。倅甸又向內縮。南與奉天安圖爲界。和龍則西界安圖。昔奉天之界不明。兩省放荒所至。設治之地。卽爲省界。此界自省城視之爲南。自全省視之爲西南。直隸朝鮮境。則長白山頭。爲奉吉兩省一致對外之要地也。

西界奉天省

郭爾羅斯蒙旗。哲里木盟十旗。分配東三省。奉天得其六。黑龍江亦得其三。惟吉林僅得其一。然長春十爲旗中心。精華所蓄。農安之腴。長嶺之廣。洵難得也。今前旗一隅。生計地。猶障隔吉江兩省之間。

長嶺 本郭爾羅斯前旗地。西與奉天科爾沁左翼中旗相連。卽奉天之雙山縣。新安鎮以南。界上有五里堡。古井。老牛圖。龍塘。八寶戶。西界開通。北界安廣。

長春 自長嶺界龍泉山。迤東南蓮花山。大青山。龍王廟。大嶺。白龍駒。至鐵路旁。與奉天范家屯車站分界。又迤東南自長春堡南。至伊通門。

伊通 伊通門循邊牆至葉家屯。二十家子。西南至赫爾蘇門。又經上下三台至布爾圖門。又經上下二台。至昌圖東南。折東南。不以威遠堡爲界。至二道河南。循圍場舊界。葉赫舊境。東北至縣南石匠背。東南至大星嶺。

磐石 西起伊通界之朝陽山。東南經亮子河。當石河。牛心頂。細鱗河。過輝發河。界上有煤礦溝。南與奉天輝南爲界。

濛江 起磐石界二岔嶺。南至三岔嶺。繞斐德里山。窟窿頂子。折東經報馬川。小陽河至沙河金礦。循頭道江。至下兩江口。東與奉天撫松縣分界。

樺甸 西起頭道柳樹河。東至五道柳樹河。又東至金銀壁河。狼才河。石人溝。富爾河。西北岔。大小蒲城河。東柳樹河。

和龍 西以英額嶺。輪嶺。與奉天安圖縣分界。經外馬鹿溝。鷄爪頂子之西南。又東南至圖們江上關王廟。本省最南之界也。

第九章 南界

吉林最南。圖們江上之關王廟。北緯四十一度五十八分。爲奉吉兩省。對於朝鮮之三
交界。卽華字第一界碑。華夏金湯固。河山帶礪長。凡十碑。皆沿石乙水而排列。下游則
以圖們江爲吉林與朝鮮舊屬國分界。有清政尙寬大。聽韓民越壑。圖們江自茂山以
下多灘地。以光霽嶺前假江之地爲最大。縱數里。寬一里。計二千畝。韓人私掘一溝。此
灘遂介於江中。韓官李允範。遂妄指爲間島。致釀中日間多年之爭執。至今猶多事。正
南界奉天。濛江伊通皆有挿有奉天之地。所謂犬牙相錯也。

界碑勘定之地址

華 立於小白山頂。

夏 立於小白山東麓溝口。距華字碑十五里。

金 立於黃花松甸子頭接溝處。距夏字碑二十二里。

湯 立於黃花松甸子盡處水溝口。距金字碑五里。

固 立於石乙水源出處。距湯字碑十二里。

河 立於石乙紅土兩水會流處。距固字碑四十一里。

山 立於長坡浮橋南岸。距河字碑八十八里。

帶 立於石乙紅丹兩水會流處。距山字碑二十三里。

礪 立於三江口之圖們江西豆水會流處。距帶字碑三十六里。

長 立於圖們江朴河會流處。距礪字碑三十一里。

圖們江岸中韓要界

外五道溝 南對朝鮮之茂山。

黑子溝 南對朝鮮之良雍。

大礪子 卽稽查處 南對朝鮮之會寧。

光霽峪 卽開島岸 東對朝鮮之鍾城。

凉水泉 下游南接朝鮮之穩城。

琿春 南對朝鮮之慶源。

黑頂子 下游南對朝鮮之慶興。

第十章 北界

吉林最北之點。卽最東之點。北緯四十八度二十分。綏遠一縣。屹然乘伯利上游。北瀕黑龍江。與俄之阿穆爾分界。上至松黑合流之同江縣止。上游松花江橫亘。所有富錦。樺川。依蘭。方正。賓縣。濱江。扶餘。皆當松花南岸。與黑龍江省以江爲界。昔湯原大通。曾隸吉林。依蘭府。改設行省後。劃歸江省。省界亦較爲整齊。國界省界。皆有天然河流也。查胡文忠大清一統輿圖。北八卷。吉林庫額島北端。當北緯五十五度。咸豐失地以後。蓋縮退七度。約千四百里而遙也。界上百里之內。彼此互市無稅。兩國因以親睦焉。

北界黑龍江與俄畫江分界者。華人赴俄界種煙。俄人來華界飲酒。國法難禁。

綏遠。東起耶字界牌。西有烏蘇里支流。口外一島。曰黑瞎子溝。西至縣城北。有濃江。有島曰達子營。色拉庫街上游。有島曰富唐吉。循秦得利額圖二站之北。有沃泥河入江。中俄國際河流。倭輪亦冒挂俄旗上駛。江防司令。能實行查阻。同江。東起得勒氣。西經科木。街津口。上游有哈邁島。西南經陸鄰鎮。至縣治。卽拉哈烏蘇。松黑江防迴環三千里。只有破艦四艘。吾悲重鎮無人守也。

北界松花江與黑龍江省分界者

臨江 江沿有泥爾固圖斯利翟通市布齊和古必札拉。

富錦 臨江設縣治。上游有興隆屯大歲子和悅鎮霍悅路康阜鎮三道烏龍。

樺川 東有馬庫力山瓦正通河汶澄崗西有海明屯蘇蘇屯蒙古里佳木斯。

依蘭 東有宏克力大小瓦宏巴彥通縣治西有牡丹江口西甸子。

方正 東有沙河子黑瞎子溝湧湛河達溝二吉利河西有南天門寡拉川。

賓縣 東有擺渡河半截河新甸猴石西有紅石鑿朝陽川老山頭。

阿城 縣北黑魚泡馬廠之北皆有江濤。

濱江 江沿碼頭極繁盛鐵橋爲兩省分界。上游有正陽河。

雙城 西北江沿有報馬川礮子屯八里岡。

扶餘 東北江沿有黑沙堤西隴子下岱吉塔頭泡西至老神店折南至縣城西。

北界郭爾羅斯者

農安 長嶺 互見西界。

第十一章 區畫

吉林區畫略如田字。上稍闊而下稍狹。不以四方分畫。而以四隅分畫。一曰西南。今所謂吉長道。爲省會商埠所在。農業最膏沃之區。二曰西北。今爲濱江道。松花榮繞。輪軌交通。亦繁庶之境。三曰東南。今名延吉道。倭文謂之間島。將爲吉會鐵路所經。韓民內向。雜居者地衝而多難。四曰東北。今名依蘭道。昔三姓副都統轄境遠及庫頁島。今東海濱久淪於俄矣。自鐵路交通而兩旁主權漸失。今雖收回。然仍名曰特別區。法院警察之偏製亦特別焉。此則吉江兩省合併辦理。不屬於一省者也。

吉長道區 共十一縣

吉林。磐石。舒蘭。舊屬吉林府。伊通。舊爲伊通直隸州。昔以散州屬吉林。

長春。農安。舊屬長春府。

長嶺。德惠。雙陽。濛江。樺甸。以上新設。

濱江道區 共八縣

濱江。雙城。舊屬雙城府。濱江。舊名濱江廳。

濱縣、同賓、阿城、舊屬賓州府。榆樹、舊爲爲榆樹直隸廳。

扶餘、舊爲新城市府。五常、舊爲五常府。

延吉道區 共八縣

延吉、和龍、汪清、舊屬延吉府。琿春、舊爲琿春廳。

寧安、舊爲寧安府。東寧、舊爲東寧廳。

敦化、舊屬吉林府。額穆、新設治。

依蘭道區 共十二縣

依蘭、樺川、勃利、方正、舊屬依蘭府。

同江、富錦、綏遠、舊屬臨江府。

密山、寶清、饒河、虎林、舊屬密山府。

穆稜、舊屬寧安府。

最近號曰三十九縣。烏吉密河、葦沙河、行將設治。將進於四十一縣。舊日十二屬所分析地。拉林人民亦請願設治焉。

第十二章 形勢

吉林形勢。或謂自近古以來。恒重於奉天。遼代建國於遼水流域。金人起白山黑水間。竟以滿萬之衆滅遼。有清始祖實發祥於敦化。東遷寧古塔。南取興京盛京。以成帝業。此近古史之可證者也。明永樂因船廠造船以撫馭苦夷。清康熙因船廠立水師營以平定羅刹。前人禦侮開拓之功。亦不讓漢家度遼也。自改設東三省爲行省。原議以總督駐長春。民國初擬以東三省爲一大學區。設校長春。蓋地居三省適中。西近內蒙。宜於內治。東陲邊安。極於綏遠。殆不忘沿海及庫頁之荒服也。

古分而今合者

古人有一縣之地。卽成一國。近古如葉赫國於伊通。烏拉國於吉林。皆是也。最近韓登舉在樺甸。何嘗不儼然獨立。郡縣制成。封建部落日減。雖蒙古亦納土矣。

古合而今分者

清初各副都統轄境寥落。鞭長莫及。寧古塔三姓兩城。所控制尤遠。自開荒設治。由五六廳治。遞分至三十九縣。若荒地齊開。不止百縣也。

古重而今輕者

寧安 寧古塔駐將軍時最重。移省後遂成僻郡。

扶餘 伯都訥駐副都統時最重。鐵路改由哈爾濱。繁華亦滅。

古輕而今重者

濱江 昔爲濱江一網房瓦窰。鐵路橋成。水陸輪軌交會。遂爲塞外之漢口。

長春 日俄未戰以前。猶尋常一過站。兩國爭持。遂成鉅埠。且爲省城出入門戶。

古盛而今衰者

阿城 白城子昔可建都爲大國。今不足以爲縣治。

烏拉 烏拉街昔年可建國。今距省近不足以立縣。

拉林 放荒之初。號爲上腴。附近各大縣皆曾升府。拉林街名不著焉。

今日形勢所在者

綏遠 海軍江防艦隊第一重門戶。對岸三面受敵。艦隊精。墩壘固。可武裝和平。

延吉 大陸出海。以吉會鐵路爲將來孔道。陸防第一重門戶。弱國自行開放也。

第四篇 山脈

第十三章 長白山脈

長白山。滿洲語曰。果勒敏珊延阿林。在吉林城東南六百餘里。古名不咸山。漢曰單于大嶺。魏曰蓋馬大山。後魏曰太白山。又曰徒太山。亦曰從太山。又曰太皇山。遼志及金史始有長白山之名。因其四時戴雪。故以長白稱之。據英人維廉孫云。長白高峯自萬尺至萬二千尺。蓋已達雪線也。山頂爲輕石石灰岩。不生樹木。山腹全係土質。森林鬱茂。不見天日。然傾斜平緩。登降不難。惟每年秋分後。至翌年立夏時。大霧封山。行人絕跡。有清開國。上託於天女。列之祀典。虞衡有禁。今日始興利焉。

前清長白山之祀典

殿宇 五間。原由盛京工部修築。如有滲漏。由吉林黏補修理。入於歲修核銷。

祭期 每月朔望。將軍及副都統。輪替拈香一次。每年春秋二季致祭。

祭品 定額應備養黑牛二十條。豬二十口。羊二十隻。每年將用剩數目。於四月

內造冊。咨送盛京禮部核銷。

長白山分布全省大勢

老嶺 爲吉奉之界。北爲英嶺嶺。天寶山。哈爾巴嶺。老松嶺。哈達嶺。爲正脈。

完達山脈 自哈達嶺。東北至窩金山。太平山。實長白山之東北大幹。

七虎林山脈 蜂蜜山脈 爲東北兩大支。

張廣才嶺 爲老嶺正北之大幹。直至長春嶺。分省北各支。衍爲小白山脈。

磐石山脈 自奉天境。長白山之吉林哈達山折入。分省南各支。及省西各支。

長白山盤迴延吉之各支

和龍嶺第一支 自牛心山。高嶺。黑山嶺。北至光霽嶺。風都嶺。燈籠嶺。

天寶山第二支 自天寶山銀礦。北有大小盤山。東迤爲元寶山。帽兒山。磨盤山。

延吉嶺第三支 自哈爾巴嶺分廟嶺一支。自義松嶺。牡丹嶺。延吉岡。至延吉嶺。

高麗嶺第四支 自燈草頂子。太平嶺。至老爺嶺。汪清河出焉。南至高麗嶺。臨邊。

土門嶺第五支 自老爺嶺。清松嶺。至土門嶺。當東寧。理春界。又東至通肯嶺。

老松嶺第六支 嶺西南沿界。爲紅旗河流域之界。嶺外沿海皆割於俄。

第十四章 完達山脈

完達山脈。爲烏蘇里江牡丹江分水之脊。爲省東北高原之主山。卽長白之東北大幹。由哈達嶺南接老松嶺。東北橫亘富錦。同江。綏遠。各縣。西分樺川。依蘭。穆稜。各支。老松嶺以北。穆稜嶺西北。正脈爲黑土嶺。卡倫山。肯台山。沿山多榆樹林。樺樹林。又東北經龍爪嶺。察庫蘭嶺。至杉松頂。北爲葛蘭棒子山。產參。又北爲阿爾山。產金。東北爲對錦山。視台山。二龍山。東西太平山。寒葱山。喀爾山。昂古山。蘇杜山。直至綏遠。南黑龍江與烏蘇里江之會。屹立完達山。巍然爲邊鎮。俯臨俄境。有居高御下之勢焉。

完達山附近形勢

主峯 北眺黑龍。東襟烏蘇。西帶濃江。南連長白。

東麓 科勒木山。下有防守屯。防禦守望。山險可資。

北麓 依里嘎山。北有東安鎮。最東邊境。中外相安。

西麓 濃江以西。開闢爲小平原。沿江五縣。皆有沖積層。腴壤。

南麓 入山愈深。採金採參採木之利愈厚。

完達山脈各支脈

昂古山所分兩支 東北曰秦得利。西北曰額圖。皆突至黑龍江濱。
 寒葱山所分兩支 北曰街津山至江濱。南曰小孤山子。孤山子至楊木岡金礦。
 二龍山所分兩支 北曰烏爾吉力。橫頭山。南曰向陽山。駝腰嶺。東長春嶺。
 阿爾金山之北支 雙崖山。別拉音山。雙鳳山。三道岡。
 阿爾金山之東支 望山坡。烏爾根山。三岔口。青山子。
 阿爾金山西北支 七星嶺子。馬鞍山。筆架山。北至寶山鎮。
 馬鞍山之西北支 分水岡以西。有大腦袋。歪頂子。橫頭山。分大峯堆。小峯堆。
 馬鞍山之西南支 小青背。大青背。兩金礦。西至大德。依亨山。橫黛山。土龍山。
 大青背之西支 自烟筒山。猴石。西湖景。至水流曲山。依蘭東境。何秀麗耶。
 察庫蘭嶺附各支 中支連珠岡。東支小駝腰。西支大駝腰。河北有阿爾布善山。
 哈達嶺南北各支 北有七道關。南分連珠山。大小鍋盔山。及掾毛山。煤礦。
 龍爪山之北支 大毛里山。懶擲子山。西北兩鍋盔山。牛心山。

第十五章 七虎林及蜂蜜山脈

七虎林爲饒河虎林河之分脊。蜂蜜山爲穆稜河與凱湖之分脊。七虎林之主幹。舊名那丹哈塔拉嶺。蜂蜜山之主幹。舊名蘇爾得嶺。今從七虎林蜜山之新稱。此兩山脈自長白完達二山脈比較。僅足以當支脈。惟支脈中之最大最重者。屹然列於邊陲。爲一方之望。七虎林山脈皆在境內。蜂蜜山支脈。且連亘於境外。榛荒初闢。雖有崇山峻嶺。或未定名稱。交通不便。雖林巒幽勝。邱壑鬱盤。游山者所不至。然參茸森林礦產。利之所在。農商漸徠。官吏考察。陸軍測繪。亦日密焉。

七虎林山之各支

正幹 自完達山脈杉松頂。東爲奔松子山。發希山。土山。雙研山。安巴倭克里山。主峯 七虎林山。在七虎林河之北。東麓臨烏蘇里江。今人舉七峯而錫以虎名。

虎頭峯 虎視峯 虎嘯峯 虎臥峯 虎威峯 虎文峯 虎德峯

南支 新七虎林山。在七虎林河之南。西起發希山。接半拉窩集。東至老龍岡。

北支 雙研山。東北環達山。那丹嶺。青山。佛力山。大頂山。關門山。營盤山。饒力山。

蜂蜜山各支

正幹 穆稜窩集山至鐵嶽背。爲穆稜河與綏芬河之分水嶺。卽完達之分脈。主峯 黃窩集山。在羣山中。最爲廣大。屹立於邊界之上。俯爲北岔河焉。

紅土崖南支 南有廟嶺。南天門。交界頂。

青溝嶺北支 北有雞冠山。頭道老爺嶺。

大幹 界上老虎山。內向尖頂子。角杆頂。至黑背山。是爲來脈。

蜜山 在縣治東南。與凱湖西北。昔多野蜂。獵人因得自然之利。以名。

南支 蟠於大小兩湖之間。今名曰臨湖山。

北支 楊木岡直至穆稜河濱。

東支 石咀子東分二小支。

餘脈 蘇爾德山。在大小穆稜河之間。

森林 小穆稜河以南。有古董林。

邱陵 黃嶺。太陽岡。小山起伏於平原。

第十六章 張廣才嶺山脈

張廣才嶺一名張嶺。或名嵩嶺。爲牡丹江松花江分水之脊。今有名爲中嶺者。此嶺自南而北。分全省爲吉東吉西兩部。而正當東西往來之衝。相傳昔有漢人張廣才。謫居於此。鑿山道以通車馬。葺茅以駐輜軒。冠蓋往還。皆以爲便。遂以人名爲嶺。竟得不朽。山脈由長白山。老嶺分支。似與完達山脈成平行線。嶺西開闢較早。嶺道既開。省東亦漸拓。老嶺南起荒溝嶺。牡丹嶺。富爾嶺。新開嶺。慶嶺。北至於嵩嶺。又北則威呼嶺。接於摩天嶺。又北羣山。則統於春秋嶺焉。

張廣才嶺之主脈

主峯 在額穆縣西境。東爲朱爾德河所出。西爲蛟河所經。

關隘 省東屏障。逾嶺卽分道。由額穆東北赴寧安。東南赴延吉。皆以此爲扼塞。

附近 嶺東胡家店。嶺西劉家店。夾峙嶺旁。

礦產 意氣松。北大洋。皆產金。南有金沙灣。

各嶺 北有威呼嶺。南有慶嶺。吉會鐵路勘測。將來鑿隧以慶嶺威呼嶺較短。

張廣才嶺之各支

荒溝嶺北支 屏風嶺、孤嶺子、大頂子、通溝嶺。

牡丹嶺東支 玉皇頂、三角頂、太平山、雙廟嶺。

富爾嶺南支 滾馬嶺、南臨夾皮溝、金礦、東南迤爲金銀壁嶺。

富爾嶺西支 滿天星、西有猴嶺、又西爲紅石嶺。

新開嶺東支 烏稽松東、林平嶺。

新開嶺西支 西南曰帽山、五虎石、西嶺曰漂河嶺、在河之北。

新開嶺東支 有威呼嶺一支、東至小平山、金溝。

慶嶺西支 有大青背、小青背。

摩天嶺東支 三塊石、東至馬鞍山、東南大嶺、東北龍首山、至和恩山。

摩天嶺北支 對頭嶺、南有雙石嶺、北有旗桿頂子。

摩天嶺西支 摩琳山、九十五頂子、金炕山、雞冠嶺、黃梁岡、老爺嶺、連環山、雲梯

山、桃兒山。

第十七章 春秋嶺山脈

春秋嶺爲螞蜒河阿什河分水之脊。實張嶺之北幹。當濱江赴海參鐵路所經。省北各山多由此分支。北有長春嶺。各圖或用爲山脈之名。然山在北長春在西。且本省兩名之長春嶺甚多。不如春秋嶺。當中東正軌。與聖經同名。將來列入名山。與他山不復。北幹爲大青山火燒嶺。西北有分水嶺。大小團山。東幹爲圍場荒山。至螞蜒嶺亦爲鐵路所經。東北爲畢展窩集嶺。龍爪溝嶺。東老嶺。套環山。老爺嶺。分紅嶺。烏槍頂。蘇家嶺。支脈繁多。已啟山林之利矣。南則由茅老茅山接於老嶺也。

春秋嶺之主脈

主峯 在同賓雙城賓縣三交界。烏吉密設治局在其東。

南麓 筆架山象筆架之形。中有文筆峯爲主。左右列峯。平列如屏。

西麓 帽兒山象大帽之形。其北曰涼帽岔。

東麓 朝陽山老會龍山。皆直抵螞蜒河。

北麓 老土頂子牛心山。

春秋嶺之北脈

石繚山分支 東爲黑龍宮。西爲松山。混元山。楸皮頭山。大禱子。

大青山分支 東南虎頭山。老黑頂。萬寶山。北爲馬鞍山。

火燒嶺分支 南有大紅山。二紅山。北有花碾。

桃兒山分支 東至柳山。北至哈拉山。南大門。西至城塔嶺。

春秋嶺之東脈

瑪琍嶺大幹 東脈東北馳。西脈連於北脈。來自茨老茅山。東爲圍場荒山大幹。

畢展嶺各支 東爲帳房山。西爲牛樣嶺。長岡山。青雲山。元寶山。金坑山。乾坤嶺。

東老嶺各支 東有阿穆達山。西有丹鳳山。五頂臨河。北至蘇家嶺。

春秋之西脈

會龍山各支 西起到撥嶺。碩戶德山。至老爺嶺團山子。

分水嶺各支 自小嶺於北。至分水嶺。有紅石砬。

老山頭各支 東北由太平山來脈。東引興隆岡。房身岡。

第十八章 蘭陵山脈

蘭陵山脈。爲松花江拉林河分水之脊。實張嶺西北之大支。蘭陵嶺爲蘭陵河霍倫川蛟河三水所發源。分爲四支。而以沿松花江者爲大。至西北散爲平原。而隴斷岡連。時有小山蟠起。第一支在蘭陵北。曰鈴鑊嶺。介乎額穆舒蘭之間。西至呼蘭嶺及秋千嶺。爲第二支。西過太平嶺分南慶嶺雙鳳嶺爲第三支。西至老爺嶺。南有海青嶺。西有猴嶺。衍爲省城附近隔江龍潭諸山。主脈直由法特哈門。散入榆樹扶餘長嶺各縣境諸小山。其小白山與省城小白山同名。爲各小山之樞紐云。

省城附近各山

龍潭山 省城東隔松花江。山勢崔巍。林木葱鬱。俯瞰江流。上有龍潭之奇觀。

黃山 省東南。山當大路。俗名黃山咀。西南有改集街煤礦。

江密峯 省城對岸。江上青峯無數。此處獨密。遠山如畫。風景特佳。爲吉東孔道。猴嶺 在黃山東南。爲龍潭來脈。

亂父山 在江密峯旁。

蘭陵山各支脈

玲瓏嶺北支 老黑頂金馬山雞爪岡東北有九龍口各支。

秋千嶺北支 自呼蘭嶺北來北至天成街。

南慶嶺北支 爲北慶嶺北有棒槌溝煤礦。又北有銀礦山。花苑山。長壽山。

南慶嶺西北 有鍋盔頂老營堆亮甲山長嶺新嶺。

南慶嶺西支 大北岔雙鳳嶺其南有夾板嶺。

老爺嶺南支 高處曰莖草頂。南迤爲海青嶺木頭營。康士禱。

小白山支脈 有歪頭禱鳳凰山相銜接。

榆樹十二山

蓮花山 北牛頭山 太平山 太平山 大嶺 荒山咀

柞樹岡 西牛頭山 龍青山 龍青山 長嶺 團山子

扶餘八山

長春嶺 富春嶺 太平山 萬全山 珠山 龍鳳山 大青山 鶯山

第十九章 磐石山脈

磐石山脈。爲松花江伊通河分水之脊。其脈來自奉天之吉林哈達嶺。初名磨盤山。嗣改名縣名。而山名亦改。蓋自大星嶺入界。至庫勒嶺。馬鬃嶺。至磨盤山。北有青石咀。東經呼蘭嶺鉛鑛。北過老毛山。有白石磧。石英礦。又北至大黑山。至省西之磨盤山。衍爲省城附近諸山。又北衍於吉長路之土門嶺。北至官馬山。其餘自吉林入界者。有濛江。雙德里各支。由奉天入界者。有伊通大石嶺各支。又有農安大嶺各支。西北長嶺一帶平原。亦有小嶺若斷若續。點綴其間云。

省城附近各山

小白山 省城西郊。爲長白山望祭之所。鹿苑養鹿甚多。古蹟極應保存。

北山 省城西北。山勢高聳。雙塔高標。有玉皇藥王關帝等廟。亭榭尤宜避暑。

立天嶺 省北最高處。東有礮臺。西有真武廟。爲防守重地。

望雲山 南有五省會館在其麓。虎頭山 在商埠之最北。

桃園山 有王母宮或呼爲桃源。

磐石山各支

庫勒嶺西支 有一步嶺。均勻堡。炭山子。

老毛山東支 大青嶺。東至平嶺。趙大雞山。鹿嶺。螞蟻嶺。北至雙鳳嶺。鐵嶺山。

呼蘭嶺東支 鉛礦山。長水岡。杉松嶺。天平嶺。

一步嶺東支 土頂子。雞寇山。烟筒山。

一步嶺北支 將軍山。光弼山。黑頂子。尖山子。大頂子。狍子洞。八卦嶺。吉山。牡山。

太平山北支 大青咀。長嶺子。長春嶺。

斐德里山各支

五金頂子北支 半坡山。窟窿頂。七個頂子。黃泥岡。四方頂。三岔嶺。二岔嶺。

那爾轟嶺各支 錯草頂。簸箕岡。金礦。積德山。志德山。

奉天入界二支

沿邊伊通邊墻者 有石匠背。大孤山。大石嶺。三支。

沿長春長嶺者 大嶺最大。九條玉帶。胡家嶺甚長。長嶺境惟團山小塔耳。

第五篇 水系

第二十章 黑龍江

黑龍江東吉林境內者。僅自松花江口。至烏蘇里江口間。約五百餘里。北與俄領阿穆爾省爲界。今多稱之爲混同江者。誤也。遼史地理志云。長春州韶陽軍本鴨子河春獵之地。聖宗太平四年。改鴨子河爲混同江。是混同河乃松花江之稱。非二水合流之稱也。金史世紀云。混同江亦號黑龍江。是誤以松花江爲黑龍江之源。乃以下游之名被之上游。而今人又以上游之名被之下游。此其致誤之原也。此五百餘里。爲國際河流。中外輪船上下。國防主權所繫。海軍部軍艦所駐。洵戰守重地也。

黑龍江之全勢

上源 自肯特山至額爾古納河口。完全爲在俄境。

中段 爲黑龍江北與俄人分界。江左外興安嶺失地。面積大於黑龍江全省。

省界 自松黑合流處。與烏黑合流處。爲本省北與俄人分界。

舊界 下游至海。江北江南地方面積。倍於今日吉林。庫頁島在外。

臨江沿岸之重地

拉哈蘇蘇 卽同江縣城。北有莫力洪口。爲輪船碼頭。

睦鄰鎮 在縣東北下游。冰合俄人交易多。東有奇奇卡。下游有哈通。

街津口 臨街津河入江處。倚街津山。東有科木屯。

得勒氣 東至二吉刺河。入綏遠界。

綏遠沿岸重地

額圖山 臨岸以山名爲站名。

秦得利 當昂古河入江之口。

沃泥河 下游有一小溪亦入江。江心有富唐吉一島。

色拉庫街 街臨小港。名曰鱒魚通。

達子營 江汊甚多。外塔之南。上有黑魚河。發源處曰黑魚泡。

依里嘎山 綏遠縣治。負山臨江。完達北麓。江中有黑瞎子溝。

耶字界牌 最東最下游。俯瞰伯利。宜經營開埠。

第二十一章 松花江

松花江即唐粟末水。一作速末。遼名鴨子河。後改混同江。金名宋瓦江。明宣德時始名松花江。以長白山北。直接天池之二道白河爲正源。至上兩江口。匯富爾嶺。河水勢始大。乃名二道江。至下兩江口。與頭道江匯流。始名松花江。西北流至扶餘。折東北爲吉黑兩省分界。至臨江縣北入黑龍江。水量較黑龍江多。綿長四千餘里。且上流有大森林也。上流兩岸塞石聳立。流急難於行舟。清乾隆自製詩注云。松花江本以松阿哩烏拉得名。松阿哩滿語天河也。足知粟末諸名。實皆松阿哩轉音。

松花江上游全勢

頭道江 源在奉境。濛江南以報馬川爲界。東與撫松縣查江分界。或名松江。
二道江 天池源在奉境。樺甸縣東起柳樹河。與安圖縣查江分界。或名樺江。
兩江口 二江合流。向西北流。納夾皮溝各細流。自是爲水警之上游。
樺甸縣 當八道河入江之口。對岸受輝發河鉅流。下游漂河。亦於江濱成市。
拉法河 上游有蛟河市。入江向西北流。經大風門阿什哈打直抵省城。

松花江下游全勢

烏拉街 自省城北流經哈達灣至街西。又北有溪浪河。亦可停泊。

秀水甸 江心有巴彥灘。下游有五棵樹亦臨江小站。

老少溝 直接陶賴昭車站。吉長未成。此爲出口。下游有五家店。喀拉木。各小站。

扶餘縣 上游鎮國公亦臨江。下游老神店。會嫩江於三岔東。自是爲水警下游。

拉林河 爲扶餘雙城分界。江口八里岡爲形勢地。下游報馬川。入濱江界。

哈爾濱 上游有片泡。正陽河。各小水入江。鐵橋以東。對岸納呼蘭河。始展大輪。

阿什河 爲阿城縣入江大川。自此以下。對岸黑龍江省生聚亦盛。農運極便。

新甸鎮 爲賓縣臨江要地。當猴石下游。對岸木蘭縣。電報亦由此轉。

依蘭縣 自方正縣南天門西甸子。東流至三姓牡丹江口。德黑里亦成鉅埠。

佳木斯 爲樺川縣臨江重地。江北湯原。皆以此爲交通要道。

富克錦 富錦縣治。上游有康阜和悅二鎮。江濱屯市漸增。

黑河口 當拉哈蘇。同江縣城之東。上游有舊通市。

第二十二卷 烏蘇里江

烏蘇里江一名烏子。又作戊子。烏蘇里者滿語天王也。昔赫驥所居。源出東海濱錫赫特山之富勒堅窩集。以完達山脈及錫赫特山脈兩間爲此河之谷。江之正源出山西麓曰三道溝河。曲折西北流。右納數小水。迄西刀畢河。自左來會。再北至密山界會松阿察河。以下始名烏蘇里江。又北溢爲金銀泡。又北經春柏勒庫歧爲二派。旋合。將會黑龍江時。其分流自左岸來會曰通江。至伯利始入黑龍江。源至此約二千三百餘里。自清咸豐十年北京條約。割江東之地予俄。此江遂爲兩國之界矣。

松阿察河

自興凱湖東北之吐口溢。出東北流。曲折甚多。其旁有龍王廟。亦字界牌在焉。約三百餘里。會於烏蘇里江。吉林省河流結冰解冰。約歲各得其半。獨此河全流及入於烏蘇里江之二百里間。常不結冰。蓋因附近有溫泉混入河中。

大穆稜河

又名莫力河。源出寧安縣東穆稜窩集。東北流。穆稜縣治在其左岸。河水甚淺。可

以徒涉。迤東北流行察庫蘭嶺。與黃窩集山脈之間。沿岸匯納衆流。東過密山縣城北。以注於烏蘇里江。

諾羅河

又名撓力河。出富錦之老嶺。二源並發。合而東北流。沿岸納數小水。東北流經諾羅嘴。北注入烏蘇里江。

刀畢河 在三道溝河之西。源出錫赫特山脈南端。東北流與三道溝河合。

小穆稜河 源出蘇爾得山。在大穆稜河南。東北流入烏蘇里江。

七虎林河 源出七虎林山。亦簡稱虎林河。在虎林縣南。入烏蘇里江。

入烏蘇里江之各小水。

納庫爾布新河 尼滿河 瓦哈河 錫布克里河 愛心泡 西北湖 阿布

欽河 鷄心河 小清河 畢拉音河 畢欽河 新開河 阿滿河 牛河

青牛河 七里窩河

江口。在耶字界牌。東以河之中流爲界。

第二十三章 牡丹江

牡丹江無牡丹。原名穆丹烏拉。純係譯音。發源鏡泊湖。大魏呼河西出於額穆。雖入鏡泊湖而非牡丹江源。敦化南界牡丹嶺乃遠源。唐書與明一統志所載之呼爾哈河。忽汗河及呼里江。卽總括牡丹江與大魏呼河之名。鏡泊湖之北曰北湖頭。爲近源。東北流十餘里。乃折而北流。旋折向東流。經寧安城南。再經城東折而北流。至龍首山海蘭河自西注之。海蘭河一曰駭浪河。源出五常賓縣間之海蘭窩集。東北流會小水十餘里注之。再北流過依蘭城西二里許。入於松花江。

牡丹江之全勢

南源 敦化南牡丹嶺玉皇頂。北經縣城。又北至通溝嶺。東會沙河。北至三岔口。
西源 額穆縣大魏呼河。亦出敦化西北。至額穆縣治。會朱爾德河。東至三岔口。
入湖 二源合納小水七入於鏡泊湖。其他夾溪河、石頭河、二站河、小北河、皆細。
中流 寧安居江之中流。納諸水經縣治。北經鐵路橋。曰海林站。卽海浪之轉音。
下流 依蘭上自寧安。通舟甚便。

牡丹江各支流

南源所匯 大荒溝。小荒溝。二道。三道。荒溝。皆在左。黃泥河。石頭河。皆在右。

沙河所匯 南有頭。二。三。四道河。東有大小貂皮溝。板橋河。下游有船口。

西源所匯 小魏呼河。石頭河。朱爾德河。是以水量不如南源之盛。

三岔口下 北納馬鹿溝。都林河。塔拉泡。南納朝陽溝。大小空心木河。

湖東所匯 大小夾溪河。石頭河。松陰溝。阿布河。皆流入湖。

湖西所匯 歲呼河。二站河。自珍珠門入湖。小北湖合雞蛋溝頭。二道河入湖。

出湖所匯 獨木河。六水。泉眼頭。三水。蘇爾德。五水。至寧安納花臉塘道缸窰溝。

海浪河匯 橫道河子。柳樹河。碾子溝。萬丈溝。霍倫溝。商石河。北麟子河。

鐵橋以北 特林河。石頭河。樺樹川。小蜜峯河。哈圖河。頭。二道河。飛來河。

下游所匯 江東納小水。十三。江西納小水。十一。

土城河匯 龍爪溝。額和沁河。胡不別拉河。烏斯渾河。朱倫河。西伯稜河。

伯利河匯 黑瞎子溝。蓮花泡。卡倫河。

第二十四章 入松花江諸水

松花江所匯之水。有名者不下三百餘。下游江北鉅流。如嫩江呼蘭河湯旺河皆在黑龍江境。其他小水百數十。皆見黑龍江志。本省入松花江大川。當推牡丹江爲第一。已列前章。則次則爲伊通河。拉林河。阿什河。瑪琍河。倭肯河。亦自匯支流成一大川。其他則輝發等河。上游均在奉天。濛江雖小。因設縣著名。又其次漂河。拉法河。舒蘭河。斐克圖河。亦因屯鎮而著名。其小者或名曰川。而報馬川亦著。有二川。南在濛江。北近濱江。又小者曰溝。夾皮溝以金礦著。柳樹溝。葦子溝。以植物著。頭道溝。二道溝。以商埠著。

松花江上游入江者

頭道溝 小陽河。沙河。湯河。三道花園河。濛江。會珠子河。板石河。北有大東溝。
二道溝 柳樹河。大小蒲城河。富爾河。會銀魚河。蒲石河。金銀壁河。五道柳樹河。
兩河口 大小梨樹溝。夾皮溝。葦沙河。色勒河。蒿子河。加紱河。萬兩河。八道河。
輝發河 匯奉天輝南海龍東平諸水。自細鱗河入界。納石頭河。金沙河。
拉法河 漂河下游。此河爲巨。上游蛟河街繁盛。拉法站以下。納小水十三。

松花江下游所入者

省城以北。哈達河。九站河。熬龍河。四家子河。波通河。舒蘭河。八叉溝。盟溫河。又木石河所會。有月亮泡。三角泡。黃瓜泡。及小水五支。

伊通河以下。東源倒木溝。西源草皮溝。西源過縣城。二源始會。過伊通門。至長春堡。納頭道溝。二道溝。北至農安縣。新開河合諸水來會。又東北經江南鎮。驛馬河合雙陽德惠諸水來會。入松花江。下游惟溪浪河。塔頭泡。夾潤溝各小川。拉林河以下。正源今名蘭陵河。出蘭陵嶺。當額穆北。東源五常之沖河。金沙河。西源舒蘭之溪浪河。納榆樹雙城扶餘諸水。由八里岡入江。下有報馬川。片泡。阿什河以下。石頭河。沙河。二源。北流經白城會小水。五至濱江。下游入江。東有黑魚泡。朝陽川。海里。渾河。馬蛇河。夾板河。擺渡河。寡拉川。王寶河。

蛟蜒河以下。源出蛟蜒嶺。沿中東路葦沙河最要。西經一面坡。又北會烏吉密河。經同賓縣治。至夾心子。納東亮子。又經方正縣治入江。下游小河數十極密。倭肯河以下。牡丹江下游。此河最大。下游昔達木河。哈達河稍大。餘皆細流。

第二十五章 綏芬河

吉林綏芬河。上游在境內。有大綏芬河爲之幹。小綏芬河爲之支。下游實入俄境。有綏芬站爲鐵路分歧。此河曲折入海。成爲阿穆爾海灣。卽海參崴鉅港。賴以成市。河雖不長。然關係兩國甚重。清末綏芬河上游放荒。綏芬廳之設。亦因此河得名。今綏芬河流流域。源出於汪清縣綏芬甸子。會大石頭河。入東寧縣境。其餘小綏芬河。源出額穆。流域多在東寧境內。南支瑚布圖河。則爲兩國之交界。小瑚布圖河各支。亦全在東寧境內。正幹自倭字界牌入俄境焉。

大綏芬河之上源

正源 琿春崧荒礮嶺。有新房子。火燒溝。金礦。王寶脖子。金礦並重。

西源 石頭河出汪清石頭嶺。至河西屯相會。納太平溝。至綏芬甸子。有古城。

正流 納蛤蟆河。大黑瞎子溝。蒼南溝。柞樹溝。黃泥河。寒葱河。葦子溝。頭二道溝。

中游 自會小綏芬河以下。納臧場溝。大通溝。萬鹿溝。大城子。張三溝。至三岔口。

出界 至三岔口卽縣治。南會瑚布圖河。

小綏芬河之源流

正源 出額穆縣東。鐵線背。細鱗河。會七站北溝。南會夾板河。入東寧縣境。

東源 二源出那字界牌。匹。有金礦。經中東路之小站。西南流。

南支 爲大東溝。萬鹿溝。八道溝。寒葱河。合而北流。與東源會。合而西北流。

北源 六站北溝。紅土崖溝。會合南至六站。西源自七站。來會合南流。

正流 自北而南。微向西曲。有金礦。屯田營有二十八道河。合於大綏芬河。

瑚布圖河之源流

正源 老松嶺界碑東。以河南爲界。有小國屯。昔日朝鮮屬國之民自稱也。

小支 亮子川。銀礦。杏樹川。大烏蛇溝。皆自西至東。入界上正流。

中支 出黃花松甸。經白刀山對頭。經母鹿山煤礦。入小瑚布圖河。

西支 即小瑚布圖河。又名太平川。又名大肚川。會中支。與正源會。

按俄境綏芬河流域面積。可當吉林兩大縣地。而海參崴雙城子兩名城。亦足當大縣。憤乎吾國不早經營也。

第二十六章 圖們江

圖們江。遼名駝門。金名統門。清康熙時率稱土門。朔方備乘稱徒門。水道提綱又稱土們。色禽。轉入稱豆滿。惟至武記稱圖們。至今沿之。自遼金以來。白山黑水。屢經兵燹。窮荒僻陋。語音龐雜。雙聲疊韻。莫衷一是。遂將圖們土門豆滿。附會穿鑿。致釀成圖們交涉。實一江也。以紅丹河爲正源。東流至三江口會西豆水。始名圖們江。總以長白山爲其正源。東北流至琿春。會老松嶺以南諸鉅流。乃東南折而入日本海。自發源至入海。所受之水有名者。凡百四十三支云。

圖們焉之正幹

正源 奉天長白山天池東。會大紅丹水。及小紅丹水魚潤河。入吉林界。

韓邊 和龍之東南。與茂山會寧封岸。延吉之東。琿春之西南。苞舉三面。

俄邊 土字界牌之防川項。爲圖們江交界。吾國原有出圖們江口三十里路。

碼頭 琿春至西臚子。僅四十里。可設小輪船碼頭。比紅旗河便利。

海口 圖們江口。不如清津港。日本所以不甚經營也。

圖們江之各支

和龍各支河之次第

紅旗河 外馬鹿溝 外六道溝 外道溝 洞子溝 外四道溝 硯芝河

高嶺河 東景德河 沙金溝 東溝 大東溝 魚明溝 火狐狸溝

延吉布爾哈通河所匯

太平溝 撓子溝 岔條溝 簸箕溝 老頭溝 朝陽河 會海南河

海南所會 柳樹河窩集溝沙金溝三支會於山河鎮經六道溝會和龍入河。

汪清河 亦入布爾哈通河。大汪清河、小汪清河皆非此河源。俗名嘎雅河。

桶子溝 葡萄溝 梨樹溝 牛圈溝 五華溝 百草溝

輝春土門河所匯

土門河源出土門嶺。東源出土門子。經六頭沙金溝。南至高力城入江。

青源子。半拉城在大河口上游。

大肝川。朝陽溝在大河口下游。界上有玻璃燈。

第二十七章

赫爾蘇河

吉林赫爾蘇河爲遼河流域。遼河有東西二源。此爲東遼河上游之一支。以赫爾蘇站得名。大小雅哈河爲其支河。赫爾蘇站當鐵路未開時。原爲要衝。伊通州設治。曾設分州。其實赫爾蘇河尙及大雅哈河之遠。出奉天之西安。小雅哈河則夾小孤山。其餘又有營盤薄化樹溝。皆入河。小水也。南有葉赫河。出自圍場。至葉赫站。會達子溝。又納葦子溝。沙河子二水。最南有扣河。自奉天西豐來。有二道河一段。入界復出界。至威遠堡合流。向開原焉。中歐地學會。舊有開遼松運河之計畫。亦事在人爲耳。

擬開遼松運河計畫

遼河支河。曰套河。在奉天懷德縣。東距吉省新開河。不過數十里。

松花江支河。伊通河之支流。距遼河流域極近。且在大嶺南。不須鑿山。

運河。導東遼赫爾蘇所匯諸水。入新開河。

運道。由新開河引入二道河。爲長春河。孟家屯橫河可用。

商貨。自營口至濱江。不出於鐵路。船價較廉。

吉林水利附論

森林之培護 東三省水災最易見者。爲奉天遼河之下游。而新民爲甚。觀其上源。則赫爾蘇門。柵邊無柵葉。赫故國。喬木斬焉。近則松花江上游。亦采伐無厭。吉林水災亦歲以爲苦焉。清明植樹。勿視爲具文也。

水稻之栽植 遼東豆麥之鄉。經倭人內侵。正在恐慌。而旱田有引水種稻者。則鄰人之好學何勤也。吉林南近遼河天暖之區。亦可試種。利厚於豆麥也。農學農場當實行試驗也。

漁權之保存 內地河流。附近居民。投鈎張網。大可營業自由。若邊境黑龍江烏蘇里江。則爲國際河流。昔年人少。沿邊千里空虛。任彼取求。今生聚漸盛。凡國際河流之漁權。自應平分。

航路之疏濬 內地河流。當然任我航行。豈容外人反賓爲主。松花江之標識燈塔。昔年乃任俄人經營。今稍知自治。而黑龍江航路。彼族尙敢對我軍艦商艦。施以非禮。我國國民宜自有自強也。

第二十八章 湖澤

吉林之湖澤風景最佳者莫如鏡泊湖。面積最大者莫若興凱湖。皆在上瀋。滿畜山泉。興凱湖爲俄人所侵。始而奪其南半。繼而遷移界牌。奪我三分之二。惟小興凱湖完全在我境內。鏡泊湖之北有蓮花泡。其西北有小北湖。其次則德惠縣三角泡。月亮泡。三湖相連。他如長春西之冰泡。長嶺西之十二泡子。亦甚廣闊。饒河有大泡子。實不甚大。新城之塔頭泡。雖小而風景可觀。其餘淺濁哈湯。謂之行潦。不足以言湖澤。其餘小泡子。則池塘耳。

鏡泊湖之勝蹟

鏡泊湖卽渤海五郡所臨之忽汗海也。又稱畢爾騰湖。或湄沱湖。在寧安縣西南一百十里。吉林內地湖澤。厥推此爲巨浸。長九十八里。其廣不等。有二十餘里者。尙有不足十里者。兩岸之山如犬牙相錯。每值夏際。則荷萍覆水中。有老鶴。道士。大孤。小孤。四山。道士小孤兩山之間。有巖曰眞珠門。大孤山矗立湖中。爲圓錐形。頗與日本富士山相似。高出湖面七百餘尺。山陽有平原數武。上建古刹。松柏環

立清幽異常。盛夏前往避暑者頗多。湖之西南大魏呼河入焉。河水入湖之處有一崖曰呼克圖峯。湖水東注自東北瀉出。飛瀑跳空。駭浪雷吼。聲聞數十里外。土人名之曰發庫。亦稱水海。或弔水樓。卽瀑布之意也。俗傳金某公主墓。卽在瀑中。其棺以鐵爲之。並有珍寶。牡丹江卽源於此。札津松吉阿布畢拉罕諸河。環入於湖。以故湖濱之地。土壤膏腴。農墾發達。而此湖之鯽魚。最有名。

興凱湖

一名新開湖。在寧安東四百里。湖形橢圓。北廣南窄。東西約白里。南北約百四十里。周八百里。深處十四五尺。淺處五六尺。底爲沙泥。東南兩岸。蘆葦叢生。西岸多山。邱陵起伏。北岸沙石。積成高隴。樹木繁茂。連亘於大小二湖間。而成地峽。其北之小興凱湖。一名達巴達庫。原爲一湖。中有小嶼屏立。因風浪搏擊。泥沙壅起。遂分爲二。入湖之水。凡十。曰半泡子河。雷風河。橫道河。毛爾畢河。南岔河。北岔河。瀾房子河。夕陽河。烏札庫河。白稜河。大小湖之水。凡三。曰小黑河。成子河。梨樹溝河。皆盛產魚類。蚌珠水獺。尤爲珍品。清咸豐十年。中俄條約。湖之大半皆歸於俄矣。

第六篇 地質

第二十九章 地層

吉林地質未經詳查。近年因礦區探勘。對於地質亦知注意。約而言之。可分三部。東北東南兩路。以地質下部之深造。岩類所佔區域甚廣。謂者謂長白山脈之太古層。直貫山東之泰山。須俟專測。西南路則爲古生界。暨中生界。岩石而間以古生界之變成岩。西北路以中生界之岩。暨火山岩爲最多。拓爲平原。新生之沖積層。此其大概也。石炭紀最頭著。全省地勢。東北高而西南低。愈高則地層愈古。而峻嶺阻險。調查不易。略就礦山地質考之。仍弗備也。

馬家溝地質 中生紀砂岩附近天然斷層。現出岩層均屬淺灰色。砂岩中夾灰色或黑色頁岩兩層。層積整然。煤層即夾其中。砂岩中石英細粒。內含少量石灰。其黏結力甚微。經風化則散。

火石嶺地質 地層黃土七丈。砂岩三丈。煤層八寸。頁岩十尺。天青石六丈。石灰岩一丈五。煤層九尺。頁岩一丈五。砂岩九尺。石灰岩甚深。天青石重晶夾硫磺。

前岩地質 煤田似屬侏羅紀。最上部爲合子岩。再下爲砂岩。接近煤層爲泥板岩。西南石人山石英閃綠岩。噴出多量鐵質。煤層由此截斷。

釘窰地質 傾斜石層。受造山力變遷。煤層夾於灰色砂質頁岩。似屬侏羅紀。

磐石五道溝地質 傾斜作馬鞍式波狀。或爲盆形。煤層夾於灰色砂岩及黑色頁岩之間。

延吉縣老頭溝地質 砂岩頁岩。附近兩旁爲片麻岩。含炭層在砂岩之下。煤共五層。砂土下有海水沈澱之片麻

和龍漢王山地質 杉松背一帶。多花崗岩。而朝陽洞至稽查處。則爲砂土礫土。沙土中含有海蟲化石。煤層似石灰系。硫質甚多。

樺甸夾皮溝地質 母岩係眼狀結晶片麻岩。山麓有閃綠岩脈。花崗岩脈似已在原始界片麻岩主要成分。呈板狀之乳白色。石英含有肉紅柘榴黃白各色雲母。並綠泥石。漸有輝石。見有黃銅黃鐵。即採取備淘洗。

栗子溝地質 花崗岩有微粒酸性。眼狀片麻岩下。金砂層三尺。石英含雲母甚多。

第三十章 巖石

吉林地質。岩石可考者。以德林石爲最奇。塊然巨物。當推大中華第一大石。他省未有。西洋人游歷者。亦謂爲世界石一大石焉。惟石厚若干層。尙未深考。是以首列之。吉林石質之有用者。莫重於石灰及青石。建築所資焉。雙陽石頭坑。賓縣老山頭。綏遠馬牛處。克拉克木。同江伊犁岡。皆人民倚石礦爲生計也。伐石燒灰。循守古法。歲亦有餘利焉。至於地質之岩石。采取不多。而動植物化石尤罕見。願各校休學旅行。先爲採集。以爲標本。則岩石標本亦自重要也。三姓金礦。有圖章印石。省北三山。皆有墨晶製眼鏡焉。

德林石之奇觀

寧安西南。有黑石撲地。一望無垠者。滿人稱之曰德林倭赫。倭赫譯言石也。通稱石頭甸子。又稱石頭坑子。分南北二支。中以牡丹江爲限。北支起自鄂摩和湖之東。環繞沙蘭站之南。南支起自牛廠。盤駐於東京城之北。而同至於呼爾哈發庫之下。其廣數里。或二十餘里不等。其表計百餘里。石平如砥。背面亦然。孔洞大小不可數計。其形或圓。或方。或六隅。或八隅。如井。如盆。如池。或口如盂。而中如洞。或

週如壁而底如鏡。或口狹而內廣。或口崎嶇而內坦平。深數尺以至數丈中。或有泉澄然凝碧。夏無蚊蟲。馬鹿羣嬉。石縫中常有魚躍出。甸上草木皆異。黃蘗松即生其處。車馬行其上。如聞空洞之聲石。或少損即有水從罅流出。探之深不可測。迤西十餘里。有名海眼者。季春冰泮。水流石下。聲如雷吼。即平日亦聲聞。十餘里外。渤海德理鎮在其旁。而德理亦即德林之音訛也。按此石之廣袤。似非人力所能造。但孔洞之奇妙。亦絕非天然所能。故土人謂爲古代穴居遺跡。蓋亦有本耳。松花玉。產松花下游。色淨白。細膩溫潤。今惟興凱湖旁有之。五色如雨花石。

吉林常見之巖石

- 石英 產金母岩。延吉一帶多有。 石灰岩 爲鐵礦母岩。伊通高台子多間。
玄武岩 覆於山岳之上。分布最廣。 海百合化石 古生物界。出磐石銅礦。
片麻岩 花崗岩崩壞成金礦床。 螢石 椅子山銅礦。含有少許。
安山岩 馬鞍山銅佛寺恒見之。 頁岩 煤礦中多有之。
雲母岩 鑛工謂之飛金。各鑛皆有。 砂岩 煤鑛附近。

第三十一章 煤田

吉林煤田。亘古未開。有清嘉靖二十三年。將軍富俊。始奏准開採缸窰。田家屯。營盤溝。波泥河胡家屯。道光元年。又開荒山子。三道溝。下二台。西南山坡等處。同治七年。將軍富明阿。請采火石。嶺子煤窰七座。戶部議恐傷山脈。碍風水。伏莽難稽。奏請一併封禁。前此鑛稅。每年徵銀十七兩六錢零八釐。中央視之極輕。光緒六年。將軍銘安。奏准開石碑嶺。大葦子溝。鍋盔頂子。柳樹河子。七年。採大石頭頂子。陶家屯。亂泥溝。二道河子。半拉窩集。荒山子。長嶺子。省城附近煤田漸闢。自改省制。行新政。所開日盛。無處無之。煤田之發見者。

領照開採 吉林馬家溝。火石嶺子。石人山。前窰。樺甸蘇密溝。磐石三四五道溝。

東寧大佛嶺。額穆望寶山。子山。濫泥溝。密山頭道溝。雙陽大頂子。

領照探勘 賓縣虎頭山。和龍三道溝。黑瞎子溝。土山子溝。

領小礦業照 舒家韓家溝。二道河。小頂子。地局子。各一。樺槌溝。六家。

註銷停辦 吉林太陽溝。伊通官才溝。賓縣岔溝。蜜山大西坡。東寧小綏芬。大烏

蛇溝五虎林。小北溝。穆稜馬家河。

未核准者 吉林老煤窰。改集街喜慶寺。董家溝。伊通沙河子凍青樹。

哈爾濱附近之煤礦

哈爾濱爲鐵路中心。有火磨麵廠六處。需煤甚多。距濱五十里。卽產無烟煤。綿亘十餘里。俄人從事開採。華人樂用。利權外溢云。

一面坡煤礦

在鐵路東十九里。光緒三十三年。俄人派工程師開採。

烏吉密煤礦

俄人開路。就車站築輕便鐵路至礦山。專爲運煤之用。工則華人居其大半。

延吉附近之煤礦

銅佛寺平野。北跨十數里。老頭溝一帶。坑口數十。煤質甚粗。一經風化。卽成土色。煤厚四層。不雜石質。坑洞深鑿。則漸見優良。硬度亦隨以增加。若天寶山附近之煤礦。則適於製造煤焦。以作將來鑄化鐵質之用。東寧琿春。產此尤富。

第七篇 建置

第三十二章 省垣

吉林省城與各省特異者。卽徧地皆大木橫舖。無異地板。車行其上。無泥深沒轍之苦。天晴亦少風塵。蓋昔年木植太多。供過於求。是以屈棟梁之材。以代磚石。惟遇火災。則乾燥引火。徧地連接。不易施救。近因大火以後。改築馬路矣。然兩旁水溝。仍以木代石。爲行人便道。城如偃月式。前以松花江爲池。不復築城。城外人家殷盛。與城內無異。商埠車站皆在東關外。舊名向陽屯。城內通天街。糧米行。北大街。河南街。尙儀街。皆鉅商所萃。城內熙春里。城外德勝街。因奢侈而繁華。必如是而進化耶。

新開門 原有八門。曰迎恩。福綏。德勝。致和。北極。巴爾虎。朝陽。東萊。今合新開門爲九。蓋鐵路自西自北而東。因大小東門。出入仍不便。於是新開門並未另築城闔。不設城樓。惟以鐵柵欄爲啟閉之用。計全城延長約七里。

區畫 昔年城內。惟西門較盛。東門內猶多菜園。不及十年。鐵路成而東門尤繁盛。城內二區。城外三區。足見新拓區域。兩倍於舊日區域也。

第三十三章 鉅埠

吉林鉅埠。哈爾濱。寬城子。皆農商平民所定之名。雖俄兵南犯。倭寇內侵。莫能易焉。今國家定爲濱江長春道縣。而交通輪路郵電。仍用原名。哈埠寬莊。雖省文亦可代用。足見吾民意所公用者。確不可移。世俗但知俄軌通行以後。哈爾濱始盛。日奪南滿。長春始盛。不知當年造路。全賴華工。俄人資本。恃紙幣羌帖。吾國民則實由血汗爲資本也。延吉局子街。吾民所集爲重鎮。而倭人則重在龍井村。中外競爭可見也。舊日各副都。治所。惟依蘭道縣而已。其餘副署。夷於縣署。非新民發展之地也。

鉅埠不及省垣者

天時 哈埠最富。比較省城在北。氣候較寒。俄人來自冰洋。則以爲煖。

地勢 哈埠在江南。其北不如省城有北大山屏障。長春亦在柳邊外。北無屏蔽。

人民 哈埠長春。可立致鉅富。一經失敗。立即他徙。不比省城有世家爲中堅。

物價 哈埠比長春貴。先染歐風。長春北省城貴。近鄰倭習。省城猶守儉約。

風俗 哈埠中俄雜處。法律難施。長春奸商。倚租界爲護符。省城人民。均畏國法。

鉅埠成立之原因

大川交匯。冲積平原。可爲坦道。規畫衢市。亦覺整齊。哈埠在松花江下流呼蘭河交匯處。天然有三路交通。長春臨伊通河。天然不如哈埠。及開路後。哈埠輪船由三路來。無異三枝路也。安徽蚌埠。得長淮之助也。

鐵路交點。俄人經營哈埠。東達海參崴。鐵路爲幹路。南至旅順。青泥窪。鐵路爲枝路。皆長駕遠馭。以至於海。長春初亦尋常大站。自分東清南滿。再建吉長。始爲三岔口。惜遼源之路。不由此分歧。爲四達之衢。不若河南之鄭州也。

金融所集。吉林之金融。以哈埠爲主。長春次之。省城又次之。不足怪也。鉅商既成。各國銀行皆至。中國交通銀行亦不能不以鉅埠爲主。如江蘇南京不如上海。湖北武昌不如漢口。操吉江兩省之權在哈埠。其實權則在猶太人也。

工廠所宜。鉅埠必有大工廠。吸收大宗原料。生貨入埠。熟貨出埠。哈埠開始。先有華商一燒鍋一油房。皆工廠。俄商至則火磨林立。遠輸歐洲。長春工廠亦不及哈埠之多。哈埠除倭商外。英、美、意、法、德、丹、捷克。商工業凡四十三家。

第三十四章 城邑

吉林各縣類多新造。移墾之民。成邑成都。因天之時。分地之利。尤在得人。以和古城。何以廢乎。新邑何以興乎。亦在吾民之聚散而已。天有水旱之災。地有滄桑之變。人事不修。則種族不保。兵革流離。尤爲民困。苟能祈天永命。得十載告豐。盜賊不作。吾知吉林曠土日闢。不讓直魯豫各領百餘縣也。拉林放荒。而民趨於雙城。賓州五常。初設民治。不能不從民望也。腹地由廳升府。今爲大縣焉。長農德惠。西出蒙荒。亦比於內地。舊屬韓民。託命延琿。汪和各縣。亦成邑聚焉。而列縣亦同時進化也。

城邑成立之原因

農產物所蓄萃 能吸收二百里以內糧食買賣。即具有縣治之資格。

工匠人所營業 燒鍋油房爲大工業。各縣每先有燒鍋。後設縣治。

商人少而有信 由跑腿擺攤出身。自小商販成大商業。領袖商會者。在信實耳。

交通之便利處 鐵路設站輪船立碼頭。皆商賈所聚。每因以設治。

全境適中之心 全境已墾多半。就適中之地。劃留街基。

城邑成立與政治關係

招墾 招墾局爲建設第一次。設局時或只有二民戶稍大者。

設治 招墾既畢。以收入荒價爲經營之用。多改設治局。規畫街基。或先設分防。

改縣 多就設治局改。先請建修衙署監獄。地方民居日多。漸成街市。署前較盛。

訟獄 鄉民好訟。縣治爲訟獄所歸。守候需時。旅店飲食店。生意先發達。

完糧 良民完納租稅。必入城辦理。或自賣糧石。買年貨。地愈開則街市愈盛。

駐軍 軍威果振。兵在城。四鄉不敢匿匪。稅局各機關亦繼至。

城邑成立與民生關係

富民 鄉居防盜。城居較安。佃戶納租穀。在市場上變價。可以足用。或兼營商業。

貧民 鄉居無田。在城內有小手藝小資本。皆可獲利。徒手亦可賣工。

士族 中人之家。子弟好學。城內有高等小學。可升見聞較廣。

雇傭 依人而食。不能作鄉下勞工。甘在城內爲人幫忙。一入衙門。便成奴隸。

閒人自茶坊酒店爲聚合所。有戲園妓館。則附以衣食。烟賭犯法。多此輩爲之。

第三十五章 村屯

吉林舊日多旗屯卽屯田戍邊之意。其聚居猶漢人之村也。一村屯之結合爲一縣一省一國之基。締造多艱。不可忘前人之功也。蓋洪荒浹浹。四無界限。與木石居。與鹿豕游。掘地爲窩。架棚其上。謂之窩棚。今村中大廈相連。而仍名曰窩棚。不忘本也。三家子四家子。或爲進爲百家千家之村鎮矣。因自然地理爲村名者。或曰山曰嶺曰磳子曰河曰溝曰泡。因人爲地名爲名者。曰井曰堡曰站曰窖曰營曰店曰莊曰廟曰寺曰社曰街曰房。或別以大小前後及數目方向之字。或用道德典重之語。則民之習慣也。將軍富俊屯田之偉績。雙城蔡運升謂前史所未有。戶籍之密。新法令所不及。

編屯 每旗五屯。相距各四里半。各有堡有濠。整齊方罫。如美洲之新邦。

編戶 每屯二十四家。設有屯長。生死必報。丁口無匿。無漏。徵兵立集。盜賊不犯。

屯式 分三道街。十字中心有井。四圍有菜園。屯外有公用牧場及墓地。

授田 每家授田三十晌。能盡心耕作。無不家給人足。

移民 由公帑支給。賦稅極輕。是以安居。漢民亦聞風自至。文化日興。

各村墾戶開創之事業

領荒 墾民自備地價。具呈墾務局承領。始時多小戶。嗣後恆有攬頭。包領大段。丈放。墾務局長委派司書局丁。隨同局員挨段丈放。領戶隨同到段。認明四至。大照。領有大照。官產始爲民。有一切守候之費。旅行之費。及各項小費甚繁。分地。單家小戶。不易領地。從攬頭分領。正價以外。有昂數倍者。爲移墾障礙。造屋。爲開荒之本。公家或豫留村屯之基。以便聚居。打井。民非水火不生活。造屋之處。必先打井。柴草則易取。牛犁。移民偕之動物爲牛。器械爲犁。仗爲村屯必需物。籽種。披除榛莽。以植百穀。相地所宜。輪年播種。食糧。未收穫以前。必備半載之糧。惜秋收後。有得糧變價。回原籍者。招佃。一家自種有限。凡無力領地者。則承墾他人之地。自備牛種爲細戶。傍青。單人出關。往同鄉親友家。爲之農作。是爲傍青。亦有久而自立成富戶者。成家。舉室移徙者甚少。大抵男丁開地已成。造屋亦多。始移家新村。

第三十六章 古蹟

吉林古蹟。省城不如阿城寧安之多。阿城之白城子。寧安之東京城。蓋此邦古蹟。由金源上溯契丹渤海爲止。若和龍有漢王城。實係汗王城。爲可汗點兵之地。吳大澂勸界吉邊得漢度遼將軍古印。漢時將軍何人至此。殆不可考。若夫五國黃龍。考古者多附會。古城極多。不復再考古名。不得不因得後人之俗稱。至於口碑所傳。如烏拉城之百花公主點將臺。不見於正史。並不見於小說。旣確有其地。當日必有其人。此方志疏漏也。長春東北劉家城子。朱家城子。以古城而繫後人之姓。亦廢而復興之象乎。

阿城之白城子

金會寧府故址。在今阿城縣南五里。修呼白城子。四城可辨。西南兩面。縱橫各十里。東北兩面。縮進五里。城南三里。有土臺二。一名點將臺。一名斬將臺。有六稜石塔。上刊上京會寧府寶勝寺僧人某碑。可辨者三十九字。有天慶皇統年號。土人相傳二百年前。城垣完好。自阿城發達。爭運石料建築。今掘地稍深。猶得古銅器。金人破汴京所得也。

寧安之古蹟

東京

渤海時代上京龍泉府治。渤海王大欽茂徙於此。爲五京之一。在寧安

西南六十里沙蘭南。有舊城址。天東小記作大茸城。西南傍鏡泊湖。左濱牡丹江。周四十里內外。城高丈餘。內有宮殿三重。八寶琉璃井。石獸色白如玉云。

三陵屯 縣治西南有古墓三。在屯東叢林中。院約三洞。進口有石梯。愈下愈長。漸進漸暗。相傳爲渤海王墓。亦謂爲金代某女王墓者。千年建築。留遺至此。探礦者及東洋教習。皆入內探視。

上馬蓮河古城 在馬蓮河之上流。爲古肅慎城。約周六里。街道宛然。宮殿已沒。遠望之如萬家屯集。誠昔日重鎮也。

哈達灣 在牡丹江右岸東京城之東北。城周二里。廢壘僅存。俗呼爲高麗城。

富太密 在三通河北七十里。有富太密城。周四里。壁壘殿址。今尙顯明。

三通河 濱三通河南岸。有四方形。古城周約八里。地址浮起。隱約可辨。

第八篇 氣候

第三十七章 風向

吉林西部四時多風。蓋近於蒙古之沙漠。春風尤甚。或竟日不息。居民不能燃燭。則爐爨爲良。錫赫特山屏障於東。長白山聳峙於南。自黃海日本海所來之風。皆阻於峻嶺。不得海洋氣候之調劑。朔風吹來。反無所阻。故氣候寒冷。全省氣候亦不一致。略分三部。中部以吉林爲中心。北部以濱江爲中心。南部以延吉爲中心。中部風少。北部則純爲大陸氣候。春風狂吹。塵沙蔽天。南部氣候與中部雖無大差。而冬季氣壓最高。冷風時起。秋冬風寒。乘車愈快。風撲面益嚴。刺骨砭肌。背風步行者。或不覺也。

風向與航空之關係

長春二道溝車站。有日本陸軍飛行隊。飛機四架。由所澤飛來。十年九月二十七日。爲大風所阻。展至三十日。又爲風雨大霧所阻。天氣晴霽。飛行隊長樋口氏。決於十月六日。飛行來長。嗟呼。天時不順。足挫狂謀。苟靜待時機。則一發立至。關東健兒。勿徒恃天眷。必克盡人力也。

風向與晴陰寒暖變遷

晴天 雖屆深秋。而大風經樹木發大聲。亦吹面不寒。

陰天 風不鳴條。然寒來如剪。乘快車愈招風。耳鼻先冷。

風白與炭氣之關係

炕煙 南省只有廚中炊煙。吉省燒炕取煖。數倍於作飯。所發炭氣亦數倍。

爐煙 鉅爐之外。小鐵爐尤多。隨處發生炭氣。夜間黃霧。似英倫小工廠。

炭煙 木炭氣最壞。容易薰人。各室必開通氣管。

風向開於陰晴比較

東 東隔大嶺。是以省城東風少。延吉東風較多。生物較早。

西 西風時易降雨。松花下游。水蒸氣所凝。

南 天氣晴煖。南風偏西。即陰。

北 雖晴亦寒。雖夏亦涼。亦有晴日。

農校附設第一農場。氣象觀測。每十日一報。並據老農之說如左。

第三十八章 雨雪量

吉林北境松花江。重陽後卽見雪花飛舞。河水生凌。小雪後江冰堅凝。可通車馬。夏秋之交。雨水卽盛。而以中秋爲最大。中部多雨。冬季氣候乾燥。春日或一月無雨。而夏日則常濕潤。農作物故生長頗速。北部七八月間爲梅雨之期。陰雨連綿。雨量極多。七月下旬。已見初霜。南部則雨雪較少。陰歷六七八三月爲梅雨期。八月下旬。卽見初霜。年景佳則霜雪遲。秋雨害稼。並妨漁業。連陰之後。繼以大霧。則大豆有減收三成者。道路泥濘。商人運貨亦苦疲滯云。

降水量

吉林 全年二十八尺六寸 雨期時一日中之最大降水量四尺二寸

長春 全年二十六尺四寸 雨期時一日中之最大降水量二尺三寸八

每年各種天候之日數

吉林 雪四二 霰五

濱江 雪五一 雨一二六 冰一九一

長春 雪五〇 霰二 雹一 雷四二 濃霧九 霜一六四

延吉 雪二九 雨九六 晴八三

增水期及減水期

在解冰間。各河川水量均增多。爾後則漸次低減。迨入秋後。則凡雨期中。山中冰雪亦溶解。遂發生大氾濫。陸上車輛。反難交通。水運乃極繁盛。秋末江水驟減。則多生淺灘。極難航行。

省城江沿水量之增減

省城松花江底。比街市約低三十尺。平常水量。最深處不過十尺。江水漲時。可至十二尺。寬狹不一。最寬者大約不下二千尺。

雪期及雪量

雪期與冰期 積雪恒在立冬前。結冰封江。恒在立冬後。

積雪與融雪 初積之雪。見日即融。簷溜溝流。微添河漲。深山早雪。次年始融。

積雪之高厚 有高三尺者。龍江無此高。雪片亦較龍江大。因雨量多於龍江也。

第三十九章 溫度

吉林柳邊內外。自西趨北。松嶺山脈環匝而東。高宗進英額門詩序。謂山陰山陽。氣候迥異。卽長城亦然。長春適居邊外。入冬故恒苦寒。東距省垣不逾經線一度。然據攝氏表較量。溫度率升降各判。蓋吉垣反居小白山麓。以形勢論。又旁高而中下。係盆地。異於長春之平原坦露也。松花江濱。氣候如方正縣。嚴冬恒在華氏零度下。盛暑升至八十餘度。晴日占十之五。陰日占十之三。兩日十之二。全省以琿春氣候最暖。蓋居省之南部而距海又近也。

吉林各地之溫度

吉林	寒時	攝氏零下三十四度	暑時	攝氏三十四度
濱江	寒時	攝氏零下三十九度	暑時	攝氏三十四度
長春	寒時	攝氏零下三十四度五	暑時	攝氏三十一度六
延吉	寒時	攝氏零下十七度	暑時	攝氏二十一度

結冰期及解冰期

頭道溝及二道溝 立冬後結冰 芒種前解冰

吉林附近 冬至時結冰 立夏後解冰

濱江附近 大雪時結冰 立夏後解冰

牡丹江 小雪後結冰 立夏後解冰

松花江堅冰後。可行重車。然向陽處終有冰孔。立春後冰孔乃全實。故刨麥者於此時。方沿冰用扒犁。送米入山。至清明節前後冰泮。但夏歷二月清明則冰解在節前。三月清明則冰解在節後。歷驗不爽。亦奇事也。

中部之溫度 夏季暑熱。冬季酷寒。夏冬兩期最長。春秋二期較短。大抵夏季即由六月至八月之間。以七月為最熱。冬季即由十一月至三月。以正月為最寒。

北部之溫度 夏暑冬寒。春秋兩季最短。冬季最長。即四五月為春季。六七八為夏季。九十為秋季。餘皆為冬季。

南部之溫度 與中部無大異。延吉一帶。夏秋產蓮花。螃蟹。為各屬所無。仍兼有海洋氣候。

第九篇 物產

第四十章 鑛物

吉林實業廳最近有鑛物紀略出版。全境鑛產豐厚。官營各鑛如依蘭黑背山。樺川東溝。金鑛二處。磐石青石咀。圈兒河。銅鑛二處。其公司之現存者。則有吉林之東原裕吉。樺甸之源興。磐石之大亨天成。額穆之吉林。皆經營煤鑛。磐石之東興。樺川之振興。皆經營金鑛。餘皆私人代表。舊日吉利。振亞。密西。中興。各煤鑛。及興華玻璃公司。石英鑛。現已停辦。若天寶山。有日商合辦。小綏芬河。有俄商合辦。望寶山。有英商合辦。國家領土主權之關係。不可不慎也。

金 吉林有駝佛。別牆縫。扇車山。當河。窩瓜地。半拉山。門南山。夾皮溝。樺樹林。木奇河。三道江。大沙河。古洞江。輝發河。八道河。三道霍倫。梯子溝。等十七處。延吉有柳樹河。七八道溝。東四五道溝。酒金溝。西北岔。壽溝。蜂蜜溝。等六處。依蘭有三道河。子。榆林岡。南線毛。黑脊。石門子。太平溝。樺皮溝。楸皮溝。等八處。賓縣有黑龍宮。一面坡。烏吉密。等三處。寧安有小綏芬。牡丹江岸。大營。馬家。小金山。萬鹿溝。黃泥。

河五虎林涼水泉子等九處不能備載。

銀 吉林有柳樹河呼降川二處。延吉天寶山最盛時日得銀八百兩。有銀銅

事務所中和公司。移歸南滿大興合名會社。礦區延長五里。至鐵箕溝。

銅 磐石有富太河朝西山石嘴子等三處。石咀山椅子山圖兒嶺尤重。樺甸皮州晴均產銅。

鐵 吉林有牛頭山。大豬圈。藍旗屯。與吉稽查處。依蘭樺子山。磐石映壁。

鉛 伊通朝陽溝。東寧亮子川。額穆馬鹿溝。地寶山。

錒 吉林有呼蘭川。泥濫溝。大尖山等三處。筆鉛 磐石仙人洞。穢子屯。

錳 伊通畫匠溝屯。

水晶 吉林有西石褶子。石河道子。帽兒山等三處。

石英 吉林江東大小白石褶子。興華公司采以製造玻璃。

顏料 延吉西北甕聲褶子小溝內有地五响。其土可染灰布。倭人擬出價六千

磁土 省西北二十里。可燒磁不佳。雙陽錢家屯。板子窩堡。磁土甚多。

第四十一章 植物

吉林植物莫貴於老山人參。獵夫樵子曠途無意中得之。略似人形。謂之曰棒棰。若未成老參。移植家中。謂之移山參。由家庭園圃栽種者。則謂秧子參。又有所謂沖參者。亦產於山。而次於老山參。盛京通志則以時分之。初夏得者曰芽參。花時得者曰朶子參。霜後得者曰黃草參。參鬚參葉參子參膏無不珍之。烏拉草最多。雖關東皆產。然吉林爲烏拉國所產特佳。土人冬日裝入靴鞋。則腳底生春。南方人來用烏拉草爲牀墊。椅墊。其暖性更暖如棉也。

吉林之農產

大豆 爲滿洲特產。行銷歐洲。豆食品類極多。本地但製豆油。豆餅。豆腐。豆醬等。其餘元豆。小豆。綠豆。黑豆。豌豆。豇豆。甚多。平均播種與收穫之者爲三十六。
小麥 省城各縣多有麵粉公司。每處每日磨麥百擔。麵五千斤。收穫二十八倍。
其餘大麥。蕎麥。鈴鏢麥亦盛。

玉蜀黍 磐石出產最多。平均播種與收穫之者爲八十五。爲山地平民食品。

黃煙 產於寧安鏡泊湖南岸地名南湖頭葉大而黃味清而香除其葉製成煙磚。吉省人以爲贈品爲他處所不及此外尙有南山東山台片湯頭溝名稱線麻質堅。霖麻次之。吉林城一種麻甚多每歲所收不減於煙。秋後販者煙麻並買。轉運內地名麻煙客爲吉林出產大宗。歲計值銀百餘萬兩。

藍靛 本地染料爲洋藍所奪。

高粱 爲燒鍋造酒之要品。省城人用高粱米和雲豆煮粥。

瓜類 西瓜至中秋節始成熟。他如黃瓜倭瓜香瓜皆然。立冬時尙有食西瓜者。

菜類 白菜最著。蘿蔔亦佳。他如豆莢香菜菠菜蕪菁蘿蔔芥菘皆備。

木類 楊柳樺柞松榆榛槐檉檜檉柏等木。松樹更產松子。樺樹可用樺皮。

高麗果 滿語稱爲伊勒哈穆。克生匍匐莖。葉脈網狀。季春開花結果。仲夏成熟。

果形與桑葚略同。大與櫻桃等。色鮮紅。味清香。爲果實之最美者。但成熟之後不能久存。久則腐化。故不能運往境外。產於寧安東南二山。德林石中亦多。

野葡萄 比內地葡萄小。野生東山極多。農校用以造酒。

第四十二章 動物

吉林動物標本。皆剝製。攝影成書。大火以燒盡。然多尋常物。若特產鳥。當推海東青。身高三尺。其喙如鐵鈎。飛翔極高。能擒天鵝捕兔。尤以純白者爲上。其次則爲雕。稱禽中之虎。巢峭壁間。其尾可以爲扇。獸類以羆爲最巨。乾隆巡幸時。射得重千餘斤。猛於虎豹。其皮存於雍和宮。狐貂灰鼠水獺皆以皮純貴。可用以爲裘。鹿類極繁。以鹿茸爲珍貴之補藥。水中魚類極繁。以二船或四船繫網。船首相向而行。一舉而得數百斤。松花江白魚名動京師。牡丹江鱖魚異常肥美。可與鱈鯉鯉魚相埒。惟介類較少。

吉林之特產

蛤士蟆 長白山溪谷中產之。形似蛙。體滑色黑。尻無竅。不辨雌雄。飲而不良。能排泄秋深木腹輒彭亨。累累僵死。新雨後腹自生涎。雌雄黏合。雖力劈之不解。涎盡乃離。卽爲其交尾期。但不孵卵。其遺種何由。卒莫能明也。剖之腹中。滿貯細粒之黑砂。有類炭屑。兩肋有脂肪質。獨瑩白。用水漂浸。卽浮漲。色愈潔白。如凝脂。和以鹽糖。醫云有潤胃養陰之功用。惟自古方藥不載云。

東珠 生蛤中。牡丹江上游多。寧安南有珍珠河。蛤捧立沙內如排列。採珠人每於仲秋結羣而出。謂之珠軒。挨次拾取。以熱水略炙其殼。去肉取珠。肉不可食。但得珠耳。大者如彈。小者如豆。愈大愈光圓。微帶青色。中間恒有一紋。雅不及南珠之瑩白。宋崇道熙寧間。謂之北珠。見北盟彙編。

貂 毛根色青者曰青鞞。毛根略紫曰紫鞞。毛根灰白爲草鞞。紫鞞產三姓。東爲最上品。蓋氣候愈寒。則毛色愈純厚。故三姓之皮張最良。不獨貂皮爲然。

熊 俗名黑瞎子。因額上有毛。常拂其眼。山中遇熊。繞樹曲行。則熊不能追及。獵夫善捕熊。生致之。或教以戲法。殺熊則先取熊掌爲珍味。熊膽亦良藥。

虎 虎林縣山川皆以虎林得名。產虎最多。其餘各大山亦有之。今獲生虎檻送京師。陳列於農業試驗場之動物園。

鹿 茸爲良藥。有鋸角。砍角之分。鋸角價值較低。砍角極昂。萬鹿溝孳生最盛。祭天祀孔之祭品。有鹿脯。鹿醢。他省所難得。吉省所易得也。

第十篇 政治

第四十三章 省署 采吉林省長公署辦事章程

吉林省行政公署在省城西江沿臨松花江形勢壯闊之地。建築閎壯。民國以來。官制屢改。由都督民政長。巡按使。改稱省長。組成公署。監督吉林全省一切政務。依修正省制設政務廳。共分四科。附旗蒙科爲五科。每科二課。共分十課。科設科長。課設課長。酌設科員。又設參議秘書二處。佐理省長。及設電報處。專派譯電員。廳長承省長之命。綜核全廳文件。科長承廳長之命。綜核全科文件。課長贊助科長主辦本課稿件。科員分擬本課稿件。如身之使臂。臂之使指焉。用以收行政敏速之效云。

政務廳各科之組織

第一科

第一課 監督財政司法。任免獎勵。保存文卷。編輯公報。

第二課 收發文件。監印校對。發行公報。會計庶務。

第二科

- 第一課 選舉自治公團。賑卹。褒揚。慈善。徵兵。戶籍。禮俗。祠祭。典禮。內務行政。
- 第二課 警察保衛團。游巡隊。著作出版。醫院防疫。禁煙。官產。道路。隄防。緝匪。
- 第三科

- 第一課 對外宣戰。媾和。特別緊急。外賓交際。各國國慶。國諱。及國際禮儀。
- 第二課 外交領事官之優待。鐵路合同。免稅關稅。界務。教務。商務。游歷。詞訟。
- 第四科

- 第一課 地方教育行政。一切事項。學校成立。變更。廢止。辦學考成。處分經費。
- 第二課 墾務。清丈。升科。街基。官產。鑛務。銀行。工廠。商團。硝磺。郵電。航路。
- 旗蒙科

- 第一課 旗官銓叙。旗兵補萃。旗人生計。俸餉。工藝。官廩。教育。郵費。公產。改籍。
- 第二課 蒙務行政。教育。田賦。封爵。疆域。典禮。招待。調查。荒務。喇嘛。繙譯。蒙文。
- 行政會議

凡關於全體重要之事件。則會議施行。

第四十四章 道署

吉林四道。無一不關係外交。四道分列四隅。西北濱江。西南長春。東南延吉。皆新開闢之鉅埠。東北依蘭。臨松花江。曾經開埠。舊日名城。不如新邑。前清道署兼理關稅交涉。不專在考察屬縣。民國以來。稅關監督。外交特派員。官事不攝。道尹權限日削。猶有道視學爲屬。各有道立師範中學。自設教育廳。裁道視學。道立各學校。收歸省立。道尹於察吏而幾無可舉之政矣。然人民於歷史觀念。視道治較重。一省之大。省長耳目難周。分道以治。誠察吏安民之要政也。

吉長道 長春居吉林之西。奉天之北。龍江之北。蒙古之東。原擬設總督公署於此。是以今之道署崇闕。無異省公署。道署有歷任道尹相片。爲蕭曹同影堂。方設道之始。首道駐於省城。職類承宣布政。省長公出。必以道尹代行。自政務廳由薦任。升簡任。職權日重。省長公出。政務廳長代行。首道專駐長春。自可獨當一面。重鎮亦不空虛。且鐵路交通。晉省亦最便也。

濱江道 濱江市政。向由俄國管理。無異租界。近年始正式收回。由省長請中央任

命濱江道尹爲市政局長。並添設副局長。市政局亦改懸中國旗。但俄市日衰。華市日盛。通用國幣。政府重視國際。特派東省鐵路督辦。簡任職則有特別高等審判檢察廳。外交特派員。稅關監督。鐵路處長。皆與道尹平行。機關繁多。無異省會。市人直以爲地方長官。濱江縣則於地方司法警察稅務。毫不干預。如省會首縣。延吉道。東接俄疆。南連鮮壤。轄縣爲八。商埠有六。地方遼闊。居民複雜。比年鄰邦多事。防制稍有疏忽。動關大局。安危益以理案發生。外交形勢較前倍爲吃緊。刷新庶政。未可置爲緩圖。原係二等邊缺。今升爲一等。惟吾國民政治集中。延吉卽商埠之局子街。而日本總領事則因商務之便。墾民之多。駐於龍井村。卽六道溝。不若濱江長春。中外接近。頭道溝六道溝等。已設初級審檢廳七處矣。

依蘭道 三姓名城。夙爲重鎮。松花江下游。輪舶所通。乃商務究未發達。屬縣尤多未墾。近年鬪匪充斥。甚至道尹晉省。鬪匪敢於攻陷城池。蹂躪屬縣。劫奪國稅。荼毒民生。則三道皆鎮道並設。依蘭無鎮守使也。或謂依蘭開埠。不如綏遠同江。果道尹移駐新開口岸。發展航運對外貿易。庶此一隅可比三隅乎。

第四十五章 縣署吉林政俗月刊

吉林縣署。逾於民國初元。改定府廳州縣統名曰縣。至今府城附郭之縣。仍多爲大縣。國家舉行縣知事試驗。限資格。重經驗。試驗法令條約行政判斷。如此其詳。及格分發留省甄別。任用如此其慎。獎勵懲戒。如此其嚴。保薦必以著述。保獎必以勞績。得一縣知事何難。依文官甄用令。椽屬升用法。其難其慎。初無二致。又有文官高等考試。文官普通考試。司法官外交領事官諸考試。皆限制薦任以上官必經考試。然科學舊套多年。知縣亦多在職也。

吉林縣行政重要大事

防盜 盜匪不但火民居。傷民命。掠民財。且有攻城劫稅者。一身生命。與民共之。
聽訟 案牘勞形。署員蔽之。邑紳蔽之。黠者誤事。明察不易。役隸拿車。畜糧宜禁。
籌款 蚩氓擔負。已虞過重。地方新政。尤需新款。敲首吸髓。民將何堪。
私帖 官帖已不兌現。不一年而加倍。各縣私帖。責成收回。尙不及半。
表冊 中央列部調查繁多。各縣知事。循例具報。有實心。無實力。亦履行具文。

吉林縣行政特別情形

外交 非縣知事所能專。吉省自圖們界約指延和汪爲雜居區域。伊集院會議。又加入琿春。其勢力又擴東寧。東清收回。洋人訴訟尤繁。因應實有不易。

內務 昔縣知事兼警察所長。今警務處委警佐爲所長。常有抗衡諉卸之事。財政 清理財政局。既設清理之責。厥在知事。地方財務處。徵收响捐爲自治警學之需。尤在實行監督。

司法 本應獨立。因國家費絀兼理。司法公署。委承審員。法律不完。仍多困阨也。教育 知事精神所注。百廢俱興。或政務繁冗。不及注意。恒多廢弛。

實業 就地方土產。成小工廠。小礦業。與商會和衷辦理。不必鋪排大局面也。

交通 平治道塗。先自城內始。次及數里大小路。或鑿山嶺。造小橋。勸地方行之。各縣公署。在城內者爲多。光宣年間所建。修當時徒事外觀。規模遂大。房舍竟有六十餘間之多。內容並不堅固。是以日形坍塌焉。

各縣公署不兼司法者 吉林 長春 濱江 延吉 琿春

第十一篇 軍事

第四十六章 軍署

吉林省城明永樂船廠。徐達曾統兵至隆安一禿河。早爲軍政要地。有清二百餘年。將軍率八旗勁旅以成邊。清季改巡撫。民國初改都督。皆未久。仍號將軍。共和再造。改稱督軍。軍署在江沿。與省署同。有參謀長贊助戎機。分軍務課。軍法課。軍醫課。各有課長課員。又有副官處。辦理庶務。並設秘書廳。此外有承啟處。衛隊團。稽查處。印刷所。並附機關槍一連。在德勝街。衛隊團步兵騎兵各一營。駐二十三鎮舊址。車站亦分設稽查處。東三省巡閱使亦兼轄三省軍政焉。猶盛京將軍東三省總督也。

省城各軍事機關

軍官教練所 東營

測量局 永豐胡同

軍械支廠 東局子。庫儲械彈。以漢陽所造爲多。

陸軍醫院 德勝街

省城所駐軍隊

陸軍五旅一團第二營 蓮花泡。

陸軍五旅砲兵營 東營

陸軍五旅第一團 西營

陸軍第五旅 尙宜街

陸軍第三旅 德勝街

憲兵營 德勝門裏

憲兵分遣隊 德勝門外 東關岔路口

軍署重申防軍騷擾令

凡各縣駐軍所需食品。由就近農商兩會代爲採買。移防時所需車馬。由縣署令警察派送。按章給價。早經通告遵照在案。無如行之日久。不無疏懈。故近來軍人。往往仍有直接與民交易者。因之宵小乘間敲詐行爲。不可思議。是以重禁前禁。以防奸邪而衛商民。

第四十七章 國防

吉林本尙武之邦。宜可行徵兵之制。乃逃兵通緝者。日見於公報。昔何勇今何怯。政教未施之初。八旗子弟。尙人盡爲兵。有清能以騎射得天下。今見乘車者多。馳馬者少。弓矢旣廢。私家雖有槍枝。實缺於教練。山東老農。津榆富商。子弟皆文弱。是郡縣之時。人民戰鬥力。不如酋長時代也。惟文化日進。體育亦應日進。小學校之童子軍。中學校之運動會。皆有奮鬥競勝之精神。邊境空虛。今日究勝於昔日。陸軍旅團。分布全省重地。不比庚子以前。毫無防禦也。沿邊婦女童穉。亦能發槍射擊。國民尙武。誰敢侮予。

吉林鎮守使

吉長鎮守使 駐長春

濱江鎮守使 駐濱江

延吉鎮守使 原名延琿鎮守使。駐琿春。今駐延吉。在河南舊營房辦公。

依蘭鎮守使 昔年先駐旅部。由寧阿蘭鎮使守改設。

以道區爲鎮區。如前清之鎮道並重也。亦軍民分治之雛形也。

吉林防軍區域

- 一 第一旅駐磐石 防區爲雙陽樺甸伊通濛江敦化磐石。
- 二 第二旅駐延吉 防區爲延吉琿春和龍琿春。
- 三 第三旅駐省城 防區爲長春農安德惠長嶺舒蘭五常及吉長各站線。
- 四 第四旅駐依蘭 防區爲富錦同江綏遠饒河虎林寶清樺川。
- 五 第五旅駐寧安 防區爲穆稜寧安密山額穆。
- 六 第六旅駐濱江 防區爲扶餘濱江雙城榆樹同賓方正勃利賓縣阿城。
- 七 第七旅駐橫道河子 防區爲哈綏路線。
- 八 第十九旅駐哈爾濱 防區爲哈長路線。
- 九 第一游擊隊駐賓縣 第二游擊隊駐密山 陸軍補充一二三營駐長春。
- 十 憲兵及機關槍一二連均駐省城。

第四十八章 警察

吉林全省警察處。及省會警察廳。均設於省城通天街。昔年民俗純厚。奉直齊魯移民。亦多力務農商。服從秩序。乃以日俄比鄰。開埠繁多。口岸秀民。存僥倖心。不理正業。流弊所極。演成一般變詐百出之惡習。烟賭盜騙淫蕩狂妄。不良之行爲。非警察無以干涉之。是以警政對於商埠。較爲嚴密。而鐵路特別區尤重視之。至於各縣之警察。則首在偵探匪踪。防患未然爲上。能整鞍上馬。持槍禦賊。次之。人民負擔地方之款。以警察爲最重。

省城及商埠警察廳 省城不過萬家之邑。而警察乃及千數。且現役長警。薪水微薄。近日裁警增餉。昔每分駐所向駐長警二十一名。今裁去八名。餘十三名。所裁餘薪。加入巡警薪餉。冬日尤嚴。防犯賊。禁止謠言。外防俄黨過激之言論。且城內亦有外人雜居。與商埠無異。

長春警察廳 處日俄二國通商之交。俄勢衰而日勢彌張。對外不易。
濱江警察廳 地方過於繁盛。商賈過於昂貴。良莠不齊。種族言語。尤多隔閡。

琿縣警察局 琿春警察本係商埠警察理案發生視之彌重。

延吉警察局 汪清、東寧和龍警察各縣吃緊六道溝頭道溝商埠警察亦重。

依蘭警察局 平時欸緝人少。先期並無覺察。乃致匪徒陷城之事。

各縣警察局 但能防匪擊匪即爲盡職。行政司法則歸之縣署。

水上警察廳

分別松花江上下游。設置水上警察局。由內務部呈准辦理。以扶餘爲適中之地。松黑兩江華輪公會。原納輪船捐分等不均。今改爲按馬力計。每年納現洋七角。封江後爬犁代船。沿江水院。臨時營業。無異陸路棧房。由水警嚴查。以安行旅。

東省特別區警察總管理處

總署 濱江

分署 一哈埠 二二道溝 三橫道河子 四齊齊哈爾 五滿洲里

區域 原有鐵路界內

保護 嚴防俄國亂毀路。以執行管理之權。

第四十九章 清鄉 吉林公報

吉林胡匪之猖獗。雖因外人接濟槍彈。或緝捕時逃匿租界。爲國家法令所不及。亦由於鉅富鄉農。知官兵不足恃。結歡於胡匪以自衛。又因富家子弟或父母被胡匪擄去。謂之綁票。不得籌款自贖。而胡匪之勢日滋。至於軍隊通匪。兵來匪去。兵去匪來。兵索供應。或甚於匪。深山僻徑。匪人或嘯聚種煙。年來舉辦清鄉。奉吉兩軍聯合進剿。東三省設有清鄉總局。吉省亦設置專局。雖屢獲巨匪。而盜源未絕。省局添會辦。各道添幫辦。巡視各屬專任考覈以堵地方。總局設省城三皇廟胡同。

吉林清鄉局章程概要

- 一 督辦一員。由東三省清鄉督辦兼任。會辦二員。一由警察處長兼任。一專巡視。
- 二 清鄉幫辦四員。分任各道區清鄉事務。各縣知事分任各縣清鄉事務。
- 三 承審員五員。本局一。各道一。會同幫辦承審一切盜匪案件。
- 四 編查戶口。由各縣遵四年八月二十日教令。公布縣治戶口編查規則程式。
- 五 民有槍枝。由縣烙印編號注冊。無業游民。不法行爲。由警察保衛團監察懲辦。

六人民爲匪。窩匪。濟匪。通匪。由縣飭警團拿辦。各縣是否認真。由幫辦巡察。七各道幫辦。於各縣辦理未合。卽會商辦理。獲匪卽交縣會審。呈准省署執行。八清鄉會辦。巡視各屬。獲匪交縣訊辦。對於幫辦知事。考覈得隨時逕呈省長。九各道區需用清鄉隊。由省長公署酌撥警備隊。歸其調遣。

十清鄉會辦幫辦及各知事。執行職務時得商調陸軍警團實行協助。

十一清鄉人員。發見盜匪依法科刑外。嫌疑人犯。情節較輕。得酌量擬罰。

十二清鄉專案。由局報省長核准。方准執行。不關盜匪之案。概不受理。

十三科罰額由執行機關彙轉清鄉局。轉送國庫。非經省長核准不得動用。

清鄉成績之希望

行政 各鄉無匪。不致聚衆攻城劫稅。

農民 富民不致被綁立貧。棄地而逃。墾戶亦可漸集。

商民 行旅轉運貨物。無路劫之恐。及通匪保險。

學生 出門就學。不慮綁票。

第五十章 旗營

吉林未開荒以前。全係旗制。卽歐美軍國民之制。有自治之精神。惟甲兵坐耗錢糧。不習生產。是其流弊。久之生計不足。遂至勁旅衰微。不可復用。省制改將軍易爲巡撫。副都統所治。則改遣府。今則改縣。民國成立。五族共和。協領佐領。依然存在。有旗務處以總其成。今併於省公署之旗蒙科矣。旗人口糧。雖照舊優待。然錢法毛荒。不能供事畜。于是皆題縣籍。冠漢姓。自謀生業。較爲優裕。已於漢人無別。省城旗民。原不足全城之半。今殖民益多。同化力益速。旗裝已罕見。水師營之類。皆虛存其名焉。

各副都統全盛時之形勢

寧古塔 將軍舊治。控東海窩集諸部。直至海濱。

三姓 臨松花江。乘黑龍江下游。控制海口。外庫頁島。

琿春 鎮圖們流域。近撫朝鮮屬國。

阿勒楚喀 據白城形勢。江南膏腴。

伯都訥 屏蔽東蒙古各盟。

各城三旗務分處

寧古塔

拉林

五常

各城協領署

阿城

各城各旗佐領署

伊通

旗人同化生計

旗官

協領佐領照例咨補。各旗人出入往來自由。不復能管束。

俸餉

旗官有俸。於餉銀亦有扣錢。容可爲生。旗人則不足以自存。

旗地

當年生計地極多。若不典賣。至今仍爲富家。惜多易主矣。

旗籍

今多不署某旗。而填入所在縣。

第十二篇 經濟

第五十一章 歲入 吉林財政報告書

吉林歲入之數。據豫算之額。不如據實收之額。因豫算所收。未如必能數也。今財政廳收入銷場等稅。屬地方稅範圍。大租荒價。屬國家稅範圍。尙未逐一剖分。惟關稅鹽稅印花稅大宗。歲入三十萬以上。由國家簡員徵收者。逕解中央。不入本省之國庫。交通收入。如鐵路電政郵政之盈餘。亦直解交通部均爲大宗。至於各縣地方附加糧捐及本地各項特捐爲學校警察自治鄉團之用者。均屬於縣地方範圍。不在省歲入之列。邊荒日闢。歲入日增。人民之負擔亦日重矣。

民國九年一月起至十二月底止實收數目表

銷場稅	二,三二〇,三七一,三九〇	山海稅	二七四,三九八,七九一	木石魚草稅	五,四四六,八〇
木炭稅	二〇,四九七,〇四二	參稅	一五,九〇二,一〇八	藥稅	二,五三三,四〇
煤稅	二,六八〇,二一六	燻燈稅	四八,二五〇	皮稅	八,四三三,四〇
皮果稅	二〇,八八五,六	雞蛋稅	四六四,四九九	油稅	五,四二六

紅捐	一六,九一四 ^元 、二六,五磅滿捐	二七,八八七 ^元 、三九,九	捐	三,四,六,六	
肉櫃捐	五九,五四三	船捐	三〇,六,三七一	車捐	六,五,五,五
妓館戲捐	二五,一六四、四二	牲畜捐	四三,二六四、六一	四前年未收訖	二,四,四,四
大租	二,三,一〇,八二七、八五四	荒價	一,一,一〇,三三	官款生息	一,五,七,〇,八
房地街租	四,一,二一〇	各項罰款	二九,三七六、三七〇	返納金	一,五,七,〇,八
驗契稅	三,五九六、七六	營業牌照	八,八九一、八七七	兌換盈餘	六,五,天,一四〇
五釐雜稅	六,五二六、四八〇	教養費	二〇,〇〇〇	協款	三,九,六,〇,七
皇產山分	六,七,六,九九	契稅	五,七,四,七〇	三八八八煙稅	二,六,八,三,六〇
酒稅	四,四八,二六七、八五	牙稅	一,四一,八〇六、〇〇	六燒錫課	三,九,三,四,三
斗稅	一,七三,二六八、四九六	豆麥斗稅	五,九三,一〇四	三三六木稅	四,九,七,〇,五
山分稅	一,一八,四六二、二八七	木植票費	一,四一,三九四、〇六一	當課	一,三,三,七,八
屠宰稅	四,四,五四五、七三八	礦稅	四,二八,六六九	契紙稅	二,九,九,四,三
鐵稅	二,四,九,九	香課	二,六,一〇〇	合計	九,九,四,〇,六

第五十二章 歲出 林財政報告書

吉林歲出之數。豫算之額。不如實支之額。因實支或溢出豫算。或停支減支也。自清季新政繁興。無一不視爲重要。於是有未籌款而先辦者。以致清理財政而財政愈拮。各行政機關。無一藉口支出不敷。請求追加豫算。未聞有力行節儉。嚴汰浮銷。以恤民力者。陸軍支出。超過全年支出之大半。內務財政次之。教育實業。均以款絀未能發展。司法未獨立。支出亦少。外交及交通。多由中央主政。亦支無多。兌換虧耗。損失甚多。則貨幣雜糅之弊。或因之爲利不易遽革也。

民國九年一月起至十二月底止實支數目表

外交費	一一二五九六二八〇
內務費	一五二四三八五九〇九
財政費	六五四四一七四二七
陸軍費	七三八二九九八一七六
司法費	四三二四三三三六九

教育費

五八五三四三二〇

實業費

一〇二二二六〇〇〇

交通費

一三五〇〇〇〇〇

預備費

三〇三八〇〇〇

前年度未付訖

九八八八一八〇五八

兌換虧耗

八一〇一四三二一四

雜項支付

一二二三五四六九六

合計

一二六六五四四四九

統計民國九年實收九百三十八萬六千零二十八元六角零四釐

實支一千二百六十六萬五千四百四十四元四角四分九釐

不敷三百二十七萬九千四百一十五元二角四分五釐

九年度國家歲入豫算 八四六八九三三

九年度國家支出豫算 〇五四三六〇〇

第五十三章 稅捐局 吉林財政報告書

吉林稅捐徵收局列一等者惟省城長春濱江及濱江木石四局列二等者有雙城扶餘榆樹賓縣阿城五局列三等者有磐石雙陽舒蘭五常延吉寧安伊通農安依蘭九局列四等者有樺甸長嶺德惠濛江省城木稅下九臺缸窑蛟河烏拉同賓輝春東寧敦化額穆和龍汪清密山同江呢瑪口方正綏遠穆稜富錦樺川饒河勃利二十六局所屬分局分長期短期二類各屬分局或不限於一縣一道與行政區域微異經濟地理是以異於政治地理也

各屬分局

省城車站長期 濱江田家燒鍋 正陽河 廣家窩堡 道裏 顧鄉屯 以上短期 長春頭道溝 吉林
 德勝門外短期 馬家溝 以上長期 爐草溝 廣來城 以上短期 橫道河子 十里堡
 東卡倫 小合隆 白龍駒 小雙城堡 皆長期 朱家城子 濱江木石 一面坡 二層甸子 海林
 燒鍋甸 三道岡 爆竹窩堡 四間房 范家店 以上短期 雙城 拉林 韓家甸 泥泡子 五
 四家子 烏爾河 夾板河 新甸 伊汗通 德墨利 南天門 雙城 泉山 北站 珠山 五家子
 三姓 蘇蘇屯 拉哈蘇蘇 綏遠 老少溝 蔡家溝 皆長期 雙城 泉山 北站 珠山 五家子
 皆長 扶餘 長春嶺 五家站 石頭城 榆樹 五類樹 新立屯 弓棚子 閔家屯 大嶺
 期 陶賴昭 長期 溝 短期 榆樹 四合城 長期 牛頭山 秀水甸 卡路河
 短賓縣 葦克圖 夾板站 高麗帽 皆長期 九千五 八 阿城 慶克圖 太平橋 東站 二營
 期 里川 分水嶺 聚源永 新甸 烏爾河 皆短期 慶克圖 太平橋 東站 二營
 石 黑石鎮 樺咀 烟筒山 朝陽山 呼蘭集廠 長期 亮子河 雙家 岔路河 奔墩口
 網 抱馬川 鄭家橋 穆水汀 黏魚汀 德勝溝 興隆川 短期 雙陽 岔路河 劉家店

雙河鎮 大綏河 長期 舒蘭 拾坡子 小城子 雲倉川 芹菜河 十樓子 法赫帶門 長 五常
 長嶺子 張家店 短期 太平山 蘭彩橋 冲河 二道河 炕沿山 向陽山 延吉 期 魏榮子 頭道溝 龍井村 長
 五常堡 六道岡 長期 七道岡 八里店 對兒店 短期 延吉 期 魏榮子 艾蒿子 短期
 寧安 海林站 東京城 伊通 營城子 赫爾蘇 崑山屯 下二台 大孤山 長期 伊巴丹站
 半拉山 火石 農安 嶺山屯 伏龍泉 高家店 巴吉墨 短期 四 依蘭 土龍山 南 樓甸 漂河
 嶺子 短期 橫道 長嶺 新安鎮 北 德惠 縣城 雙山子 大青咀 邵家屯 劉家磨房 馬
 常山屯 長期 八道河 短期 正鎮 長期 德惠 縣城 雙山子 大青咀 邵家屯 劉家磨房 馬
 岔路口 饒家門前 官家店 黃花船 濛江 那爾蘇 西泊子 三岔 省城水稅 東大灘 長期
 口 後灣子 蕪家屯 飲馬坑 短期 濛江 四岔 東江沿 皆短期 省城水稅 阿什哈達 短期
 對皮廠 放牛溝 木石河 葦子溝 下九台 五間樓 小河 缸窰 家口 溪浪河 短期 蛟
 河 雙岔河 尤烏拉 白旗屯 其塔木 舊站 同窰 河 一面坡 東夾信 烏吉密 柳樹河 葉沙
 河 家屯 長期 下兩家子 短期 同窰 河 長嶺 太平嶺 老爺嶺 十站 短期
 輝春 東溝 土門子 黑頂子 東寧 大城子 綏芬河 教化 土腰 短期 額穆官地 期
 街 三道 汪清 凉水泉 密山 夾信子 龍王廟 同江 街津口 圖斯科 短期 呢瑪口 獨木河 方正
 溝 長期 伊汗通 腰嶺子 柳樹河 短期 綏遠 石廠 皆長期 稜稜 八面通 皆長期 富
 瓜蘭川 大羅勒密 西雲溝 長期 德墨利 綏遠 石廠 皆長期 稜稜 八面通 皆長期 富
 錦安邦屯 長期 江樺川 佳木斯 長期 饒河 團山子 小根菜咀子 長期 勃利 無分局
 錦沿 憂爾當 短期 江樺川 佳木斯 長期 饒河 團山子 小根菜咀子 長期 勃利 無分局

第五十四章 鹽法 吉林公報

吉林之鹽。來自奉天。有吉黑樺運局設於長春。省城則設於東關鐵路旁。東三省巡閱使公署布告。整頓鹽務。嚴定地方官協助鹽務獎勵懲戒規則。禁絕私製私販土鹽。及販私鹽要犯。凡搶奪鹽店。闖關場。皆勒限緝獲。持械拒捕。格殺勿論。並宣布緝私條例。私鹽治罪法。依法科罪。吉林省公署亦仿行奉天協訂緝私章程。地方官既策以保獎。警官甲長以下。則酌給獎金。各地方官各緝私營局。如有受賄放私情弊。依法懲辦。務使供求相應。不致民戶淡食。關課損失。則國民交受其益也。

吉林之官銷

原定共二十萬石。而每年實銷不過十萬石左右。

哈埠之熬商

濱江樺運分局鹽倉。運來青鹽。向用熬鹽商人熬成白鹽。然後發往各處分銷。充熬商者。歷有年所。近來競爭者多。因熬商之利厚。而熬法頗單簡。有入擬仿久大精鹽。再用化學提煉。或行銷國外。

鹽價折改大洋 吉江兩省十七處分倉一律收現奉票吉江帖照市價折。

長春四元一角 范家屯同

吉林四元四角

伊通四元一角 懷德同

長嶺四元三角

磐石四元五角 延吉同

琿春四元八角

哈爾濱五元 五站同

海參崴產鹽附近行銷地

寧安 縣城七十萬。東京城十五萬。七河十一萬。帳房山子六千。惟塔城東京城。

並轉銷敦化

穆稜 縣城二十萬。並轉銷密山。

東寧 縣城二十萬。

第十三篇 自治

第五十五章 省議會

吉林省議會。在省城新開門。全省人民代表議事之所也。省議會以前清季有諮議局。爲立憲之實政。方其籌備司選之時。地方官紳。皆慎重將事。選舉資格既嚴。選人名冊。容有遺漏。實無僞濫。此時國內無政黨。無政客。無金錢運動。勢力指派之事。吉林省議會神聖可敬之初基也。民國以來。他省容或爲政黨所左右。吉林省議會則以教育界常佔多數焉。所議國界邊防。民生大計。幣制之整頓。匪患之防維。十年以來。雖有儻議。尙未收實效。

省議員之選舉

名冊 初選名冊。多因戶籍未詳。匆促塞實。

投票 熱心奔走者多。正是國民政治思想之發達。

競爭 金錢運動各國亦有之。但果得地方人心人力。寒士亦或當選。

當選 吉省尙重學校資格。大地主大商人。或不願就。

省議會之黨派

舊國民黨 原係革命黨之同盟會。民國成立。自居民黨。凡前清官不得意。民國維新。好主張民權。地方分權者。屬之。袁政府解散。勢力大衰。

舊進步黨 原係立憲。前清官吏。撮倡新學者。按期籌備。非常穩健。民國初爲南北統一黨。爲共和黨宗旨。平和。及進步黨成。遂盛極而衰。

地方第三 不樹黨綱。各有團體。或在省議會以外。品學實力。足以調攝於新舊官民之間。遇會內舉議長之類。能調停使雙方讓步。渙然冰釋。

人民希望省議會者

- 整理豫算 卽整理錢法。根據國幣。折收折發實銀實錢。庶無虛數舞弊。
- 廢棄雜幣 永衡照廣信。發現大洋兌換券。紙洋小洋官帖。皆收回焚燬。
- 防止匪患 地方積弊。不妨明言。
- 推行實業 每議員能經理一事。庶爲民法。
- 振興教育 宜自強迫富民始。

第五十六章 自治

吉林各鄉村原有鄉約。有古時亭長之遺制。府廳州縣初設之時。視爲四鄉傳宣之役。憑藉官勢。遂以撥牌之名。按戶歛錢。以肥其私。顛倒訟案。隱匿黑地。地方以爲苦。賓州府首先裁之。改爲收入役。徐大總統在總督任。設鄉正鄉副。亦未徧舉。光緒籌備立憲之時。省城先有紳辦之自治會。改爲籌辦處。設自治研究所。各縣學生畢業回籍。分設本縣自治研究所。爲城鎮鄉自治之初基。民國之初。通令取銷。今又力籌恢復矣。自治在人。不在名義。果能一村一縣自治。必衆人以爲模範。亦非難事也。

吉林最初之自治慈善事業

常平倉 或名義倉

養濟院 或名養濟所。富戶捐助。冬令棉衣甚多。

牛痘局 春初設立。夏令有敬送暑茶者。

施粥廠 長春南關朝陽寺。由商會主持。冬期開辦。

風雪戶寒所 濱江多冬日無依者。於此投宿。

吉林自治實行籌備

培材 內務部已徵調各省人士入京講習。

籌款 已飭縣調查原有自治入款。

分區 舊日鄉區太多者。應另行分劃。

規則 本省情形異於內地。各縣又互異。須多訂單行章程。舉行實政。

吉林自治協進支會

本省人士促進自治之機關。

吉林紳董公所

省教育會爲公所設立之處。

工務總會在河南街亦發達。

吉林人民之團體

吉林同志俱樂部

吉林同仁俱樂部

省農會亦附設於此。刊行吉林農報。
總商會在財神廟爲最有實力團體。

第五十七章 戶口

吉林戶口號曰六百萬。省城戶口亦號曰十萬。近年省城商埠頗覺人滿。縣城亦有增益。田野墾戶則來者仍不多。由於匪亂道梗之故歟。吾國民對於天時最愛。舊歷過年挾資回家。骨肉團聚。鄉鄰豔羨。各縣新荒甫闢之地。秋風一起。誰不思鄉。地主多屬客民。皆無室家。不知耕種。所招種地之人亦係客民。按年傭工。按年分糧。成熟而後各爲歸計。地主俗名地分子。地戶俗名跑腿子。往往開墾二十年仍無起色。男丁之數有百倍於女口者。移殖女民其事更難。必有實政及民。則民皆襁負而至矣。

吉林戶口疏密比較略表

- | | | | | | | | | |
|---|----|----|----|----|----|----|----|----|
| 一 | 吉林 | 濱江 | 長春 | 雙城 | 賓縣 | 扶餘 | 農安 | |
| 二 | 伊通 | 雙陽 | 磐石 | 五常 | 阿城 | 延吉 | 榆樹 | 德惠 |
| 三 | 琿春 | 東寧 | 敦化 | 蛟河 | 龍江 | 方正 | 長嶺 | |
| 四 | 舒蘭 | 同賓 | 依蘭 | 懷德 | 梨樹 | 德惠 | 密山 | 額穆 |
| 五 | 樺甸 | 濛江 | 同江 | 鎮賚 | 林口 | 饒河 | 寶清 | 勃利 |

吉林戶籍調查之難

旗戶改租漢戶。凡以八旗爲街名屯名者。至今多租與漢民。旗戶多用漢姓。大戶分租小戶。永衡第二號大屋。分租小公館九。各有小院。而統於一大門。小戶合爲大戶。凡勞力無家者。往往能集合多人。尊一把頭。遂號大櫃。官戶夷於民戶。昔官尊民卑。上下迥別。今官民雜居。微官不如有產之民。糧戶容納佃戶。昔大糧戶收留傍親之人爲佃戶。視地主爲家主。富戶落爲貧戶。旗人子弟。不自經理田地。或妄作投機營業。或坐食久而耗。貧戶進於富戶。哈埠投機。卽屯買糧食。亦獲大利。致富鉅萬亦尋常事。貴戶淪爲賤戶。世族之家。或習非禮。煙酒縱博。傾其家。男爲奴僕。婦女爲娼。窮戶超爲名戶。窮人子弟。讀書立志。士農工商各成其業。門庭立卽改觀。一戶集居多戶。北正房。價較昂。東西廂房次之。南屋無南窗。則價廉。一屋集居多戶。至窮者一屋之內。分租三家。分三面炕以居。一家分立各門。至富者有大門。便門。車門。旁門。後門。或分列鋪面數家。同字號。

第五十八章 鄉團吉林公報

吉林省鄉團舊名聯莊會。當匪氛不靖。團警兵單。輻輳寥闕。此擊彼竄。非聯莊協助。不足以自衛。惟槍彈缺乏。各爲風氣。不相聯屬。屢辦屢輟。有事時急莫能待。無事則相忘。省署頒有聯莊會統一辦法。限期舉辦。俾各具休戚相關。同心禦侮之精神。以協助警團防禦匪患。所需槍彈。卽由聯莊會自行籌備。並由省補助。以捍閭閻。雙城辦理最久。日俄戰事危急。各屬團結頗堅。嗣因舉辦巡警。聯莊會遂無形中止。今綏遠有假農會之名。以販運槍枝者。則經地方官查禁也。

聯莊會簡章

- 一 本會由各屯自抽壯丁。編練會勇。互相策應。輔助警團。保衛地方爲宗旨。
- 二 每警區設總事務所一處。辦公地點。宜擇公所或附各警區院內。
- 三 每區聯莊會置正副會總各一人。總理本區聯莊事宜。
- 四 每屯置正副會長各一人。受本管會總之支配。對於本屯。有發號禦匪之責。
- 五 每屯男丁二人以上。出會勇一名。五人二名。十人三名。年十八歲至五十歲。

- 六 會總副會總由本區各屯會長公舉。正副會長。各屯公舉。均由縣委任。
- 七 每十家置十長一人。百家置百長一人。由民戶公舉。監察窩匪濟匪通匪。
- 八 槍械由各會自備。並由官家按會勇之多寡。量爲補助。以期足用。
- 九 無論何屯。遇有匪警。不分區域。均互相策應。以厚兵力。而收實效。
- 十 實行連坐法。每十戶互具切結。送警區備查。並由會製聯名表。分送各戶。
- 十一 十百戶長。應負專責。凡結內十戶。均有互相監察之責。匪不舉發者。連坐。
- 十二 寓兵於農。有事聚而爲兵。無事散而爲農。平時會長得召集訓練。
- 十三 分常備若干人。無論有無匪警。常川聚集。豫備者。則有警時始聚。無則散。
- 十四 酌定會哨辦法。以相連絡。有警則用雞毛信。由各戶傳知。卽古之羽檄。
- 十五 每區應製聯莊會旗一面。紅色白字。書某區某屯聯莊會字樣。
- 十六 會勇撥用保衛團舊制。各戶各置藍色軍衣一套。無事不准著用。
- 十七 官家補助各槍彈。係由軍署備發。定有價格。損失消耗。均須照章繳價。
- 十八 聯莊會保衛治安。不干預地方他事。並受保衛團警察之指揮。

第十四篇 人民

第五十九章 種族

吉林土著之民族爲滿族。多在松花牡丹兩江沿岸。清初有佛滿洲伊徹滿洲之分。佛滿語舊也。伊徹滿語新也。佛滿洲分具國恩布特哈二部。伊徹滿洲卽庫雅喀部。長春以西本蒙古郭爾羅斯前旗地。各城市回民及喇嘛台藏民。與移殖漢民。久已相安。可爲五族共和慶。惟韓民被逼內附。在延邊者數十萬衆。和龍最多。占居民百分之九十。五以屬地主義。當然爲大中華民國民。乃倭人併韓。于故韓遺臣亦欲服之。旣設領事。又派軍警。滅種族競爭未來大禍。寧安之南。有村名小人國。則高麗自稱小人國人所居也。漢族移居吉林之三大原因

一順康時朝官之謫遷 順治丁酉科場疑案。發遣十三人。編管寧古塔。吳兆騫孫繼類多著述。實開化之首功。康熙平滇。移其降人守台。

二乾嘉門戶之開放 高宗巡吉林。賦關外五穀序。窮氓至此。向雖例禁。迄未能絕。今悉成土著。因山左畿輔。歲比不登。渡遼日衆也。

三近時鐵路之交通。昔每閱一紀。民族必增一倍。近二十年開荒設官。江南嶺

南之人。來吉居商服官者尤衆。以山東傭工最占多數。

土著滿人之六種

庫野。卽庫頁。又名阿伊奴。男子長鬚達膝。跣足佩刀。有衣魚皮者。婦女以針

刺唇。以烟塗面。中國謂之倭奴。日本自稱蝦夷。

費雅喀。散在黑龍江口。今已入俄境。或稱扣雅喀。其人自呼爲尼古奔。

以上二族爲肅慎之一。亞洲民族之最古者。

鄂倫春。寧古塔東北及東北海島。蓄養馴鹿。卽四不相。古書謂之使鹿部。

奇楞。寧古塔東北二百餘里。亨滾河等處。卽魚皮韃子。今訛爲麒麟。

七姓。在三姓西二百餘里。九拉洪科等處。能種麥。或名切浦清郊野。

赫哲。與七姓近。强悍迷信。樺皮爲帽。冬則戴貂。能駕舟。婦人衣角綴銅鈴。

以上皆滿洲別種。語近滿文。近謂之曰通古斯族。實卽蒙古之轉音。俄人呼曰

台。卽契丹之轉音也。此外又有恰喀拉種。居琿春東沿海。男女穿鼻。綴銅像。

第六十章 言語

吉林之言語。普通官話。近於京話。雖與奉黑小異。究無大區別。最古者。則有滿語蒙語。達呼哩語。亦日漸減少。學校已通用官話教授。最奇者。爲哈爾濱之特別語。雜糅中外而成之。在中國則有山東語直隸語山西語。在外國則以俄語爲多。間有猶太語希臘語。以日本朝鮮下流社會之俗話。融爲一氣。與俄文異。惟不識字華人。俄人交換而成。專用於哈爾濱一埠。及鐵路界內。俗謂之毛子話。若上海洋涇濱之英語。交通愈便。言語愈雜。統一國語。良不易也。今方推行注音字母。爲通俗教育所資。國民習語體焉。

滿洲語沿用各地名

滿洲 滿珠 曼殊 卽女真之轉音 牡丹 卽忽汗之轉音
烏蘇里 烏子 戊子 皆一音之轉 寧古塔 數之六也
松花 宋瓦 粟末 卽松阿哩轉音 舒蘭 果汁也 呼蘭 寇突也
阿城 阿什河 卽按出虎之轉 瑪琿河 瑤琿肘也
吉林烏拉 吉林 謂沿烏拉謂江 佛思亨 飯也 威呼 獨木也

窩集 烏稽 兀稽 森林也 斐德哩 倚傍也 額赫 不善也

稽子 攪子 拉子 山戴石也 溫德亨 祭祀祝版也

依蘭哈拉 三姓 依蘭爲三。哈拉爲姓。 庫幹蘭 營盤也。巴延 富庶也

諾羅 撓力 饒河 烏棲處也 恩額穆 馬鞍也 哈達 山峯也

果勒敏珊延阿林 果勒敏爲長。珊延爲白。阿林爲山。果勒敏珠敦 長嶺也

阿拉 橫甸 甸子 平原也 寶清 博欽 猴子也 河名

圖們 圖門 統門 皆土門之音轉 瑪虎頭 小兒所戴面具也

瑚布圖 無沙 烏蛇 皆一音之轉 希霍塔 大嶺也

延吉附近之韓語

和龍等縣。韓人佔大多數。其交易均用韓語。希圖省稅。多在韓人酒館成交。凡韓人自成村落者。悉仍韓語。是以墾民教育。施行國語爲亟。先添譯人。考查一切。

通行之漢語

辨上下平極易。不能辨入聲。或以下平上去爲四聲。

第六十一章 衣服

吉林人之衣服。爲滿洲之便服。民國初元。剪髮者多易服。嗣後因洋服之不便於身體。仍改用前清便服。京滬同風。各省一致。民國議會議決大禮服。及頒行之公服祭服。罕有製備者。軍服警服。惟下級之軍士警士服之上級軍官警官。不常著軍服警服也。學生制服。亦不能齊一。因冬令天寒。不便於短衣。婦女仍多滿洲舊裝。燕齊移民仍多纏足。庚子俄人入寇。禦寒者始倣俄人大氅。令則男女多用之。且流行京滬間。然則吉林衣服之形式。固可以施行於全國也。

吉林人之服用

皮圍袖 有用全狐者。今已昂貴。西洋貴女多用之。

皮冠 昔以貂爲貴。今日漸減少。

革履 昔年謂之蹀士馬。內實烏拉草。雖踏霜雪不寒。

皮袴 多以貉絨爲之。內地天暖不能用也。

靴鞋 厚半寸。能耐嚴寒。惟形式笨重。且係灰白色。

吉林皮服之價值

- 虎 全張約值千元以上。
貂 每張貴至百元以上。
豹 全張約值百元。
馬駝熊 每張約六十元。
狗熊 每張約值四十元。
狼 每張約值四十元。
狐 每張約值三四十元。
猞猁 每張四十元以上。
貉 每張十元以上。
水獺 每張五十元以上。
灰鼠 每張三四元以上。
黃鼠狼 每張四元以上。

第六十二章 飲食

吉林之民飲松花江水。其色稍濁。宜加以沙濾。糧食有餘。燒鍋造酒。天氣嚴寒之處。人多盡醉。民食以雜糧爲主。城市所食稻米。謂之粳米。來自東洋。土產以白麵爲上。已設火磨麵廠多處。麥皆春種秋收。每年只收一次。而收數恒豐。其次則爲大豆。以製豆油。及豆腐豆乳。豆餅亦爲肥料。皆出口大宗。高粱專供造酒。牛乳亦鮮。平時家畜甚肥。冬令獵取山鹿野兔雉雞極多。江中魚美。冬令白魚。昔爲貢品。謂之冰鮮。今京師視爲珍品。至省城南味日多。筵席費至三四十元。而揮霍如故。生活程度亦比京師昂貴云。

吉林人民之食料：

棒子麵 即玉蜀黍所磨粉。樺甸山地。皆以此爲糧。食之健筋骨。能越山嶺。

土豆子 即山藥蛋。與張家口種類相同。又有地瓜。有食之堅皮膚。不畏風霜。

窩窩頭 用雜合麵製成。其色黃。爲貧民無力食白麵者所食。久食則胃強。

小米粥 吉林不產大米。幾以小米爲穀食正宗。煮粥之黏液質。兼能潤肺。

糜子米 即稷也。爲六穀所易生者。后稷首先發明。社稷代爲鉅典。可煮黃米飯。

吉林人民之烹調

- 餃子** 卽京師所謂**包餡餛飩**。南方用熟餡。東省多以生餡。冬日冰凍。留以度歲。
- 火鍋** 南方用火鍋。防菜冷也。東省則以生肉爲下鍋品。冬日凍合。尤宜切薄片。
- 鍋貼** 用破鍋片燒紅。烙食生牛羊豬肉。不見油膩。可多食。鍋片有用數十年者。
- 生魚** 切魚成絲。拌生菜。加辣椒鹽。味甚鮮。使犬部落所傳。與廣東魚生同味。
- 全豬** 旗人祭祀用之。漢人許願亦用祭豬。子孫立而食之。請朋友食之。須淨盡。
- 全羊** 本回回館特味。須數羊始成一席。當牧畜時多用之。
- 燒烤** 滿漢筵席燒豬本滿洲舊法。佐以薄餅生蔥甜醬。內地燕菜席必用之。
- 燒鴨** 省城臨水多養鴨。江沿第一樓。挂爐燒鴨。比於京師便宜坊。
- 牛乳** 省城有鮮牛乳。清晨送到。鄉村牛乳易得。鄉民喜食酸牛乳。爲特別風味。
- 番菜** 哈埠車站。首開風氣。雖苦力亦食麵包。呼爲列巴。省城有嶺南飯館。
- 飯店** 省城熙春里。榮昌得意樓。東雅。錦城坊之錦江春。糧米行之西安。多兩味。
- 罐頭** 長春已有自製牛肉豬肉。行銷西北甚遠。

第六十三章 居處

吉林省城房屋租價略比京師昂三倍。昔年舊式房屋皆三面土炕。近日南來人多。或但用一面炕或撤炕改用牀矣。不用炕則用鐵爐。或壁立器。或暖氣管。爲價益昂。大抵暖氣管惟長春濱江洋式樓房多用之。壁立器則公廨所用。鐵爐則私家寓所用之。木柴石炭日益昂貴。冬日安居小屋比大屋易暖。茅屋比瓦屋易暖。舊屋比新屋易暖。正屋比廂房易暖。無論房屋如何污穢。經裱糊頂棚。四周雪白到地。亦儼如新屋。墻基之厚。倍於內地。禦寒之計。亦優越於內地也。

省城建築材料 泥木作十五家。承辦工程甚多。

取土 北大山立天嶺。距城十餘里。巴爾虎門外狐仙堂左近。亦可取土。

取石 北大山西石磧子。

磚瓦 東城蓮花泡。

石灰 西鄉老爺嶺。距城六十里。

木料 江沿東大灘。

吉林冬日取煖之燃料

茅柴 生於荒甸未開荒之地多有之。

穉穉 已開荒之鄉村多用之。

馬糞 農家養牛馬者。堆積如山。過六月再燒。火性長而臭已銷。

木柶 昔近取而價廉。今遠取而價貴。洋爐所用尤耗。

木炭 價比柴煤較昂。舊家銅火盆用之。

煤 壁立器大洋爐爲洋爐之用。哈埠官房多用汽管。

吉林旅館店棧之狀況

客店 凡陸路止宿之處。多有小店。多通間長炕。難得單間。

大店 省城大縣。原有大店。不在住客而在存貨。門容列駟院有百車。

客棧 省城及商埠多有之。旅費較廉。有住乾店。不備火食者。

倉庫 多在車站。

旅館 哈埠最昂。長春次之。省城亦貴。中等亦日需一元。

第六十四章 器用

吉林器用古昔多尚樸而耐久。木器笨重。陶器厚實。往往一物而用數十年。自新式流行愈巧愈薄。愈不耐久。鐵路既通。俄貨充斥。尙覺樸固略能耐久。日俄戰後。日貨奪其半。歐戰以後。俄貨絕而日貨又充斥矣。然最粗最重之器。以土貨就近製造者爲廉。一省之大。各縣亦自行製造。如缸窰是。木器家具笨重。亦爲家庭必需。轉運不便。雖由舊式改仿洋式。實係國貨。廚中刀剗鉤鉗。鐵工亦能自製。惟鍋由內省運來。粗瓷來自內省。農民多用之。不嫌粗也。乃各界明知愛國者。猶日用洋磁。是誠何心哉。

吉林自造之日用器

缸窰 省城附近缸窰鎮爲最古。各縣附近亦多用之。因易製難運也。

吉省用缸。數倍內省。內省只一水缸已足。吉省冬日菜缸極多。酒缸亦不少。

缸之小者爲罈。爲罐。以盛油鹽。各益種類多。小者盛菜。大者洗衣。

木器 建築木料及壽木店而外。各市房多有各小木作坊。

吉省昔用炕桌。鮮用地桌。今則桌椅多改用洋式。

農工用器具

鋤 一人負鋤出塞。得地即可開荒。作礦工泥瓦小工皆需此。勞工刻不可缺。

犁 駕牛耕地。吉省亦有駕馬者。因水田比須牛。旱地可代以騾馬。

鏟 穫稼之用。荒甸中打草亦必以刀計。

風箱 收糧以後揚塵之用。

石碾 各家多有。小村或公用以碾雜糧。

石磨 麥麩豆粉皆在農隙製造。

交通用器具

車 有三種。大車用以運貨。轎車可載旅客。推車多使用於高粱地。

船 民船昔用船廠所製。水師營多福建人。是以收駕輕就熟之效。

槽 中國式者長七八尺。寬二尺半。轆桿長一丈五六。駕馬一匹。可載七八百斤。

馱子 馱獸多用騾。亦可用驢馬。平均每百斤日須一元五角。故惟山地始用之。

扒犁 行冰上。利用狗使犬部落所用。

第六十五章 婚喪

吉林之婚禮。舊家守舊俗。新學企文明。然舊俗繁者。今無力舉行。名爲新式而舊式亦不能擺脫。吉林招墾以來。携眷者少。是以男多女少。農人以勤苦起家。欲謀一家室。卽娶再醮寡婦。亦須一二百元。聘娶女子。則三四百元。官商納妾者。或千元至數千元。生殖程度。不能卽蕃。以此自由之風。口岸皆有傳染。夫婦不久合焉。喪禮盡哀。而不能守制。丁憂者多不去職。國俗之大變。清季已然。榮哀徵文。祝壽者尤多。開賀致客於外省。咸以爲顯親揚名焉。

婚禮

城市 多用鞠躬。奢者以金首飾贈嫁。金戒指送禮。贈嫁有至萬元者。

鄉村 多用拜跪。多有童養媳。生兒時恐無力娶婦。先覓幼女養成之。

早婚 富家老嫗喜弄孫。兒孫十二三歲卽爲娶婦。擇皮廠有六歲丈夫奇談。

晚嫁 富家擇婿太苛。致悞青春。老大親亡。兄嫂爲政。不得已遷就爲人續絃。

外婦 華人娶日俄婦女日多。國界租界接近。外婦亦漸慕華風。

喪禮

紅棺 尋常下等社會亦用之。

紫棺 貴家油作紫檀色。實則報馬木爲上。黃松果子松次之。鮮有用黑漆者。

報廟 始死三日內。必赴附近之廟報神一次。告其人已死也。滿俗揭旛三日。

作齋 三十四七至七七。富家或唸經。蘆蓆搭棚。門前設鼓吹。僧徒大集。

堪輿 專看葬地風水。賴其術以食。并選擇葬期。

紙紮 親友送紙製童男女車馬之類。至葬地則焚之。今有紮汽車者。

喪服 仍用麻衣。臨冠。官紳臨喪亦然。旗人穿孝百日。

三年 漢俗不過易布袍。戴白頂而已。

新服 臂上青紗。孝子不常用。官場出弔用之。開弔視家之貧富不等。

成主 富家舊家用之。禮節不如舊日之繁。多於開弔時行之。

送葬 子孫執引徒步。親友助執纛。

封樹 凡墓地多古柏。保存惟謹。

第六十六章 衛生

吉林省城饒松花江水。或謂大雨之後。山中獸之糞。流入江中。是以不潔。其實則省城十萬人聚居。一切污濁溝渠。皆歸納於江水。江沿廁所垃圾場。廢料所棄。經雨冲刷。無不足以損人民之健康。其他沿江居住各縣亦如此。鮮有至江心吸清水者。亦鮮有用沙濾者。煮水至沸。可以防瀉。每次傳染。皆勞動不潔者。多受其殃。昔年鴉片流行。人民羸弱。今煙禁甚嚴。而俄境種烟。日商販煙。且打嗎啡針。其毒未減。未成年兒童。即吸紙烟。尤傷腦力。日妓縱慾放毒。又深入內地賣笑焉。亦人種之危機也。

省城各醫院

官醫院 普安胡同。

東洋醫院 二道馬頭。

陸軍醫院 德勝街。

博濟醫院 河南街。

紅十字會防疫時亦設醫院。平時著軍衣。飭禁捐款。

浴室

吉省浴室。因冬日臥炕。蒸發汗液甚多。是以浴室亦多摹擬京津之式。且傳染歐洲日本之風。女澡塘之興。在京師上海之前。

藥房

吉省藥房。世一堂等家。只知高擡參茸之價。而日用之藥。如頭痛膏仁丹之類。既讓之東洋。且西洋補丸日多。服參茸者日少矣。然本省藥材可用者尙多也。

黃耆 黃柏 黃芩 黃茶 石花 苦參 茵陳 桔梗 紫胡 百合 菊花
獨活 艾葉 地榆 荆芥 防風 蒼朮 貫衆 小蘗 蒼耳 遠志
薄荷 澤蘭 升麻 白芨 紫草 紫蘇 狼毒 地丁 牽牛 茴香
紅花 白芍 瞿麥 麥實 高蘭 浮萍 扁蓄 巷柏 萎蕤 藜蘆
火麻仁 五味子 劉寄奴 白蘚皮 羊蹄根 葶藶子 鴉子草 牛蒡
旋覆花 山豆根 平貝母 威靈仙 菴茶草 地膚子 馬齒莧 玫瑰
馬兜鈴 蒼耳子 益母草 車前子 菟絲子 蒲公英 金銀花 杏仁

第十五篇 宗教

第六十七章 孔教

吉林孔教之最古者。當推寧安東京城。掘地得漢字碑文。斷句可辨者云。下瞰襄城。儒生盛於東觀。字畫端楷。蓋國學碑。又得古鏡一面。背有僖隆固三字。蓋金源之國書。亦仿漢字之體。當時建國荒漠。猶重道崇儒。遼金元清之興。蓋尊孔教。乃能安漢人之心。夷狄有君。五鳳樓紫禁城遺址。想見宮室禮制。以先王之法爲歸。今榛莽中。丹碧琉璃。猶可考察。聖裔出塞。墾殖者尤衆。以孔家燒鍋爲最著。省城文廟。在東萊門外。東連天壇古松。國教所以重祀天配孔也。民國十年。重修文廟。工程動用鉅萬。人皆尊孔教焉。

吉林人民道德。里巷胡同之名。已足以表之。五德之中。不偏於智。純如鄒魯焉。

仁。仁興。仁利。里仁。居仁。安仁。同仁。崇仁。依仁。各胡同。又有博愛。廣居。皆近仁。義。義喻。義久。十義。由義。忠義。博義。仁義。各胡同。又有忠存。忠允。忠銘。皆近義。禮。禮先。禮智。各胡同。又有治安。治平。治化。致安。致康。致泰。久遠。久安。皆近禮。信。信治。信久。純信。取信。信廉。各胡同。又有十室胡同。亦取魯論之聖訓。

重修吉林省城孔子廟記

至聖紀元二千四百七十二年。大成聖誕。即大中華民國十年。九月二十八日。夏正辛酉。八月二十七日。孔教會奎文閣講經員林傳甲。自京師至吉林省城。謁謁孔子廟。正值大興土木。丹碧重新。開支省帑。數以鉅萬。廟在東關。基地廣闊。近臨松花江岸。泮水之濱。正值芹香時節。物候略遲。尙未經霜。瞻望樞星門。樹以石坊。比他省木牌樓。實爲鞏固。其舊碑已仆者。正待扶植。東西官廳。各三大間。想見祀孔與祭者多。東爲省牲亭。西爲神廚。兩端皆有樂器庫。又北東祀名宦。西祀鄉賢。入東門。循路以進。先瞻仰大成殿。正在翻蓋黃瓦。父老曰。吉林風雪苦寒。磚土易裂。瓦屋易漏水。隨時歲修。於戲美哉。昔聖人立教。最重自修。吾嘗見內地僻縣廟堂。有百年未修。且駐兵者。其帥可奪。其民困於兵。惟山西孔廟。有宗聖會。洗心社。來復報。圖書博物館。附於廡下。人民信教篤。而全省安。吉林官紳父老昆季。能重修文廟。洵自治之大本乎。大中華吉林省地理志之待修。亦自知之學。傳甲負笈吉林。喜富庶之邦。進於文教。謹再拜階下。載筆記之。

第六十八章 佛教

吉林佛教較奉黑爲盛。寧安城內外有大廟十七座。延吉有金佛寺。而銅佛寺尤繁盛。山河鎮之西。頭道溝有石佛寺。東寧有佛爺溝。在城南。草萊未闢之前。有古塔欹立。約高數丈。旁有銅佛數尊。亦皆高尺有咫。今塔基已沒。銅佛已渺。只留佛爺溝之名。古寺古塔之存者。惟農安之隆安塔。萬金塔而已。各縣寺宇甚多。如賓縣之興隆寺。保林寺。青龍寺。殿宇猶新。廟產尙裕。蒙古地方。有因喇嘛廟爲地名者。寧古塔舊有前後和尙屯。是和尙荷不絕食。仍賴耕屯以爲糧也。

吉林佛教之盛衰

初盛時 遼金元皆信番僧。古寺多六棱古碑。

全盛時 尊崇蒙古黃教。滿人亦信仰之。漢軍漢人鮮有不信者。

大衰時 國人改寺觀爲學校。奪其廟產。以爲破除迷信。

初復時 士人研究佛經者日多。非若山僧但念佛號。

漸復時 學校教員亦認佛經爲哲學。自由信仰以爲新奇。

佛家廟產之爭執

阿城慈恩寺 有善主捐地百餘晌。濟福出家地三十九晌。爲勸學所收歸學款。准予撥還。以七成爲學產。三成爲廟產。

各縣之廟產 學校已拆。改自前清。勢難還之寺觀。年久寺僧亡失。亦鮮有爭者。民國以來未決之案。則由地方分撥爲多。

吉林各佛地

佛力嶺 饒河佛力嶺。在萬山之中。一峯特起。曰佛力嶺。山像佛形。特立不倚。海內外石佛像。無大於此者。佛頂無人跡。全身未加雕飾。

廟嶺 嶺在延吉者曰廟嶺。在琿春者曰廟兒嶺。皆採金伐木把頭。發財後所修。山中柱石棟梁之鉅。京師殿陛不如。鬻匪或巢穴其間。無敢損壞。

雙廟子 在東省鐵路張家灣五十里。雙廟相連。對雙山子。相傳係老夫婦同時出家。各修一廟。夫奉如來而中爲關帝。曰老爺廟。婦祀白衣送子觀音。俗曰娘娘廟。仍合稱雙廟。國人信仰。神莫重於關帝。佛莫重於觀音。各鄉幾一致也。

第六十九章 道教

吉林省城。道教之廟宇。則有玉皇閣。王母宮。北山又有真武廟。卽玄武廟。清人諱玄。改爲眞。近於玄天嶺。別有紫霞宮之類甚多。全省道教地方之奇者。則有神仙洞。在延吉西北義松嶺之東。洞中曾爲有道之士靜修之地。敦化南牡丹嶺。西有玉皇頂。北有三清頂。皆道教入山修養之地。東寧張三溝。荒煙沒徑。雨後土崩。恒得錢鏡箭鏃。云是仙跡。而神仙洞尤奇。磐石西亦有仙人洞。各縣道士廟宇。如賓縣之朝陽觀。朝陽宮。爲道士所居。而所奉者爲關帝。其他火神龍王各廟。亦多道士住持焉。

道家各洞宇

神仙洞 東寧小城子西南河岸。距城二十五里。懸崖壁立。高可百尺。下臨急湍。不敢俯視。架高杙。越石磴。側足而後進。始入尙可容身。漸進須鞠躬以行。過數十武。則黑暗如漆。逼窄如甕。舉首觸額。行須捫壁。嗅之有土氣。燭之火不然。至極端。小如竇。不復進。擲以石。輒轉至渺不可同聞而止。深幽無盡。衆以爲仙人曾居此。今仙跡已杳。只剩洞外雙峯。山巔古寺。尙不失爲名勝。

太虛洞 賓縣城南八十五里。松峯山之中腰。有石洞焉。洞口鑄松峯山太虛洞六字。入內則旁鑿一石碑。高四尺。寬一尺。文曰先生姓曹諱道清。西樓人也。幼絕羣。無兒戲。更介拔俗。甫冠。辭親就師。字殘缺不辨。末願榮安。四月五月初五日。立碑陰刻有書。逸駕定攀。考功張洞明。監齋高圓明。侍經蘇守信。都講郝洞脩。侍香王素貞。侍燈高一貞。等人名。味所刻字義。似道教家。其人亦必係漢族。但榮安年號不見史冊。不辨歲月之遠近也。

酒仙會 道家多晚年養老。原不戒酒。呂洞賓醉臥像。爲道士所崇奉。阿城賓縣雙城同賓一帶。燒鑪繁密地方。自前清光緒八年。商界已共組酒仙會。於商界最占勢力。其職在經理。每年應完酒稅。按照各燒鑪分攤解省。共完票銀二萬兩。今烟酒公賣以後。此項會亦少矣。

龍王廟 在吉林松花江南。巴爾虎屯。昔巴爾虎人亦奉道教。今改歸爲國民學校。久矣。住持舊道士仍喋喋訴訟。謂勸學所霸產。廟產非道士之私產。學校亦非勸學所長之私產。則未明世道也。

第七十章 回教

吉林省城回民多聚居於北大街禮拜寺胡同。卽因禮拜寺而得名。禮拜二字起於回教入華所譯。而耶穌襲之。皆禮拜我孔教之上帝也。回教禮拜日與耶穌不同。惟回教人入寺禮拜。教外人不覺。不比耶教禮拜。不信教謂之星期日。照例放假也。長春之北樂亭屯。哈爾濱之延爽街。皆回商所萃。回教不食豬肉。而牛肉爲販運大宗。滿雞亦叫賣要品。省城有回回營。各縣回民墾殖地方。亦往往以回回營爲名。省城人多。是以禮拜寺亦分建三處。

各縣回教之狀況

阿城禮拜寺 在縣治西街全城。回民僅七十餘戶。男女不過四百人。乃能集款建築禮拜二十六間。規模闊大。知其信仰心堅。團體鞏固也。

寧安禮拜寺 在縣東地字五號。基地甚闊。回民百八十八戶。男女千餘人。

張家灣禮拜寺 德憲縣回商數家。不如張家灣之盛。是以建寺於張家灣。農安回民亦附於此焉。

各縣清真學校

長春 長春學校聯合運動會。私立清真小學亦加入。有義勇精進之氣概。並且分攤會款。在城西三道街學款歲入二萬五千吊以上云。

寧安 寧古塔回民不過二百戶。光緒末回神請以回民應捐納之地租鋪捐牲畜等捐。作為常年經費。凡屠牛及售與俄人者。均附收學捐。年支實銀一千三百二十兩。學額六十名。歲有進步。

濱江 城內清真寺。歲支六千元。在各私校中。較為整齊。

回教之清真館

飲食店、濱江長春省城回回館。除豬肉外。山珍海錯。無一不與大教同。且名廚特用鷄鴨湯會菜。回廚尤擅長。且回民善畜鷄鴨。成本廉於京師。是以獲利。

外人奉回教者

韃靼人 俄籍在哈爾濱。或充巡警。或充馬夫。無上流之營業。
土耳其人 有在哈埠營業者。回民爭歡迎之。

第七十一章 薩瑪教

薩瑪教一作薩滿教。不知所自始。據亞古德人云。薩瑪教以前無宗教。惟起自何地何時。則彼亦不知。西伯利亞及滿洲蒙古之土人多信奉之。或云嘗研究其教旨。與佛氏之默宗相似。疑所謂薩瑪者。特沙門之轉音耳。北盟錄云。金人稱女巫爲薩滿。或稱珊蠻。蓋金源時代已有此教。然薩滿術師不如佛之禪師。耶之神甫。得人崇敬。但以巫醫卜並諸小術。歛取財物耳。其言天神云。天有七層。其主神卽上帝。又立三界之說。並以魔鬼嚇人。凡百疾病皆託之於魔鬼。而彼之能力亦止能驅逐魔鬼而已。

薩瑪教之二界

巴爾蘭由爾查 上界卽天堂也。云爲諸神所居。

額爾士伊都 中界卽現世也。云嘗爲淨土。今則人類繁殖於此。

葉爾羌珠幾牙幾 下界卽地獄也。云爲惡魔所居。

魔鬼之誕說

薩瑪教云。魔鬼主罰罪人。其威稜覆遍人世。上帝恐其過虐。則遣諸神。時時省察。

防止其惡行。故薩瑪之術師。爲人禱於上帝。以求庇護。然術師又爲魔鬼之奴隸。住於中界而通於上下界。蓋其祖先在地獄中。以子孫爲魔王之侍者。故凡操是術者。各有統系。而不許外人攙入。術師既侍魔王。故凡有建白。皆可與魔王直接。凡人之疾病。薩瑪輒謂是人夢寐之際。神魂飛越。爲魔王所捕得。若久而不釋。則其人必死。薩瑪之術師。爲之請於魔王。魔王釋之。其病始愈。病愈之後。則索取報酬。謂以完獻魔鬼之願也。其人或死。則云其魂靈雖未爲魔鬼所捕獲。而迷失路徑。至不能歸。又云人死之時。魔鬼捕其魂靈。巡回於其生前所經歷之地。所至輒行罰焉。此巡回時。須至魔鬼所憑之十字架而止。故奉信其術者。其眷屬欲減輕其刑罰。爲之造作木形十字架於屋邊。或墳次。又自墳次歸家。死魔往往縱人之後。然死魔畏火。故熾火於門前。一一超而過之。又取死人之衣。以火焚之。亦以驅逐死魔。使不敢隱伏其中。其誕妄不經如此。然確成一種宗教也。

又謂能直向地獄。呼其所欲之神。以加害於人。蓋彼受魔鬼之託。能福人能禍人也。故信奉之者。事之唯謹。恐忤之而得禍也。滿洲古祭禮。俄領韃靼。亦同風也。

第七十二章 耶教

吉林省城。舊有天主堂。在回水灣子。耶穌堂在新開門外朝陽街。并附設基督教施醫院。大抵天主教。傳布較早。耶穌教進行尤速。各屬多有分堂。長春天主堂耶穌堂並盛。哈爾濱俄人多信從希臘教。一名東正教。自設教堂。傳教力極薄弱。猶太人信仰猶太教。雖不傳教。其人自信國雖亡而教不亡。終必復國。自有一種精神。今吉林各耶教勢力。以基督教青年會。與社會最接洽。童子部最活潑。救世軍最鼓舞。西人舊教不敵新教。新教之中。又推陳出新焉。吾孔教徒當因時自奮也。

西教流行吉林各派別

羅馬加得教 在省城。

布羅的司當教 在省城。

萬國基督教 敦化沿路有之。省城基督教青年會。在河南街得地勢。

福音堂 延吉銅佛寺。額穆縣。傳教者多。省城福音堂。在新開門。亦係要衝。

加拿大長老會 延吉爲盛。

洗禮會 延理最盛。

朝鮮基督會 延邊及俄邊多有。往往以教案釀成交涉。

耶教所辦之慈善事業

施醫院。傳教之利器。能使之先信醫。再信教。

育嬰堂。教堂收養小兒。從小即受濡染。長大都能傳教。

免費之學校。比私塾索薪。官學收費。感情較深。平民樂從。

給膳之學生。皆豫備將來爲本堂本校終身服務者。

耶教所辦之名譽事項

救世軍。用軍樂鼓吹。引動下流社會。

救國會。挾最好題目。聯絡上等社會。

祈禱會。太平洋和平。先期祈禱。

紅十字會。曾在各縣捐款爲人告發。

民教訴訟。天主教稍多。

第七十三章 雜教

吉林之雜教。自天津傳來者爲在理教。多由工商人等所傳播。又有扶乩者。假託仙佛詩人。以未來之禍福惑衆。士人亦復爲之。長嶺縣有三教寺。自稱合三教而爲一。莫知所宗。雙陽縣靈巖閣。有一種特別教。會興大獄。扶餘宏濟慈善會。自稱善教。經理慈善事業。仍不免附設乩壇。拉林則有緣道教會。卽前清嚴禁之皇天教。無知愚氓。被其誘惑。甚至蕩產傾家。輸捐入教。因此教會積資百萬。買地修廟。主其教者惟女尼常法。此外狐仙堂。娘娘廟。五頭八頭。種種淫祀。婦女迷信尤甚。宜厲之以歸於正也。

京師分來各雜教

同善社

悟真社

守真社

清季興學。士大夫以破除迷信爲天職。改廟宇辦學校。提廟產爲基金。雷厲風行。成爲風會。今士大夫有扶乩設壇者矣。世風之變何速耶。

狐仙堂之派別

大仙堂 諱狐言仙尊之至也。

五仙堂 配以水狐仙。蛇仙。蝟仙。黃鼠仙。爲五仙。建五仙堂。

胡三太爺廟 狐仙第三子。能化白頭翁。鄉人信之。或但稱三太爺。

胡大爺 胡二爺 胡大太太 二太太 亦塑泥像。

借託山川之神靈

山神 即係虎神。俗傳山神能制虎豹。是以山中有人跡必有山神廟。近於鑛山者有鑛丁所壘小石屋。或奉石主。鑄山神之位。近於木植公司。則由木把修小木屋奉木主。村旁或有小茅屋。不但居民禮敬。卽行人必拜。三月十六日誕期。赴廟燒香者極盛。平原地方無之。

江神 松花江一帶居民。僉謂江中有青牛獨角神。每年開江之際。有文開武開之別。文開則冰沈水底。武開則冰如山。擻謂由河神所致。冬日江面不凍者則謂之青牛溝。舊俗開江後滿載婦女一船。沈以祭江。今禁絕。

第十六篇 教育

第七十四章 蒙養中華教育界

吉林教育家。頗自居於幼稚。蒙養之基。實萌芽於曹提學使。家庭倡導。研究保育。古無專書。東西洋譯本亦少。曹氏經驗。教育雜誌。認爲名家著述。流行全國。但創始之難。不在於經費。而在於人才。蒙養須用保姆。職兼乳媪。教員焉。須完全師範畢業。曾任初級國民教員。始可學保姆。乃京師各省。多以考師範不及格者。改用保姆。吉林第一女子師範學校。附屬蒙養。班次不多。保姆畢業多次。罕有創立蒙養院者。各省亦然。吾國家庭教育。孝慈過於白人。又無女工廠。致婦人作工不能教養。是以蒙養園不發達也。

吉林兒童之最初教育

搖籃。流水不腐。戶樞不蠹。常動故也。吉林生子。則繫搖籃於皮帶。懸之梁上。常推動之。兒乃熟睡。易其好動也。魚皮襪子。則挂樹上。外包紅布。以避鳥獸。

棉衣。吉林天氣極寒。室內尚溫。兒童皆用棉衣。以鍊習受寒。堅其皮膚。亦古禮。童子不裘裳之訓也。

吉林家庭教育與蒙養

唱歌 吉林舊有歌謠。今學生家庭有先入學者。幼稚亦知唱歌。但不完全。手工 舊日私塾亦能折紙帽各工。不待教授。幼稚生在家已能之。

談話 有益訓話。父母同心。無知兒童。或引誘罵人。

遊戲 幼稚喜學童子軍。隊有尙武精神。人少或擲石以爲戲。竹馬則風同內地。

吉林家庭教育之恩物

小椅 適合兒童身材。則兒童愛坐。小車 如牛車式。幼稚生繩牽以行。

響器 凡能敲擊成聲者。兒童皆認爲樂器。自製竹管亦單簡。

新物 衣履必愛新潔。不得謂兒童性濁也。火車輪船小模型。多東洋貨。

奇物 尋常之物。兒童未見以爲奇也。

空鐘 用兩繩牽之。可練腕力。

踢毬 家庭自製。今多改爲打毬。且多跳繩溜冰之戲。可練足力。

風箏 吉林新年。卽放紙鷂。至清明前後。有航空思想之初步。

第七十五章 女學

吉林女學晚興。女德早已同化於內地。文廟之旁。有節孝祠焉。女子有幼稚時。每喜作小衣服爲玩物。或以杯碟代碗作請客式。是以女紅家政二事。家庭教育已綽乎有餘。旗族禮俗尤嚴。父母待女子最寬。翁姑待子婦甚嚴。或待立不敢坐。不問不敢對。晨昏請安。不敢缺失。年節仍用拜跪。至爲服從。及女學興。日漸開放。舊俗本不纏足。無須提倡天足。走讀既易。女子就學者日多。風氣亦大變遷。學校課程既繁。女紅家政。有石如舊日者。手工美術。煥然一新。女生有德國願嫁軍人之風。安心服務。女學其興乎。

省立女子師範學校。附設爲小國民及模範蒙養院。在省城學院街魁星樓舊址。歲支經費三萬元。分本科豫科共計六班。高小三班。國民四班。蒙養職業各一班。學生二百零八人。舊有保姆班二十八人。今停止。家庭多省城附屬小學模範區國民學縣農家女子。來者不多。是以畢業服務者。多願在省城附屬小學模範區國民學校。其升入北京高等女子師範者。不及十人。赴各縣女子高等小學者。只限於原籍及鐵路交通各大縣而已。

省立女子中學校。教育部據全國教育聯合會議決。女子中學太少。爰擬於省城先招一班。擬明年另招一班。再立新校。先成立一班。即附於女子師範學校開辦。指定模範區第二高等小學校爲校舍。因該處已有模範小學。縣立小學。不及招新生也。民國十年九月一日。舉行正式成立之禮。當不讓濱江俄人女子中學喧賓奪主也。

各縣女學狀況

延吉 女高小生。曾經畢業。又招新生。將來分設女師範。以迪國民。不讓強鄰。

琿春 民國六年學生僅十五名。今又遞增。男子高等小學九。比較仍十之九。

長春 女子職業學校。已有興業工廠機器。學織愛國布。毛襪。並縫紉。

伊通 女師範講習所。成立較早。伊丹。樂山鎮。二十家子。四台。二台。皆有女學。

雙城 曾設縣立女師。已併高小整齊。國民十校。專教女子。比他縣爲最多。

濱江 雖設女子高等小學。然比之俄僑女子中學遠甚。宜豫籌第二女子中學。

磐石 女子高等學校既成。特設男女合校之國民學校。以爲模範。

第七十六章 小學 吉林省實施義務教育暫行辦法

吉林省實施義務教育。略在各省之先。並於省城設模範區。以樹風聲。模範區以內各小學精神煥發。各縣義務教育。分區實施。由縣知事督飭勸學所處理。限至民國十七年一律辦竣。各縣自治區。暫適用原有之城鎮鄉區。其新設治各縣。原無城鎮鄉區者。暫尤現有警察區。假定之。除省會模範區不計外。分爲四等。一等商埠及縣城。二等三百戶以上鎮鄉。三等一百戶以上鎮鄉。四等不滿一百戶鎮鄉。學區面積。適於通學。地方遼闊。戶口稀少之區。得變通之。應設國民學校。以學齡兒童爲準云。

區立國民學校

學級 每年學級。以四十人至六十人爲率。第一年得增至七十人。減至三十人。年級 初年一級者。增至四級。二級者。增至八級。以上遞推。人少者。適用單級。區立國民學校。設齊之年限。

一等區 民國十一年 二等區 民國十二年

三等區 民國十五年 四等區 民國十七年

各區設學計畫書

(一)男女學齡兒童總數 (二)已就學男女學齡兒童數 (三)未就學學齡
童數 (四)學區圖說(五)原有之款(六)擬籌之款

關於國民學校事項

(一)區立 (二)新設 (三)代用私立 均須呈報名稱、位置、學級、添設、程限、
基金、經常費之概算。 (四)原有私塾、查明塾師姓名及學童數。

關於高等小學事項

省立模範高等小學校 已有商業補習科、商事要項、商品簿記、今又考查職業
教育、種類、設備、製造、社會需要、及出口貨、將來或升改省城甲乙種商業學校、
省立模範區高等小學校 義務教育、本以國民教育爲本省會國民畢業、多在
升學、不在謀生、惟國民教員、因錢法跌落、呈請加薪、現已裁班併校矣。

各縣高等小學校 自前清時、每縣城必設一校、歷年久、設備完、各市鎮繁盛處、
亦設立、多有名無實、富室子弟多驕傲、若與中學師範同城、則知升學矣。

第七十七章 中學

吉林中學校。由省立者四。私立者三。第一校入級。餘均四級。但招生不勉。困難。外縣城鎮高等小學校畢業生。未能適於升學。省城第一中學。亦專辦補習科一級。以爲預備。省東北東南二道。招生尤不易。農家因錢法毛荒。供給不足。雖長春濱江。亦多中途輟業。依蘭一帶。有限於匪亂。學生不敢來學。恐中途被綁票者。蓋非富民子弟。無力入中學。富民子弟。又不盡好學。寒士學膳費。又多延欠。延吉中韓之民。受刺激深。學產鞏固。庶造成中堅人物乎。

第一中學校 在省城志士胡同。卽學院街。分校在蒙古旗舊址。清光緒三十三年開辦。歲支二萬五千四百餘元。學生三百一十人。職教員全體共二十二人。今年增圖書室。購書五百餘種。上年刊行吉林一中週刊。名流過客多。特別講演。增益德智尤多。考查身心表。亦能注重。

第二中學校 原係長春道立中學。學生一百二十二。人民國六七年曾增爲五級。舊有歲費一萬八千餘元。教育行政會議核減爲一萬四千五百元。理科儀器。理化

學藥品。藏有增置。體育器械較完全。因先有武術部。球部。各種競技遠足也。運動場則租自開埠局。第五班五十人。係補習班。防疫時衛生尤嚴。

第三中學校 原係濱江道立中學校。校址在雙城。學生一百五十三人。雙城爲地方富庶之區。各生家計充裕。志願升學者。十居八九。不設於哈埠而設於此者。避市井習氣也。經費亦較節省。

第四中學校 原係延吉道立中學校。校址在寧安。學生五十七人。原有道中學學田。在延吉春陽鄉者七千一百餘畝。在和龍山地一千零五十畝。現均收爲省有。爲第四中學之基產。

毓文中學校 係私立校。址在省城翠花胡同。西官運胡同。民國六年三月創始。由省款補助。及私人捐助。現領趙大雞山林爲校產。學生六班。正班四。豫班二。現共一百八十人。校舍由學校承買官產處。官運局故宅。又買民房三十間爲宿舍。

東華中學校 係私立校。址在哈埠公園有官銀號補助。二千四百元。紳捐三萬。盧布歲入一萬二千元。學費每月二元。膳宿月六元。體育歲二元。學生二班七十人。

第七十八章 職業

吉林實業學校。農工商各一。皆依甲種定章辦理。農校有農科林科。工校有應用化學學科土木工科。商校於本科外。新設銀行專修科。復於省城創始職業學校一所。分設木金工兩科。又會商省城總商會。設商業傳習所一處。召集省垣各商店執事。授以必需之商業智識。各縣乙種實業學校。及實業補習科。均次第飭辦。省城有私立乙種工業學校。以倡風氣。然捐款初頗踴躍。仍難恃以持久。學生向學者。亦不如普通學校之盛。尙待職業教育家。實力整頓。今長春籌有專款。仿照辦理。賢達其繼此而興乎。

省立甲種農業學校。兼附設乙種農業學校。校址在省城東局子內。清光緒三十年開辦。歲支二萬八千餘元。減至二萬三千七百元。農學本科。主要爲作物土壤。農具。肥料。蠶桑畜產。未設專科。亦由農科研習。林學本科。主要爲氣象及森林測量。利用保護經濟。各目尤重在造林。學生多來自農家。本省植物標本。正待採集。能使家庭籽種改良。收穫加豐。庶有實用也。

省立甲種工業學校。校舍經費。皆歸併農校。無法分析。分土木工科。已習鐵道工。

學。橋梁學。吉長路土們嶺開隧道時。學生前往練習五十日。並經工程師教導。本省應修鐵路甚多。果精研不懈。必爲開山名匠。又分應用化學科。鑛學大意。時間太少。本省產大豆。宜研豆精乳製造。舊日醬園陳腐。日本醬油。銷行市上。願應用化學科。力求實用。無以小事而輕之。近發售洋酒。並在校內設立商店。

省文甲種商業學校。在濱江中東鐵路租界。駐哈黑交涉局後院。歲支經費五千八百餘元。原係吉江兩省合辦俄文學校。元年六月始完全劃歸省立。有學生六十七人。新增銀行專修科四十八人。哈埠商務向以俄人爲多。學俄文者畢業後。營業便利。操縱中外通商而享其利。無投置閒散者。是以招考頗踴躍。而取錄特嚴。又因部視學意見。裁去英文。於俄文益專。校中陳列有鑛物八十餘種。

省立職業學校。在省城德勝門外。民國九年秋季始業。開辦費吉大洋二萬元。半用於建築。半用於設備。分金工二班。木工一班。皆用本國工師爲教習。製造市上常有之貨物。最易銷售。生畢業後可以一技自立。曾考察上海職業學校辦法。而科目原料用途。則就地方情形。研究實用也。

第七十九章 師範

吉林師範學校。共分五區。視道區爲密。第一校十級。餘均五級。注重根本。力企完全。師範校數人數。多於中學。然按義務教育之進行。需用國民教員甚多。尙慮不敷。乃調查師範畢業生之優者。往往騰躍於議政軍警各界。服務者多。在高等小學。鮮有任國民教員。甚至寧賦閒不就。因國民教員。除附屬小學外。餘皆因薪水不足。自給物色。教員者。恒苦資格不足。於是各縣傳習講習。由塾師改良者。遂承其乏。今檢定小學教員。無法增薪。尙須籌維根本之計也。

省立第一師範學校。在省城東萊門外東局子內。前方言學堂舊址。附屬第一第二小學校。在東局子後院。文廟東。清光緒三十二年開辦。每歲支出七萬餘元。所轄區域。分吉林雙陽舒蘭額穆樺甸磐石七縣。學生四百五十四人。特別訓練。舊有褒獎狀思過錄。有自省之精神。

省立第二師範學校。原爲長春道立師範學校。附有師範講習科。九年七月成立。轄有長春農安長嶺德惠扶餘伊通六縣。學生一百七十九人。昔年經費。由二萬

四千元。縮成二萬元。尙能節省附屬小學餘款。每年以大洋千元。添置圖書儀器。校友會有雜誌出版。近年整潔自習室。佈置校園。採集標本日多。

省立第三師範學校 在阿城。係教育廳新立。九年十月開辦。轄有阿城寧安穆稜東寧賓縣同賓五常榆樹雙城濱江十縣。昔濱江道立師範。原設於雙城。今移阿城。爲寧安近於鐵路學。生就近來學。學生六十六人。且阿城富有考古資料。無濱江繁華敗德之事。尤易修養也。

省立第四師範學校 原係延吉道立師範學校。九年七月成立。轄有延吉琿春和龍汪清敦化五縣。延吉道立第二中學亦併入焉。學生八十九人。添修校舍。購置校具。亦日漸進行。墾民既多。於中國禮教。尙欠研究。修身訓話。尤特別注意。俾知愛中國卽愛祖國也。

省立第五師範學校 原係省立依蘭師範講習所。依蘭道立中學改組。九年七月成立。轄依蘭方正樺川富錦同江綏遠饒河寶清勃利虎林密山十一縣。學生六十二人。

第八十章 專門

吉林專門教育。惟省城有法政專門學校一處。民國九年。始於法校添設經濟科。哈埠甲種商業學校。添設銀行專修科。尙未足以鑿學子之求。其農業專校。工業專校。雖屢經計畫。省款無著。未能實現。九年春。推廣津貼留學國立高等以上學校津貼名額。增籌獎金數目。以資鼓勵。至於出洋留學。則民國元年。經前學使選派留日省全費生六名。半費生三名。縣費生十二名。留美省費生六名。留歐省費生三名。九年又增留日實業省半費生十二名。留學經費。屆期必付。國立大學。原在長春。勿讓外人滿洲大學也。

法政專門學校

校址 在德勝門外。原係巡警學校。大火後遷入之。今另修江南新校。遷往焉。

分科 政治經濟科。法律科。

職教員 職員七人。教員十一人。有聯席會議。

學生 政治經濟四十八人。法律科二十八人。有雄辯會。

經費 一萬四千五百八十二元。

吉林留東學之類別

省費 實數二十九人。分高師、高等農人、高工、醫專、鑛專、日本大學、一、早稻田、二、縣費 實數廿二人。吉林、長春、伊通、德惠、雙城、寧安、榆樹縣。有女生習音樂、美術、旗費 實數二十二人。多在慶應大學。餘則高師、二、高等一、自費、豫備者十人。自費 實數五十五人。多在東亞、高等、豫備、北海道大學、一、高工、二、農商各一。

吉林留學歐美學生狀況

英 蓋欽和因親喪告假回國。表示留學生奔喪純孝。由官資遣。

法 華法教育會請暫行停送。勤工儉學。仍待救濟。

美 留學官費生請加川資。自費請補官費。女生請補男額。競爭試驗頗繁。

吉林升學京師學生狀況

高師 畢業生已回籍服務。女高師亦升學。武昌、南京、瀋陽高師皆來文招生。

大學 多自願留學歐美。試驗資格較嚴。吉林以林冠英爲冠。私立大學稍寬。

專門 農工醫專門皆有之。然未盛也。哈埠新立工科大学。中俄合辦。

第八十一章 社會

吉林社會教育。省城圖書館。建自前清。宣統元二年大火。圖書十萬卷爲燼。嗣後建館購書。大致粗備。又設通俗圖書館。於公衆運動場。講演所閱報室皆在焉。書亦數百種。教育品陳列所則附於省立圖書館。省城繁盛處。設置格言塔。又利用電桿。書木牌洋鐵牌格言。沿街張掛。各縣講演乏人。六年秋季。省城設講演傳習所一處。畢業三十人。各回縣擔任講演。又利用寒假。各中學校選三年級以上學生品端學粹者。各回原籍講演。以資練習。電影園在糧米行。已停。苟多集有益之電片。於社會感化尤速焉。

圖書館之建置

省立圖書館 在魁星樓。附近中學。女師範。吉林高等小學。

省立通俗圖書館 在公共運動場。

私立通俗圖書館 在新開門內。地勢頗佳。

各縣通俗圖書館 伊通猶多古籍。

閱報室 各縣無通俗圖書館。往往有閱報之處。

講演所之建置

宣講 前清舊名宣講所。每縣皆有。但終未見發達。長春則附有半日學校。巡回 近年各縣勸學所有巡回講員。周歷市集。

講題 每日必有一題。

分所 省城分河南街。牛馬行。

通俗教育各事業

吉林通俗報社 問日發行。呈准分派各屬。但收費不齊。銷額亦滯。勉力支持。改良戲曲 吉林勸學所曾經改良。已輟。有人熱心組織東華中學。又組新戲。改良鼓書 吉省說大鼓書者。昔多今少。志士改良。殊難見效。改良年畫 鄉民張貼。城內人張貼者甚少。陰歷年底。直隸商人販來。露天學校 夏季熱心教員。年長學生。偶然爲之。

公園 省城公園。在農事試驗場。養人民之公德。濱江。長春。雙陽。等縣亦有之。公共體育場 舉行運動會。設備體育器械。

第八十二章 學田

吉林學田地。昔年開墾之始。如五官屯原係牧場。荒無人烟。初墾三年。五經水患。十年期滿。公衆始得易佃。原佃戶尙請願省議會爭持。關係學田。膏瘠不同。上等繳納三石。中等二石。下等一石。其原有崇文書院學田。在樺甸者。卽密什哈屯學田。二者均撥入省會模範區。辦理小學。然被災歉收之減免。秋成抗租之催索。事已繁多。至於撥留學田。吉林農安濱江伊通長春。均未豫留。而寶清饒河。則劃留稍易。雙陽學田。撥自廟產。扶餘方田。春延吉榆樹依蘭寧安。各有學田。惟延吉春陽鄉平頂山。歸省立中學。

吉林學田重要地點

五官屯 吉林縣屬近於烏拉街。大租二千三百四十一晌七畝五分。歲納吉林縣大租一千一百七十元。地勢變遷。不堪耕耨者二百一十三晌。原納錢五千二百七十四吊。糧三千六百零三石三斗。押租四萬六千九百六十吊。

密什哈屯 樺甸縣屬原租地二百零四晌。新丈者多三十五晌。原地每晌收小洋一元。或糧一石。計收一百七十元。糧五十一石七斗。

各縣學田情形 有學田者凡十九縣。

扶餘 滿蒙學校產業。城甸五千晌。草甸七千餘晌。城鍋每家三方。草甸租四百方正。招佃地四千二百五十二晌。尚有浮多地。雙陽。舒蘭。同賓。賓縣。皆仿行之。榆樹 盟恩站有熟地九十三晌。佃戶領有蒙荒局執照。旋另撥廟產六十晌。樟甸 頭二道間荒三十晌。城草溝開荒三十晌。准撥歸勸學所。磐石 議以黑石惠普兩鄉。浮多賦捐。撥歸教育費。未經核准。

依蘭 吉省放荒。原撥每百晌留出二十分之一。作為學田。教育會呈請清查。

雙陽 城西南荒廢桑田。請撥歸勸學所植林。寧安 查明拋荒黑地為學田。

農安 民田購作學田者五百晌。由廟產撥者百一十二晌。

輝春 副署撥六千五百三十五晌。東溝浮多一千四百晌。實年收大洋五千餘。

汪清 學田七百餘晌。以人民私墾地充公。每年納租一石或五六斗。

富錦 學田一千三百餘晌。可墾者只二十七晌。丈荒四千五百晌。均屬窪下地。

阿城 官荒三千七百八十七晌。盡屬溝窪河甸。敦化 二萬餘晌。收租者少。

第八十三章 同化 吉林教育公報

吉林本滿洲故里。清初蒙古漢軍錯屯而居。亦皆習爲滿語。同光間漢人出關日多。屯居者已漸習爲漢語。惟滿族聚處者尙仍其舊俗。至城市商廛則漢人十居八九。滿人官四品以下者。率居城外二三十里處。晨則赴署。夕則歸屯。四品以上職務較繁者。則不得不移居城內。子孫遂多習漢語。惟仕宦之家防閑子弟不使入莊嶽之間。娶婦擇屯中女不解漢語者。以保其舊俗。今則漢文爲國文。滿蒙中學既輟。無復習者。滿蒙公牘。惟老前輩能譯之。同化教育。轉以延理和汪四縣墾民教育爲亟。由省費補助辦理。補墾墾民教育費

總數 銀元二萬元分配如下

延吉縣 五千五百元

理春縣 四千五百元

和龍縣 六千元

汪清縣 四千元

補助各樣項具有左列各款

一 教科書完全用審定本。並以國語教授。

二 每學級兒童三十人以上者。

一 教員曾在師範學校畢業。或經檢定合格者。

其華墾合組之國民學校專設有墾民學級者亦得補助之

補助之制限

一 每學級不得過大洋二百四十元。本年有餘。留爲下年拓充之用。

一 收支分配由縣知事督飭勸學所處理之。

一 督察員由教育廳特設。分赴四縣學校考查。

一 督察員由教育廳職員指派。視察旅費。由省教育項下支給。

一 受補助之學校一律稱代用學校。同區以第一第二別之。

一 學校受補助者春秋兩季。應填報表冊。由縣知事報廳。方繼續給費。

一 補助支給停止撤銷由縣知事呈延吉道署備案。教育部核准。

第十七篇 實業

第八十四章 農墾 吉林外紀 經世文編 地學雜誌

漢人移墾吉林。自清順治丁酉科場始。吳江吳兆乾父兄妻子。長流寧古塔。始有紀載。已酉流鄭芝豹及鄭成功之母。部將劉炎亦於康熙十六年。流寧古塔。順治國喪。金聖歎以哭廟抗糧殺其身。妻子發配。至今子孫居寧安南金家沽。當康熙最盛時。遍設軍台。命流人分守。號曰台丁。撥與田地。令耕種自給。中原華族。經冰天雪地之困苦。與虎狼爲鄰。求死不得。不得不以農業謀生。命婦跣足。敲冰出汲。雖覺可憐。其子孫乃擁大地而成世家豪族。今燕齊之民爭至。領地不得者。已設清理田賦局於省城白旗堆子。銘安將軍整頓滿洲之政策。

- 一、增設行政區域。
- 二、軍政之統轄。限於滿人。漢人立於民政管轄之下。
- 三、提倡保甲團練防禦盜匪。
- 四、獎勵士子。曉諭良民。教育子弟。
- 五、稽查漢人占有土地徵收賦稅。振理財源。
- 六、官有土地給與民間。無論滿人漢人均得沐其恩。
- 七、開漢人婦女出長城之禁。
- 八、淘汰昏庸官吏。革除弊習。

清廷獎勵殖民之方法

一。凡可耕未墾之地。每百畝定價四串。賣與人民。但每人以購千畝爲限。又無資購買願領地耕作者。每百畝納地租六百文。

二。官有荒地。付民間開墾。初免稅五年。俟墾地基固時。每百畝納租金六百六十文。此五年免稅專爲墾地最少者規定之。至開墾達數千畝以上者。經若干年納租後。卽歸爲己有矣。

三。毗連南烏蘇里地方。氣候嚴寒。地味亦瘠。熱心開墾者甚少。故凡願移居此地者。不獨免納租稅。政府補助經費三千二百兩。藉資購置農器牛馬建屋。牛納現金。半給食料。十年以來。沿邊數十萬畝之曠田。悉爲勤儉耐勞之漢人產業。

漢人拓殖事業之發展

初至時爲滿人佃人。披荆斬棘。茹苦含辛。滿人不解農事。漸至變賣土地。歸於佃戶。滿人固有荒地。亦多私賣私典。與漢人者。蒙古王公荒地。亦多私招漢人開墾。其傑出者。爲攬頭包攬大段。招戶分墾。無業人民。依以爲食。名曰傍親。或曰傍青。

第八十五章 森林

東三省林務局。因天產之豐。長白山脈一帶。窩集深遠。於吉林省亦自設森林局。窩集作渥集。或稱烏稽。又書兀稽。稽之各書。皆謂松樹。約占全森林之四五。然近日調查。不過十之一二。蓋自鴨綠江採木公司成。而林木大減。且從來樵者。必先就森林面積極廣處。及交通便利之地。擇良材而伐之。材盡則更徙。農民卽其地而開墾。亦有不待採樵。竟焚之而開墾者。甚至燒毀全山。一木不留。如長春濛江五常等處。無不皆然。毀害森林。莫此爲甚。若不從速。講求保護。則此後土瘠河枯。蒙古之平原。不難見於此矣。

清代禁止採伐森林之原因

- 一 爲祖宗發祥之地。保其威嚴。
- 二 藉可防禦北方勁敵之侵入。
- 三 可供八旗子弟爲田獵習武之區。

吉林省之林區

長白山森林 隱匿於省南及朝鮮北境。東自平頂山。西迄奉天界。及伊爾哈雅

範山。南臨鴨綠江。北至爾雅蠻哈建山。廣袤千里。針葉樹居十之七。闊葉樹居十之三。就中以松柞榆樺最多。柏檜榛楊次之。大者高十餘丈。

圖們江上流森林。大半在朝鮮省內。僅有布爾哈通河。吉雅河及琿春河等處。以楸椴松柞等樹最多。最大者高七八丈。

松花江上流森林。僅一道江沿岸一帶森林。歲出木材卽有三千餘根。柞居什五。松栢什三。榆椴各一。他如穆琴河。五虎石。及八大河等處。皆盛產之。松之大者高二十丈。歲產木材數萬根。價值數萬元。卽薪材亦達萬元左右。

小白山森林。東自寧安。西至拉林河。張廣才嶺一帶。盛產樺楊榆松樺柳亦多。納丹哈達拉山脈森林。在寧安東北。圍牡丹江。穆稜河。松花江。烏蘇里江一帶。拉林河上流森林。小白山西側四合川地方。爲林產要區。多產松樹。樺榆次之。牡丹江上流森林。沿岸古已採伐。今乏良材。寧安附近多松。百十丈。專供材用。錫呼特阿嶺森林。廟及爾嶺森林。傍東省路線。今少良木。距路稍遠。猶多森林。此外尚有密山縣森林。依蘭地方森林。諾羅河上流森林等處。亦夥不遑枚舉。

第八十六章 蔬圃

吉林之蔬圃。多圍繞省城之附郭。官商所集需用日多。蔬圃地價昂於大田數倍。種種蔬圃之人工肥料。亦多於大田數倍。所獲利益亦數倍。省城之小菜場。俗謂之菜樓。其荷菜擔以叫賣於市者。多送入住戶。各有經常主顧。各縣人民多自種自食。附住宅之近處。析大田之一隅。使婦孺種植之。已成習俗。北方食菜。恒比南方加多。霜降以後。野無青草。是以民家皆作酸菜。足一冬之用。爲數以缸計。其餘則風乾之菜。亦爲補助之大宗。價值比京師較廉。因土沃也。

吉林之蔬類

菘 卽白菜。冬日可窖藏。可作酸菜。味肥美。過於內地。如木類之松。洵蔬之第一。
萊菔 卽蘿布。可作蘿布乾。冬日亦可藏。本與人參爲同類。其最甘者可煉糖。
山藥 長而肥白。潔如玉。宜蒸食。京師視爲席上珍。山藥泥可作甜菜。
豇豆 細而嫩。秋分後京師豇豆已老。此地始上市。味勝於京師。
辣椒 圓滿紅潤。比京師肥大。而價值亦廉。

芸臺 東寧產之。省城罕見。

芫萎 俗名香菜。人有嗜之者。亦有不食者。

莧 昔日野生。今始列爲菜蔬。又有冬莧菜。昔采爲猪食。今亦知味。俗名大手巾。

薑 薑芽極嫩。可作醬薑。省城市上。多由南方運至。因種者少也。

芹 泮宮旁甚香。可常食。

菠 尋常菜湯所用。可配豆腐。

葱 比內地肥大。用以佐燒猪燒鴨筵席。和以甜醬。夾以薄餅。內省之葱不如也。

蒜 冬日盆栽。置火炕上。是以蒜頭受熱力大。無異夏時。葱亦然。

韭 韭菜與蒜。南滿醫士證有殺菌能力。菜園中韭菜根。亦多年生物。壅肥極厚。

茄 味腴厚。畫爲龜紋。油炸之尤美。

芥 又有大頭菜。延輝一帶產之。

葫蘆 江東甚美。

瓜 南瓜用以作粗菜。西瓜香瓜則視爲果品。

第八十七章 花園

吉林人家。院宇廣大。多就地種花。其花種來自內地者。或不甚發達。其來自俄屬西伯利亞者。則欣欣向榮。多古人花譜所無。夏秋間花最繁。紅花綠葉。直至霜降始萎。木本之花。只有丁香樹一種。性最耐寒。昔省城桃園之桃。華而不實。因發葉開花並晚。今有新桃園。樹木十年。居然結果。而且甘美。足見人爲。杏花李花櫻桃花。有成村者。皆端午前後開花。榆樹梅葉似榆。而花號梅。重臺密萼。似日本櫻花。不耐久也。夾竹桃則不能生於地面。花桶中種之。亦成小樹。其他普通花卉。冬日則藏於花窖焉。

吉林常見之花卉

萱花 古稱忘憂草。今號金針菜。俗名黃花。爲乾菜之一種。郊外蕃生。

葵花 又名向日葵。高過於人。花黃。花成盤。結子極多。家庭幼稚。種植最宜。

芍藥 野生者彌山野。空谷自芳。開荒後日少一日。移之庭園。便成玩物。

菊花 年老退閒之人。喜養之。愛護周至。雖能耐霜。然寒時則移之戶內。

江西辣 卽八月菊。容易生活。種之者較多。開花較早。賞玩較久也。

月季 種類極多。單瓣野生。雙瓣者家生。俄國傳來黃月季一種。俗名老虎王。

鳳仙 婦女取其紅花染指甲。又有白色粉紅淺綠各種。

玉簪 花白似玉。皆盆栽。

雞冠花 形似雞冠。愈老愈紅。亦有白色一種。

海棠 翠海棠 秋海棠。

十樣景 小盆所栽。兒女輩愛之。

萬年青 冬日盆置客坐前。清用爲吉語。

高麗菊 屬邦小品。託大國邊土而生。仍有凌霜之氣。

洋繡球 紅及粉紅二種。

霸王鞭 圓形如棍。綠色有刺。

仙人掌 扁形如掌。種類甚多。

仙人頭 或呼爲山形拳。若頸細而頭稍大。

仙人扇 作扇形。爲仙人掌之大者。

第八十八章 漁獵

吉林山高水長。長白山脈爲行獵最大之圍場。前清以騎射得天下。康熙乾隆之盛。天子猶親御弧矢。是以尙武之風。沿邊一致。俄人懾於積威。相安者幾二百年。嗣後屬威漸替。等於守府。圍塲業已放荒。行獵之人。或漸進於農。今山中野獸多。大抵皆獵夫營業。非昔日將軍盤馬。百校前驅。如孔子所謂獵較也。漁業產地。則自松花江以放乎東海。昔年皆我漁場。今沿海失地。主權不屬。昔年沿江網房多。獲魚亦多。漁戶僅存十之一二。蓋從前白魚圈。黃魚圈。迎流截魚。無異竭澤。今利薄而人改業矣。

最近捕魚之狀況

拉網 普通長十餘丈。寬一丈。一端掛於岸。一端載重沈於江。徐徐收網。卽得魚。凍網 一名串領網。長五丈。鑿江冰爲長溝。順流下網。冰合。引至無冰處。卽得魚。漁叉 木竿帶鉤。擲水取魚。鐵餃子 用於魚多之處。兜圍四周。抬起得魚。擋亮子 柳條編成。水中流。取退水魚。漁單 上大下小。取淺水獸鱒。

天然之漁場

松花江

產鯢、鮠、鮪、鮫、鮫干條、熬花、草根、胖頭、黃魚等。而白魚最著名。

牡丹江

產鯢、鮠、鮪、鮫、細鱗、懷子等魚。五子戶附近爲漁業根據地。

圖們江

產鮪、鱒等魚。

綏芬河

產鮪、鱒、細鱗、胖頭等魚。

興凱湖

產鯢、鮠、鱒干條、搗子、懷子、黃魚等。

烏蘇里江

產鯢、鮠、鮪、懷子、細鱗、胖頭、草根、黃魚等。

最近行獵之狀況

獵人

除三姓各種人以爲世業外。各縣獵夫有農隙營業者。專業獵戶較少。

獵地

省城附道大山。各縣近城之山。皆少有。深山積雪。居人少者。皆可行獵。

獵法

新式洋槍。由日俄輸入。自製火槍亦可用。用除蹠取貂。陷阱制虎豹。

獵品

冬日野雞最多。入市銷售。其得珍貴皮張者。其利倍於農商。故多冒險。

獵團

紅團專於春殘取鹿茸。戰團集多人。合圍掩羣。窮圍隨獸踪追。隨二三焉。

第八十九章 工廠國貨調查錄

世界工人受值之廉。作工之勤。無過於華工者。東省鐵路公司。工務執斤掘土。置圖版築者。皆山東人。機務各匠。則多來自津沽。哈埠間有南人。華工多在下級。縱藝術優良。總不逮俄工所得之多。糖廠沙廠。尤賴華工。工廠最大者爲燒鍋。豆油豆食及麵粉公司。次之。今濱江油房。由倭人包。買豆餅。悉由南滿運出。火磨麵廠。省城有恒茂。各大埠亦多有之。機器鋸木。亦曰火鋸。則萃於省城下游之東大灘。民智日開。人生亦勤。國貨發達。上年哈埠秦家岡。有中俄合辦工業大學。有土木機械電氣等科。並附以工廠實習云。

吉林各工廠

省立工藝廠 省城巴爾虎門外。所織有五色國貨旗牌。各色花紋布。及中西各式桌椅。地球松竹牌。大支呂宋煙。捲香味尤佳。

旗務工廠 省城西關。織醒獅牌改良布疋。絨毛線襪。毛巾被褥袍料。西式木器。福昌織襪廠 哈爾濱道裏中國十一道街。織各種線襪。又有東陞織襪公司。

鎮遠公司 哈爾濱織絲光布及各色花布。

豐順公司製臘廠 濱江傅家甸昇平街製蝴蝶印牌洋燭。經理人王允升。資本三萬元。翌年獲利四萬元。

新華兩合公司 寧安城南江沿製國旗麥捆牌麵粉。

永遠麵粉公司 阿城縣製麥穗牌麵粉。亞洲製粉公司 長春三道溝。

天興麵粉公司 依蘭四關製醒獅圖牌麵粉。

成發祥成泰義及東亞麵粉廠。三廠皆在哈爾濱製牛地球國旗等牌麵粉。

烟草工廠 哈爾濱裏華三道街製烟捲甬烟紙。

振興和記機器 哈爾濱造汽輪船車電話電燈打米等機。

同記製帽廠 哈爾濱製各種草帽。

順豐公司 哈爾濱製各種紙料。

天惠公司 長春華興鎮製五族共和牌造紙。

增昌火柴工廠 省城西營國貨暢銷年底結帳恒獲厚利。

第九十章 作坊

吉林省城有工務總會。在河南街。舊日工人頗有團體。但昔日則分省分縣成幫。今則繼農會商會之後。漸有大團體。然俄邊一帶華工會。往往傳播過激主義。秘密結社。希圖擾亂。此項華工。但知勞動。並無技能。若各作坊之工徒。皆以一藝自立。蓋上古至單簡之工。始於結繩。尙有三十餘家。而最新與科學有關係者。如照像館。亦多至二十家。印刷所。大小二十家。鉛印能印書報。石印亦印名片廣告。今金工木工。百業發達。衣食所資。又踵事增華也。

吉林各作坊在省城者

金銀樓 卽首飾樓。共十四家。河南街之裝飾美術品。比於京津。

銅器店 三十五家。修整鐘表二十二家。

錫器店 十五家。

鐵器店 十六家。鑄子爐多售農器。

以上金工

木材店 五十四家

木器店 一百二十六家 刻字店 十家

造車店 四十四家 馬具店 一十六家

以上木工

皮貨店 九十一家 估衣店 二十三家

帽子店 二十三家

靴店 五十六家 鞋店 八十五家

裁縫店 七十六家 染坊 三十七家 洗衣店 十二家

以上衣服

飲食店 一百二十二家 酒舖 十八家 茶店 十二家 糧店 五十家

屠獸店 二十家 肉店 五十二家 菓臘店 三十三家

醬油店 三十家 製粉店 三十五家 葉子烟店 三十六家

以上飲食

第九十一章 商埠

吉林邊壤。以移民增加。窩棚林立。社會雛形。完全成立。山東人既矢志于農。直隸人乃從事于商。以樂亭人爲最多。津保人爲最富。往往一家商店之名。進而爲鎮之名。各處燒鍋業兼營錢業。並賣雜貨。凡以泉字爲地名者。大抵爲燒鍋所在。其貨物有上自綢緞。下而葱蒜之蔬。於是成邑成都。凡濱江長春大地千金之處。皆昔年荒榛無人。狐鼠所宅也。惟商埠因外人鐵路勢力開。放往往喧賓奪主。然主權所在。如濱江業已收回。但日本領事署所在。警察署損我國權。郵便局不卽撤去。尤背萬國之公法也。

吉林省之商埠

烏蘇里河 咸豐八年俄約。

哈爾濱 光緒三十一年日本約。宣統三年五月十四日設濱江關。有俄日領事。

琿春 光緒三十一年日本約。三十三年五月十八日設琿春關。

吉林省城 光緒三十一年日本約。三十二年十二月開。日本領事駐之。

長春 卽寬城子。光緒三十一年日本約。三十二年十二月開。日本領事駐之。

寧古塔 光緒三十一年日本約三十二年五月開。

三姓 光緒三十一年日本約宣統元年五月十四日設三姓分關。

局子街 宣統元年中日圖們江界約九月開日本領事駐之。

龍井村 宣統元年中日圖們江界約九月設龍井村分關日本總領事駐之。

頭道溝 宣統元年中日圖們江界約九月開日本領事駐之。

百草溝 宣統元年中日圖們江界約九月開日本領事駐之。

商坡外商之犯我國法者

販運鴉片 吉省禁烟三令五申十餘年未能肅清皆由俄境濫種倭人善犯。

私賣嗎啡 吉省下流社會札嗎啡針過癮皆由日本藥房公然出售。

私售槍彈 吉省胡匪所用槍彈多由俄國敗軍所賣倭寇亦願以利器濟匪。

流娼賣淫 吉省內地縣城亦時有日本娼東寧多至百家且自謂照雜居條約。

私開小押 吉省村鎮亦有倭人私開小押短期厚利典當因以倒閉者甚多。

縱賭無恥 吉省沿邊倭人設種種賭場引誘華人縱賭彼則抽頭獲利。

第九十二章 商行

吉林太商行由永衡官銀號營業者。則有永衡糧棧。永衡長典當。永衡印書局。以及永衡茂永衡泰各字號。皆各分支店。經營大宗商業。與各銀行對峙。而與地方最爲密切。偏僻鄉鎮。有不收用現銀元。而收藏永衡官帖者。誰謂民不信官耶。太順銀號以及各家錢莊。無不以放債收糧爲第一大宗。仍轉售於外國商行。而坐收其利。外國商行則挾洋貨以來。易土貨以出。利什倍焉。濱江洋行林立。洋貨華麗。今有華商自辦大羅商場。百貨駢羅。亦最新之氣象也。

吉林商行之狀況 省城總商會。在財神廟。

錢行 與市價極有關係。現大洋銅元日少。紙幣跌落。皆錢行上下其手所成。

糧食行 與店家及農家。關係至密。時價漲落無定。稍貪利益。動虞虧折。

藥行 與參行極有關係。運銷內地。愈遠價愈昂。山貨到櫃。出門立增數倍。

當行 商人營業之大者。昔盛今衰。因銀行有大宗押現。而舊衣變賣處太多。

雜貨行 不問中外貨物。但求銷路多。或於綢緞莊附設之。亦鉅商之一端。

倭人之商行

三井洋行 新開門外 三井木廠 久安胡同 三井公館 頤道花園 山本洋行 新開門外

三菱公館 久興胡同 東馬路 丸田商行 東馬路 大久保洋行 糧米行 東洋醫院 二道碼頭

吉林燐寸株式會社 東大灘 吉林倉庫金融株式會社 吉長車站 丸天商行 魁星樓

東野洋行 德勝街 東洋煙葉公司 東關昌邑屯 朝日館 普安胡同

南滿鐵路公司 迴水灣子 朝鮮銀行 河南街 松本洋服店 新開門外

東亞煙公司 西大街 阿川材木部 東大灘

省城日人四百四十一戶。男六百六十五。女五百一十五。長春更繁多矣。

西人之商行

美孚洋行 北大街 美孚棧房 鐵路旁各站皆有 美人幾於專利。東亞無與抗者。

亞細亞洋行 西大街 亞細亞棧 鐵路旁各站皆有 英商與美商相競。

太古洋行 西商在省營業者少不如濱江長春對外交易之盛。

英美煙公司 近年南洋兄弟公司稍分其利。哈埠英商老巴魯公司亦製烟捲。

第九十三章 商品

吉林之商品。以糧食爲大宗。乃秋收不歉。而麵價大漲。省城設火磨公司後。外縣來源頓減。是公司之居奇擡價。貪重利而不顧民生。轉不如鄉村磨坊自磨自食。地方偏災。往往禁糧出口。奸商仍囤積販運以出口。謂之糧把。糧漲則百貨無不漲。而紙幣日跌。然出口貨。舍此並無大宗。財政部曾經禁運。本省慮穀賤傷農。除北五省災區購運外。仍屬存積過多。若加禁阻。則民生國稅。立現停滯。是東三省貨幣。吉江最濫。所恃以化虛於實。能吸出國外現金者止此。其餘各貨。多京師各省自銷而已。

吉林之皮貨 民國八年吉林商務總會調查數目大略如下。

灰鼠皮六百枚 狐皮千枚 虎皮三十枚 貓皮八千枚 海豹皮四百枚
羊皮六千枚 牛皮六千枚 水獺皮二千枚 狗皮一萬枚 貂皮三千枚
貉狸皮三百枚 豹皮五千枚 狼皮五百枚 馬皮百五枚 豬皮一萬枚
山狸皮六千枚 鹿皮三百枚 豬鬃馬尾亦入此類。

吉林之藥品 每年產額雖無確數。據商會及商家之調查大略如下。

大山參五百兩 鹿茸七十斤 細辛一萬斤 防風四萬斤 黨參一萬斤

木賊三千斤 參糖亦爲禮物一種每盒每斤一元 熊膽 麝香 鹿胎亦重

吉林之山貨 花藤 榆藤 凍藤 卽元藤 榛藤 口藤 木耳 瓜子 葵

花子 大椒 紅棗 核桃 山雞 野豬 狍鹿 哈什蟆 各果品

吉林之土產 蘇油 豆油 麻油 糖羅布 牛羊豬油 藍靛 茶條菜 線

麻 縻麻 芝蔴 土面城 缸瓦 黃烟 雜烟 雞卵

吉林大宗貨物 糧石 木植 木炭 木枰 石頭 石灰 煤 家畜卽屠宰

洋草 雜魚

吉林工作貨物 柞蠶絲 柳蠶絲 毛頭紙 裁絨毯

吉林輸入重要商品

國貨 綢緞 土布 火腿 紹酒 書籍 紙張 水果

東洋 藥丸 磁器 鐘表 海菜

西洋貨 洋油 洋布 洋呢 洋氈 時辰表 顏料

第九十四章 貨幣

開荒以前。地方殷富。所用現銀元寶約五十兩一塊。輔以制錢。現貨交易。自俄人內侵。始行羌帖。日本戰勝。始用老頭票。本省初行永衡官帖。尙未與現貨相離。積久低落。至今每現大洋國幣一圓。換錢帖至一百餘吊。每吊只當銅圓二枚。小洋票一角。亦跌至錢帖一吊。市價多自二吊二角起碼。官銀號積虧已五萬萬吊。歷年墊支軍政費。多至大洋三千萬圓。發行官帖。已患其多。各大埠以外。小縣私帖充斥。且小帖甚少。零用不便。商家私帖。勢難禁遏也。本省所用現大洋票。轉以哈爾濱爲主。永衡紙大洋復落焉。

吉林各銀行

中國銀行 省城糧米行。哈埠正陽街。長春西三道街。延吉亦有分行。信用最著。
永衡官銀錢號 省城西大街。有省銀行之性質。吉林銀行 在新開門外。
交通銀行 省城河南街。哈埠正陽街。長春西三道街。商業銀行 新開門外。
殖邊銀行 省城河南街。長春北大街。哈埠二道街。平和銀行 在新開門外。
東三省銀行 省城河南街。哈埠長春以外。如下九台。范家屯。亦設分行。

永衡紙大洋之比較

現大洋 一百吊。現洋流入俄境蒙境。即被窖藏。是以不復。銅圓則流入京津。紙大洋 七十吊。二百略當十分之七而強。

永衡官帖之利用

買糧 各大埠利用大票。購大宗之糧食。

土貨 各縣土產。皆以官帖定位。

流通 全省流行。不需匯兌。近日則嫌不易多帶。

私帖大宗已禁者

哈埠道裏商會 因不歸縣署管轄。咨行濱江道尹查禁。

長春滿蒙銀行 已設分行十二處。行使私帖一千五百萬。由財政廳封禁。

松江林業公司 駐蛟河濫發私幣。有千吊五百吊大張。由額穆縣飭警收回。

外國銀行在濱江長春者

匯豐 不出紙幣。道勝 光帖無行情。正金 朝鮮銀行金票四千萬元之鉅。今禁止入口。不用正金。老頭票其價格較高。

第九十五章 公司

吉林企業之公司。往往外人經營得利。華商自辦不免於失敗者。若長春之糧石貨幣交易信托公司。吉林商會設農產貨幣信托公司。則商戰之一博。俗指爲搗錢把糧把是也。財政廳嚴加限制。定期交易。不得逾一月。糧石則限制三月。財政廳收其基金總額四分之一。妥存分金庫。作爲押款。並於公司佃費內。徵稅十分之一。至十分之三。本省公司。多省城鉅紳鉅商發起。是以事務所雲集省城。或有私借外款。自稱華股者。則外人愧懼耳。然昔日與俄人合資者。今已完全華股。則歐戰後俄人不支也。

省城現有各公司

天圖鐵路公司 二合號胡同。籌辦天寶山至圖們江鐵路。

老頭溝煤礦公司 三道碼頭。

安撫林業公司 東團山。子雖係奉境。實松花江上源。恃省城爲銷路。

恒茂火磨公司 東營大馬路。

富寧造紙公司 二道碼頭。

製材公司 東大灘。昌邑屯。有機器火鋸。爲解木之用。

木材公司 新開門外東馬路。租用吉林縣學田地。爲輕便鐵路。

黃川採木公司 二道碼頭。採黃花甸子四合川木植。因違章停辦。

華森公司 糧米行。雖日本人投資。無非放款於中國木把。收買木植還帳。

豐材公司 新開門外。

中華洋燭公司 德勝街。

同豐公司 吉長車站。

松江林業公司 東大灘。近年有與木稅貨牙公司。包攬一切。

源興公司 二道碼頭。

貿易公司 新開門外。

信託公司 財神廟內。錢行受其操縱。名爲商戰。無異大賭。有貪小利而破產者。

貨款公司 吉林縣東。然抵押品爲貴重。利息尤厚。期限更嚴。

貨牙公司 省城有糧食烟麻貨牙。長春農安扶餘。有糧食牲畜貨牙。餘僅糧食。

第十八篇 交通

第九十六章 東省幹路

俄人自經營海參崴軍港。籌畫連接西伯利亞之鐵路線。原定繞行黑龍江外。今沿烏蘇里江。由海參崴至哈巴靈甫斯克之鐵路。及沿鄂嫩河。由開他魯佛經尼布楚。至斯托列汀斯克之鐵路。皆當日原定線之一段也。自清光緒二十二年。中俄結喀希尼密約。許俄修路貫穿黑省蒙古吉林。東清鐵路大幹線於以成。二十三年七月興工。至二十七年十一月告竣。自臚濱至海參崴。共長二千八百十六里。東清鐵路合同第十二款。謂全線告成。後越三十六年。中國有贖回權。越八十年。有沒收權。今因俄亂收回焉。

東省幹路之各站 昔日用俄文無華字。是以名稱不一。

舊哈爾濱 哈埠今爲特別區市政警察第一署。江橋長二百七十丈。

阿什河 即今之阿城縣。 三層甸子 又作三層店子。

老爺嶺 又稱爲小嶺。 帽兒山 又作貓山。

烏吉密 今擬設治。析同賓縣南。俾鐵路旁易發展。

一面坡 駐兵防匪重地

葦沙河 今擬設治。

石頭河子

高嶺子 又作交嶺子。

橫道河子 爲特別區警察第三署治所。俄人拘留者極多。

上石 吉林圖作小岩。東省鐵路合同成案要覽作山西。

海林 爲寧安縣出入之大站。牡丹江 有鐵橋。東南有俄商火鋸

磨刀石

拾馬溝 又作檜馬溝。

穆稜河 又譯作美嶺。

馬家河 又作馮橋河。

太平嶺

細鱗河 又名七站。有支路入北山。

綏芬 又名六站。

綏芬河 五站格羅結夫 爲交界驛。

管理東省鐵路續訂合同

- 一因以庫平銀五百萬入股與華俄道勝銀行合夥。建造經理東省鐵路。
- 二因中國政府接濟該路款項。三俄政紋亂。致失管理維持該路能力。
- 四中國政府以領土主權之關係。管理維持公共交通。實行保護整頓責任。

第九十七章 東省支路

清光緒二十四年俄租借旅順口大連灣。並約定由東清幹路擇站築支路達旅大。是爲東清鐵路南滿洲支路。據有海參崴旅順大連。以哈爾濱爲中樞。俄人野心。於是日縱。所以釀成日俄之戰。由是年六月興。二十七年十一月全路告成。自哈爾濱至旅順計長千八百二十里。今除長春以南。割歸日本外。實長四百三十八里。今支路收爲特別區。警察第二署設於二道溝。東省幹支兩路。爲俄皇發展西伯利亞鐵路。延長至海。徒取直線。不經由省會。自以爲另闢新市。不知運費虧賠。已爲俄人第一失策矣。

東省支路之各站

哈爾濱 分支處俄人以爲第一松花江。因陶賴昭尙有第二松花江也。爲鐵路一等車站。規模雄大。附有飲食店。雜貨書攤。郵電合局。支路至此。接於正幹。五家 五等小站。

雙城堡 今之雙城縣。哈爾濱之濱江縣地畝。均由此析。居民殷實。土地膏腴。農產運銷既便。地方教育實業。有日新之象。

蔡家溝 蔡氏爲雙城鉅族。其家庭原墾地。正當鐵路之衝。出入既便。游學於外者崛起。近年簡任要職。至吉長道尹焉。

石頭城子 亦係四等站。鎮市繁盛。郵路由分布甚遠。冬令上下糧食極多。

陶賴昭 爲第二松花江。卽吉長鐵路未成時。小輪船由此溯流。直達吉林省城。今小輪船載來客貨。上下者仍不少。有小支路一條。直達江岸。

窰門 松花江之南岸。有機關車停車場。並增水塔。爲此路之中心。往來之車。由此換車頭。或交互通過。

張家灣 爲農安德惠郭旗出入之要站。上下客貨甚多。

卜海 一名烏海。站之左右。亦有郵路分枝。

米沙子 俄人路政不修。鐵路兩旁不植樹木。停車場地方不准賣販食物。

寬城子 與日本南滿火車相接。而上車下車秩序。日人尙嚴。俄人尙寬。一治一亂。各異。吾國當求根本改革也。

東路二線。價值四千萬元以上。一年內曾獲利三千萬元。募債二千餘萬元無妨。

第九十八章 吉長鐵路

此路依中日協約。日本得有此路之投資權。及對於資本半額之權利。及任用日人爲技師長之約。是也。協約成。測得南北中三道。我主北道。彼主南道。協議結果。卒定北道全線長七十八哩四十鎖。鉄橋共長百零六丈。隧道貫土門嶺。全線勾配共八哩餘。以百分一爲最急。其餘皆平坦大道。如此容易。在世界鐵路工中。亦爲罕見。宣統三年告成。建設費一哩約需八萬五千元。加材料運送費。電綫架設費。停車場費。及開業費。亦不出九萬元。全綫計七百萬元。內外足見費用之低廉。有足令人驚者。

吉長鐵路之各站

吉林 江岸站房。曾爲冰衝破。江沿冰山高數丈。尤爲奇觀。撞壞鐵橋。沖決軌道。倒折電桿。蓋車站離城十餘里。來往殊不便也。

九站 自省城至此。皆近於松花江岸。由東南向西北。有三道嶺山地。小作陂陀。已劃成平道。

孤店子 昔日孤店。今已成市。沿途窩棚相接。田地已闢。

緯皮廠 地方繁盛。原有稅局。今仍爲一大站。

河灣子 鰲龍河上有橋。

土們嶺 新開隧道工成。頗極一時之盛。乃以報銷有弊。局長被撤。工程處原用

倭人爲工程師。山峯陡峻。土石雜糅。實握全要之樞紐。

營城子 東有過道嶺。西有銀鑛山。

下九台 德惠縣境。原有分稅局。今移總局駐此。有界濠。尤扼要。西有驛馬河橋。

飲馬河 路綫原測太低。曾經大水冲毀鐵橋。今已改良。

龍家堡 又作隆家窩堡。

卡倫街 地方繁盛。有烏海河橋在市東。

興隆山 前有前興隆山夾鐵路旁。

長春 中國車站。卽長春縣治。又名二道溝。上下客貨。不如頭道溝之多。然此爲

本站。東有伊通河橋。

頭道溝 日本南滿車站。與吉會鐵路接近處。

第九十九章 吉會鐵路

會吉鐵路自吉林肖東至朝鮮千餘里。自宣統三年中韓圖們江界約成。日人於吉長路以外。獲得修吉會鐵路權。由吉長展築。出延吉邊界至朝鮮會寧。一切照吉長辦法。民國以來。已派員督辦。日人所勘路線。由吉林省城東行。逾老爺嶺。張廣才嶺。渡牡丹江。大石河。抵敦化。東南踰哈爾巴嶺。經三道河子。土門子。渡布爾哈通河。至延吉。卽局子街。又東南渡海蘭河。至龍井村。出禹趾洞。渡圖門江。以抵會寧。估價三千餘萬元。需工六載。因國變及歐戰。未及開工。以清津港爲吉林尾閭。猶幸未卽成也。

吉林至會寧各站里數。共長九百九十五里。倭人勘路。經龍井村。不經延吉。

大屯 六五 威虎嶺 四一九 亮米台 六七四

下江密峰 一〇〇 炮手營 四四九 囊聲嶺子 六九四

雙岔河 一五〇 平房 四六四 榆樹川 七四四

額穆縣 一六〇 城廠 五〇四 老頭溝 七六九

八道河 一九二 臭梨子溝 五一四 上官道溝 七八六

老爺嶺	二〇七。	北葦子溝	五三四。	銅佛寺	七九四。
大孤家子	一三七。	敦化	五五九。	東官道溝	八七六。
大蛟河	二七八。	黃土腰子	五九六。	朝陽川	七九九。
烏拉屯	三〇二。	大石頭河	六〇九。	龍井村	八九七。
烏林溝	三〇八。	板橋子	六三九。	和龍	八七九。
慶嶺	三五一。	哈爾巴嶺	四四六。	大狐狸嶺	九〇九。
小馬家子	四一一。	蜂蜜嶺子	六六九。		

吉會鐵路之要工

松花江鐵橋 一千八百一十八呎。自省城東團山子過江。海浪河 六百呎。
犍牛河鐵橋 三百二十五呎。自額穆縣橫斷之。圖門江 三千二百九十呎。
蛟河鐵橋 三百二十五呎。牡丹江鐵橋 三百二十四呎。
大隧道 胡耶大嶺七千餘呎。老爺嶺五千餘呎。大拉子二千六百呎。
威虎嶺二千三百呎。餘有小隧道十五處。

第一百章 南滿鐵路

南滿鐵路。北止於長春。昔年俄人視爲支綫。於長春亦不甚重。自倭人得之。遂爲要地。西伯利亞鐵路歲賠鉅萬。倭人截其支路之一節。遂歲獲厚利。俄人鐵路弊端多。無票亦可乘車。員司得賄一二元。公家損失十數元。焉得不虧。倭人稽查嚴密。秩序整飭。是以獲利。頭道溝爲南滿車站。儼然爲長春之總站。吉長中東兩路皆爲之左右。鐵路聯絡會議。多由南滿提議。決議時亦南滿多得便宜。昔海參崴路尙足與大連競爭。今力更薄矣。惟倭人驕極。長春以北糧石由藏出口者多。因運費稍省也。

南滿名義辨

滿洲爲種族之名。發祥之額多里。寧古塔。及建設興京盛京。國號大清。惟滿洲八旗以滿洲著籍。遼東本爲漢地。清八旗亦編漢軍。自古歷史地理。無有以滿洲爲東三省者。俄修鐵路。因境上無地名。遂名滿洲。日本人着滿洲地誌。遂以東三省爲滿洲。離間滿漢。日俄之役。日本得志於南。遂名南滿。今日省文但稱滿鐵。以圖發展。又指延理一帶爲南滿。以便雜居。吉林西南東南並當其衝矣。

南滿教育品關於鄉土至重

滿蒙地理教授案 地理教材基礎之養成 土地教育教材之研究

滿洲地理歷史概要 鄉土歷史調查 鄉土地理教材 鄉土志細目

重要物產輸出表 泥製地理簡易模型 木製地理簡易模型 工業模型

學校附近諸標本 春季旅行所采植物標本 暑假所采植物標本昆蟲標本

岩石標本 礦物標本

長春小學教員手島氏自製簡易理科實驗法並裝置圖共簡易器五十五件。皆學生能裝能拆能用能仿製者。吉林教員千榮有如此者乎。吉林與此展覽會者。惟甲種農學罐頭食物。然不如日本學生得一技即自立也。

長春不完全發達之原因

日俄戰後長春大有南撫奉天。北控濱江龍江。東引吉林。西拓蒙古之勢。因安東路成釜義相接。奉天四達。吉林緩通。繼四鄭初修。本應自長春西達鄭洮。日人因運貨稍捷。不取道長春。只成丁字形。不成十字形。南滿支路。則自擇其便焉。

第一百零一章 擬修鐵路

吉林鐵路直貫於濱江長春間者。地方因以發達。橫貫於延吉依蘭之間者。兩道均無能利用。於是日本窺伺。擬設吉會鐵路。究以款絀未成。延吉交通。則有迫不可緩之勢。昔督辦吳祿貞。擬設奉延鐵道。於省道雖紆。果能成。則京奉可並稱京延。爲國路東幹。稍加展拓。至於延寧。由延吉。汪清。寧安。至海林站。接近東省路線。至爲便利。惟山路較多。施工不易。延東由延吉。琿春。東寧。至五站。路線較長。於邊防有益。且臨河便於開路。若奉延及由延吉拓至綏遠。名曰延綏。庶完全國路東幹乎。

擬修奉延鐵路線

里數 自奉至延吉。舊有盤道。可通車馬。比吉林至延吉。近六百里。
延吉至西古城九十里。西古城經五道羊義。王家蹕子。至後車廠九十三里。
又至大沙河二十八里。又至四義子五十里。又至兩江口七十里。又至夾皮溝九十里。又至官衙一百零六里。又至黑石義九十里。又至朝陽鎮五十里。又至海龍一百二十里。距奉天二百餘里。

擬修延寧鐵路線

起延吉北。由一兩溝吉清嶺至汪清縣治。北穿摩天嶺。由駱駝嶺子薩奇庫。北穿老松嶺。由陡溝子三家子干溝子至寧安。北接於海林車站。

擬修延東鐵路線

起延吉東。循河流舊道沿圖們江至埤春。循紅旗河至東北境土們子。又

沿瑚布圖河西岸至東寧。又北沿邊界接五站鐵路。

擬修延綏鐵路線

由五站或海林至密山。經寶清同江至綏遠。

輕便鐵路

長春至石碑嶺。運石子川由華偉公司承辦。

圖們江至紅旗河。運木用由督辦吳祿貞創之。

吉林縣學田地。黃川公司租用。

哈埠圈兒河等處。臨時開埠修馬路用之。

第百零二章 道路

吉林道路。卽省城亦尙未盡修。大雨之後。大車來往。亦修之路亦易壞。舊有木路。已多朽腐。小胡同尤污穢。哈埠道裏。十年前俄商方盛垣蕩無異歐洲。歲久失修。凸凹不平。容易翻車。道外各街市。所修馬路。由馬路工程局經理其事。由地主按基地攤派。現各馬路工竣。每丈基址。攤款大洋百餘元。負擔雖重。路權卽主權也。昔年大路置驛站。自設郵政。並廢舊驛。道路益荒。國路省路縣路鄉路。尙未實行。舊日以修橋補路爲善舉。有個人許願或善士歛錢以爲者。今日少矣。堆木攔攤溜馬。挿車妨礙交通者尤多。

省城交通各陸路

- 一由舊站。二台子。大荒地路起屯。西家子。楊樹河子。達東省路之張家灣。
- 二由上貴子溝。大風門。四間房。過營口。常山屯。頭道沙子。至夾皮溝。卽樺甸要路。
- 三由大茶棚。江蜜峯。拉法窩瓜站。珠爾多河。至額穆索。卽省東額穆縣大路。
- 四由馬相屯。官馬山子。白馬夫屯。慶嶺。橫道河子。天平嶺。至官街。
- 五由馬相屯。大岔。雙河鎮。小城子。林家屯。至磨盤山。卽磐石大路。

哈埠電車路之敷設權

哈埠電車之敷設權。本由華商組織公司舉辦。已於上年與自治會訂定草約。嗣因種種困難。有讓與他人之議。美國工師數人。由海參崴來接洽。然地方人民。對於路權國權。莫肯輕讓也。

吉林已開重要道路 行旅多而道不修。惟人力通之。

富饒大道 富錦東南。經同江南之。二龍山。杜家房。駝腰子。二道岡。入饒河境。經頭道岡。至饒河。橫穿松島二流域間。二道岡有小路。由楊木岡寒蔥山至同江。虎穆大道 虎林呢瑪口。西南一站。至穆稜河口。循河岸內向。爲索倫營。蘇爾德。楊木崗。柳毛河。至密山縣治。大柞家台。水曲流溝。下亮子。平安鎮。大石頭河。上亮子。下城子北溝。至穆稜縣。又西經拾馬溝。泰東站。鐵嶺河。七河。至寧安縣。富密大道 富錦南經雙合屯。對錦山。懷德鎮。由對面城。入寶清境。經韓菜營。潘菜營。至密山北境之土山。至密山。密山又有西北一綫貫勃利至依蘭。亦係大道。凡此亦第二次擬修鐵路也。

第二百零三章 黑龍口航路

黑龍江流域延長凡六千六百六十里。俄輪一百六十二艘。貨船百九十八艘。清季已喧賓奪主。蓋咸豐時俄軍艦君士坦丁先入。官輪亞利庫繼之。乘我江上無人。竟上溯松花。由國際河流。侵入內地。俄商自組公司。自設碼頭。測量水道淺深。暗礁狀況。繪之航圖。庚子後始有譯本。深藏郵傳部。無所設施。民國以來。始立戊通公司。海軍艦亦上溯。吾國商人收買俄人輪船者。漸能挽回國權。黑龍江航路在吉省只一小部份。然烏蘇里河航路。及上游黑龍江額爾古訥河航權。均已收回。後之航業者。益當奮勉焉。

黑龍江正流之航路屬於本省者

綏遠 此處近接伯利。下游爲赴廟爾之航綫。支流爲赴虎林寶清之航綫。是以最重。計支綫已通者一百餘里。輪船大者馬力五六百匹。次亦三四百匹。

同江 此處北接黑龍江之航綫。西南接松花江之航綫。北爲國際河流。西爲兩省交界。亦衝要也。戊通公司仍名拉哈蘇蘇。距哈爾濱一千三百餘里。

以上爲濱江赴伯利必需往來之路。自西口子直達廟街。共長五千二百餘里。

黑龍江上流之航路不屬於本省者

西起室韋。爲黑龍江與俄界。額爾古訥通舟之起點。經過各地。

必拉雅 牛耳河 珠爾干 溫河 長甸 伊穆 穆赤千 奇乾河

永安 額拉哈達 洛古河 訥欽哈達 漠河 烏蘇力 巴爾加力

連陰 額穆開庫康安 羅伊昔肯 倭西們 安幹 察哈彥 望哈達

呼瑪 西爾根奇奇拉卡 札克達 霍洛 霍爾沁 黑河 瓊琿

馬廠 奇克特 科爾芬 溫河鎮 烏雲 寶興鎮 佛山 太平溝

蘿北 格興鎮 三間房

黑龍江下游支流航路屬於本省者

興凱湖 百餘匹馬力小輪船。便於來往。

虎林 昔日俄輪來往。今改用華輪。

寶清 將來必可發達。特交通便利耳。

烏蘇里西岸。綏遠縣地。

第二百零四章 松花江航路

松花江輪船上達吉林省城。下游經烏拉街、溪浪河、秀水甸、五顯樹至老少溝。陶賴昭車站與東省支路相接。爲吉林出入衝途。今雖鐵路交通。輪船仍於夏秋行駛。惟冬令不便耳。哈爾濱以下。水深而穩。通大輪船。下連三姓、富錦。或出同江。上溯黑河。下達伯利廟。輪船公司昔有俄人東省鐵路河川輪船部及黑龍江輪船公司。今則戊通公司在哈爾濱設有碼頭。至扶餘俄商輪船多售於華商。輪船多用外輪式。損傷堤岸。今推廣下流直至伯利廟。航行吉林省署亦有官輪三隻。以備差遣。

松花江航路之三區 環流境內。凡三千三百餘里。

一、大營溝至吉林 本區域流於山岳重疊間。江中暗礁極多。尤有著名之五虎石。暗屹江中。平水時埋沒水內。減水時則露其頭部。流速不一。或爲奔流。或爲奔湍。蓋被阻于暗礁故也。在輝發河合流處以上最淺部約二尺。下流約三尺。惟上多岩石。下多泥沙。故吃水稍大之船卽難通。

二、吉林至扶餘 本區域概爲平原。僅在吉林附近兩岸尙有邱陵地。以下皆平

地。江面亦漸寬。惟河中多沙洲。有七八處。普通水深四尺至八尺。沙洲處均不滿二尺。頗礙航行。吉林至白旗屯間。流速稍急。不便航行。以下概徐緩。

三、扶餘至同江 本區域來自平原。至濱江下流。新店附近兩岸已多邱陵。迨至依蘭附近則兩岸皆爲峭壁矣。流速甚緩。最急部每秒不過四尺七寸三。水深在扶餘附近約四尺至八尺。在濱江附近約七尺至一丈。迨至新店因江面逼窄。約及一丈至二丈。至依蘭上流二十五里處有一暗礁。水深四五尺。航行甚險。依蘭下流約七尺至一丈。普通航行江中者。皆吃水四尺之輪船。

松花江流域帆船艇泊地 全江營業帆船共千餘隻

朝陽鎮至吉林間 朝陽鎮 王家渡口 陳家渡口 范家渡口 大鷹溝

小鷹溝 寬河 長山屯 螞蟻河口 吉林頭二三三道碼頭

吉林至扶餘間 烏拉街 白旗屯 紅旗屯半拉山 老燒鍋 扶餘南關

扶餘至同江間 哈爾濱之四家子 王陽河口 三十六棚 呼蘭河口 巴彥

新店 柳板站 螞蟻河口 爪拉山 依蘭 樺川 富錦 同江

第二百零五章 各江河

吉林各江河大致皆北流。如仰孟焉。明設船廠。早已開闢航路。有清繼之。以防羅刹。有御船龍船。備親征也。有輕船戰船。備奮鬥也。有渡船運船。備轉輸也。黑龍江瑯瓊環。卜奎。並有船廠。航路不限於本省各江河。然本省江河多。松花江支流。若牡丹江。則稍大焉。烏蘇里河。則黑龍江流域也。其他綏芬圖們二江。下游東隅已失。航路亦梗。遼河流域。在吉省者。尚爲細流。頭道二道之江。拉林阿什伊通之河。設治所在。恒通小舟。亦不失爲僻壤之交通也。沿河漂散木排。准由原主認領。以恤商人。

松花江支流

頭道江

二道江

拉林河

阿什河

伊通河 其支河有驛馬河。支流亦多。上游雙陽河口。有宋船口。

牡丹江

牡丹江可航區域。自寧安至掖河間。不過六十里。航行容易。寧安以上。至鏡泊湖。

約四百里。間水流奔湍。且多岩石。難以通舟。掖河以下。多爲漁舟往來。間有自寧安載客之槽船。順江而下。至依蘭者。但水流過急。流下卽不易歸。寧安附近水深七八尺。掖河附近約丈餘。水底平坦。無暗礁。故水流雖急。航行亦頗安全也。

輝發河

上源在奉天。水甚淺。境內通航者。自朝陽鎮至河口。約二百里。此流域盡爲山地。故兩岸多絕壁。會大支流四十餘。水量不讓松花江。在朝陽鎮約深三四尺。在官街附近。自六尺達一丈。河底爲石質。流速亦急。

烏蘇里江航路

自伊滿碼頭至伯利間。因有輪船往來。故帆船絕少。自伊滿碼頭至上流松阿察河。則帆船頗多。二牌五牌六牌等地。皆其碇泊地。其帆船之數。較龍王廟至伯利者約差百餘支。此船長三丈。寬七八尺。約積載三萬六千斤。每船有帆檣二。無風時則於岸上牽纜。昔日虎林等縣航路皆爲俄人所占。今幸收回。航商對外務自籌發展也。

第二百零六章 郵政

吉林郵政。當日俄交戰以前。重要城市。皆設俄郵。戰後次第收回。而鐵路沿綫。尙未盡撤。自俄國分裂。東路收回。濱江道尹兼哈爾濱交涉員董道尹。奉交通部令。布告從民國十年。始中東路沿綫。與萬國郵政連絡。無設立俄國郵局之必要。該局應即全行撤回。此吾國獲助於萬國郵務會議之成績。通過於國際聯盟。吉林原有台站。馳遞公文。民國以來。早經裁撤。改設郵政。凡各縣城。必有郵局。至僻者。亦有代辦所。省城之總局。則在河南街云。

吉林人民對於郵政之狀況

郵票 各縣現大洋缺乏。且不通行。用官帖折合現大洋。實有餘利。時常抬價。郵員利於收官帖。不利於收國幣。不肯找零。

時間 外縣郵局。營業時間。開門比商家遲。休息比商家早。商人甚感不便。

手續 郵局兌款。及取包裹。手續頗繁。鄉人久待。再三乞呼。以爲洋派。

送信 住址雖遷。必訪明轉送。不致遺漏。

吉林郵政局之分等

- 一等 吉林 長春 哈爾濱
二等 延吉 依蘭 各大縣多立二等局。
二等 六道溝 一面坡 石頭城子 張家灣 官街 皆衝要鉅鎮。
三等 德惠 雙陽 樺川 濛江 各中縣不當衝要則設三等局。
三等 下九台 陶賴昭 佳木斯 凡要鎮地方發達亦設三等局。
代辦所 烏拉街 天寶山 新甸 凡街市鑛場碼頭必設之。餘爲鄉樞。

吉林通行之郵

- 北路 由烏拉榆樹阿城賓縣至江省木蘭 東北 烏吉密同賓方正至通河
南路 由官街至濛江 西南 由雙陽伊通赫爾蘇入奉天境。
東路 由額穆敦化主延吉分理春汪清和龍三支。汪清北通寧安海林。
西路 由陶賴昭分路至扶餘。張家灣分路至農安 石頭城子至長春嶺
長嶺一縣郵路與奉天犬牙相錯云。

第百零七章 電報及電話

吉林電報。自清光緒十一年十一月。北洋大臣李鴻章會同將軍希元。奏設吉林電綫。以通邊防消息。於是設電報局於省城。而琿春。寧古塔。伯都訥。亦各有所設。猶之分局。而不名分局。以有司事無委員。蓋限於經費也。民國以來。直隸於交通部。各設局長。而總於電政監督。至於中東鐵路沿綫。而有俄人電局。今已收回。惟中日協定軍事之後。日人在延吉設電綫。如琿春至慶源。六道溝至局子街。六道溝至頭道溝。各綫。當協定取銷後。久未取銷。尙煩交涉。長途電話。省城長春。農安。長嶺。已設之。

幹綫 名曰北京東三省綫。由京奉沿綫來至長春。

由長春至經伊通。至吉林省城。北經榆樹。雙城。至濱江。北經呼蘭。龍江。至琿春。

支綫 共分三綫。今增一綫

由吉林東通寧安。琿春。延吉。此路由省至寧。由寧至琿。分路至延。與吉會路迥異。

由濱江東通依蘭。同江。沿江設局尙多。今沿鐵路綫已收回。

由榆樹西通扶餘及黑龍江之大賚肇州。

電報局原章多用舊名今仍之

阿什河 寬城子 方正 富克錦 伯都訥 琿春 三姓 伊通 佳木斯
郭爾羅斯 拉哈蘇蘇 寧古塔 農安 額木索 磐石 賓州 哈爾濱
雙城 小城子 新甸 德墨利 延吉 榆樹 樺川 長嶺 雙陽 伏龍
泉 萬里河洞 一面坡 橫道河子 海林 穆稜縣 綏芬河 掖河 下
九台 汪清

電報章程各局未分幹路枝路亦未分等第就原文錄之其應注意各地如左
新甸 賓縣近江對岸木蘭縣由此轉電 德墨利 方正對岸通河縣轉電
佳木斯 樺川對岸湯原縣由此轉電

吉省電話局 省城電話局號數不多。通話頗捷。官署機關用者多。商戶惟大商有
之。紳戶甚少。長春則須中日兩機並設。濱江則華俄兩機並設。商家乃便也。

吉省電燈局 省城電燈光度十倍於北京南昌。但常添燈頭。不加電力。應防患於
未然。長春燈中日亦分兩局。濱江則昔在俄今收回。延吉亦自辦。

第十九篇 縣治

第二百零八章 吉林縣

吉林縣治。東經十度二十九分。北緯四十三度五十分。土名船廠。爲吉林行省行政長官所駐。在京師東北二千三百零五里。原名大烏拉。即烏拉國。故城在省東北烏拉街。昔有烏拉打牲總管衙門。唐時渤海涑州地。遼金爲寧江州旁境。明初爲烏拉衛土門河衛地。明季屬扈倫族之烏拉部。清康熙十二年修吉林城。僅有將軍一員。雍正四年設永吉州。隸奉天府尹。乾隆十二年罷州設理事同知。屢將軍管轄。光緒八年升府。民國二年改縣。東至舒蘭。額穆。南至樺甸。西至雙陽。北至德惠。號首邑焉。

縣治 當松花江之曲。清光緒三十一年開爲商埠。東西十五里。城形橢圓。長七里。設九門。城內外約二十餘萬人。城內街衢縱橫。烟戶稠密。富商大賈。居者尤多。商業富厚。在奉天之上。

物產 烏拉街有前清取東珠之禁地。近樺甸額穆界產。木稅則以夏秋爲盛。缸窰產缸。出煤。若杏山。柳樹屯。芹菜溝。葦子溝。楊木林。哈哈瑪屯。雖一屯亦有特產。

教育

縣城高等小學。烏拉街兩校。成立較早。凡籌設高等小學校之地。如缸窰木

石河。巴虎屯。胡家屯。樺皮廠。一拉溪。三家子。二道溝。南官地。西官地。旺起屯。泡子

沿。吳家沿。國民學校。成立亦較早。其他二百三十校。學生萬人。亦易辦。

戶口

七萬七千九百六十戶。五十六萬七千五百六十九人。

實業

吉林附郭之地。不但烏拉缸窰。樺皮。以業自立。餘如燒鍋屯。岳家。張家。油房。

石廠屯。石灰窰子。大糖房。小糖房。牛廠。蜂蜜營。大茶棚之類。足見舊日分業。無異

歐美。墾地四十萬畝。產糧每畝三石。林區三百方里。尤爲利源。

鄉鎮

烏拉街爲縣北第一大鎮。東北缸窰。西北樺皮廠。皆專設稅局。比於列縣。今

樺皮廠移。至下九台矣。上河灣。大葦子溝。亦接柳邊。若東鄉。尤家屯。雙岔河。西大

水河岔路。河南鄉之雙河鎮。附近省城。居民稠密者。易於成市。

交通

輪船火車。今已便利。然東通延吉。仍取道於額赫穆站。西向雙陽。伊通。仍取

道於寬登站。依勒門站。北有金珠站。通烏拉街。南有大三家子。通漂江。陸路仍當

修爲省道。

第百九章 長春縣張雲凌

長春縣治。東經九度五分。北緯四十三度五十一分。在省西二百四十里。東至吉林。南至雙陽伊通。西至奉天懷德。西北至農安。東北至德惠。遼黃龍府地。金濟州地。明兀良合部。清內蒙古郭爾羅斯前旗地。嘉慶五年。因墾民日衆。置長春理事通判。設廳治於新立屯。道光五年。移治其北五十里之寬城子。光緒八年。改撫民同知。十五年。升府。民國二年。改縣。爲東遼河之平野。濱伊通河上游。日本車站在頭道溝。中東鐵路。吉長鐵路。亦往頭道溝銜接。地方繁盛。商務發達。工人憤外人之僭。鐵行百家。自組公會云。

縣治及商埠 有六門。城內以三道街爲盛。道署在商埠。鎮守使署。縣署。審檢廳。皆在城內。四道街。警察廳。在城北。商埠以三四五各馬路爲最繁。二馬路尤爲稠密。電燈廠在城外商埠。華人自辦。頭道溝係日本人辦。電話亦分爲二。城內商家。有安設兩電話者。頭道溝用自來水。城內無之。居民約十三萬。貿易額歲數千萬兩。物產 糧食有餘。各縣所聚者尤多。輸入大連營口。無北運者。燒鍋亦多。至十餘家。森林不多。柳樹亦小。菜蔬種類。較他處完備。商埠公園。薔花頗蕃。

教育 全境學校八十一處。增設三十六省立各校在外。縣立高等小學校。女學。設備完全。有半日學校。私立各校。以王琳所立自強小學所最。附自強工廠。有職業教育精神。手工成品極優。捐資者以工商起家。力求實用。又有竟成益華二校。

戶口 五萬七千四百二十三戶。四十六萬九千八百六十三口。

實業 有官銀號。中國交通。東三省銀行。又有惠華銀行。益通銀行。均係商人營業。外國有日本正金。正隆。朝鮮皆彼國經營。日商另有實業商業銀行。日商有火磨。二華商。三日本。又有油房。二規模極大。華商小油房。悉爲所併。又有燐寸社。二處。鄉鎮 原分裕生。裕民。裕國。裕信。裕忠。裕順。恒清。恒慶。恒康。恒泰。恒和。恒平。恒昇。恒富。恒豐。撫來。撫遠。撫綏。撫順。撫靖。安大。安道。安定。安懷。安樂。安仁。沐澤。德。德濟等鄉。德安鎮。來遠鎮。最富庶。太和鎮。恒平鎮。亦殷實。

交通 吉長中東南滿中樞。陸路經放牛溝。波泥河子。段家屯。大水河。以達吉林。西經八面城。至同江口。及法庫。至今猶通車運。東門近臨伊通河。商埠之龍王廟。近船碼頭。

第一百十章

伊通縣徐庭達

伊通縣治。東經九度六分。北緯四十三度三十分。東省西南二百八十里。當伊通河西岸。東至雙陽磬石。南至奉天海龍。東豐。西安。西豐。西至奉天昌圖。梨樹。懷德。北至長春。金爲威平路。元因之。明爲達喜穆魯衛。伊屯河衛地。後爲扈倫族葉赫部地。清嘉慶十九年。設分防巡檢。光緒八年升州。民國二年改縣。伊通本一統之訛。柳邊之一統門。訛爲伊通門。設州以後。人才輩出。齊氏爲鉅族。兄弟同時爲江浙省長。地方農民殷富。子弟喜讀書。多貢。簽京師云。

縣治 舊無城垣。清光緒十四年始築土城。磚砌梁口。周約三里。牆高三丈。門四。東曰省耕。南曰昭文。西曰承恩。北曰會極。池深二丈。闊三丈。城內以十字街口爲最繁盛。縣署在西門裏。警察所相鄰。火車未通以前。本爲通衢。自火車不經縣治。日漸蕭條。連年兵匪交乘。商況益困。

物產 農產大豆高粱穀類爲最多。由南滿線輸出大連營口。工藝品以挂麵爲著多。烏拉油鞋亦堅韌耐久。又有軍用襪鞋。布面布底。出品亦多。

教育 縣立女子師範講習所已停止私立國民學校較多。縣立高等小學校設備完全。專設女子國民學六。城內有圖書館。所藏舊書甚多。城內有乙種農工學校。簡易師範模範小學。各鎮皆有高等小學云。

戶口 二萬五千五百零四戶。十九萬六千八百六十口。

實業 官銀號在城內。今撤。錢行原有裕通銀行亦倒閉。全縣燒鍋僅止兩家。煤礦不少。已開闢二處。均華商自辦。當舖城內及四台子各一家。各市鎮日本人小押。當兼札嗎啡。本地已開煤礦。有沙河子。放牛溝。四台子。四角山。磨礮青。半拉門等。鄉鎮 昔年大鎮。皆沿大道。若大孤山鎮。赫爾蘇鎮。伊馬丹鎮。葉赫鎮。皆爲鉅埠。今葉赫城尙周圍五里。頹壞久矣。因俄人所勸鐵路。不由大路。是以各鎮一律蕭條。惟鄉民居附近者於此交易。四台子逢一四七爲市。餘亦十日三市云。

交通 自縣城經靠山屯二十家子。至公主嶺。接南滿鐵路。由雙陽河。長嶺子。岔路。河。一拉溪。大水河。達吉林省城。奉省西安等縣。所產糧石。赴公主嶺銷售。經過伊通。火石嶺。原擬徵稅。今免稅矣。

第百十一章 濛江縣

濛江縣治。東經十度四十六分。北緯四十二度二十六分。在省南三百六十里。當珠子河北岸。東至奉天撫松。南至奉天臨江。西至奉天柳河。輝南。北至韓甸。西北至磐石。金爲舍音水之完顏部。明鄂爾琿山所。明季屬訥音部。清初爲封禁地。光緒三十四年置濛江州。民國二年改縣。有華森公司。係中日合辦。采濛江木植。是以專設濛江林業局。其駐省城公司。在糧米行。地近山而礮瘠。熟地每响二元。荒地每响一元。地價在吉長道屬爲最低。

山脈 斐德里山爲長白西北大支。三岔嶺二岔嶺並險阨。南有五金頂子。北有四方頂子。西有七個頂子窟。頂子皆高峯遠舉。正北那爾轟嶺盤亘一方。

水系 松花江之頭道江。爲縣鉅流。濛江乃其支流。當縣治之南。所匯三源曰三道濛江。及板石河。珠子河。入松花江。其兩頭二三道花園河。入江支流繁多。

物產 山產木植牲畜並盛。森林帶及鴨綠江之尾。由撫松縣連接而成。赤松亦多。橫亘於縣之東北。山地多種玉蜀黍。河濱平地乃種小麥。

教育 全縣學校。惟縣立高等小學校在城內。珠子河南。以車牌捐爲的。木植山分補助。次年設城內珠子河北。及頭道花園兩國民學校。今年城內始設女學。榆樹川那爾轟始設校。明年湯河雙陽始設校。四年共籌設七處。

實業 華森公司而外。人民自營木植者亦多。因運道便易也。三道溝之煤礦。東北岔沙河之金礦。皆蘊藏深厚。農民皆自奉天轉移而來。伐木勞工。多山東新到商人。惟依山貨而已。

鄉鎮 倒旗河。批州口。子。屬第二區。二道花園。榆樹川。公安鎮。屬第三區。那爾轟。上營鎮。亦人烟繁盛。二道花園爲赴撫松大道。是以頭道花園在其北。三道花園在其南。僻居鄉里。臨河自築花園。亦有樂趣。其間有珠寶河。風景亦佳。湯河口之水暖宜浴。

交通 自縣東北行二百里至官街。正中當森林密處。已通郵路。北九十里至橫道河子。逾輝發河。又北九十里。至南三家子。又北四十五里。至口前屯。又北四十五里。至省城。冬令五日可達。西距奉天輝發一百六十里。郵程兩日可達。

第一百十二章 農安縣

農安縣治。東經八度五十五分。北緯四十四度三十分。省西三百八十里。古昔爲扶餘國境。及唐渤海大氏改扶餘府。遼太祖平渤海。次扶餘。黃龍見於城上。更名黃龍府。迨金太祖自將攻黃龍府。乘馬渡水克之。乃改濟州。旋改隆州。又改隆安府。隆安仍平遼之故名也。遼志云。龍安城在一禿河西。周七里。門四。址尙存。旁有塔。亦名農安。是以龍安訛爲隆安。復訛爲農安耳。明初爲伊通河衛旁境。尙稱隆安。清爲內蒙古郭爾羅斯前旗地。光緒八年設分防照磨。十五年置縣。今縣治稱農安。而塔則仍稱隆安也。

疆域 東至德惠。南至長春。西至長嶺。北至本旗。東北至扶餘。

縣治 俗名龍灣。舊有土城坍塌不齊。周約七里。清光緒十六年重築土牆。門四。東曰聚賢。南曰阜財。西曰寶積。北曰衛藩。又作藏富。水洞門三。上蓋木板。池深一丈。人口約一萬五千。城內繁盛。自南門至北門。規模頗闊。市街整備。巨商多聚於此。物產 農產完備。豆有黃白紅綠黑五色。莖豌豆扁芸五種。麥有大小蕎麥。鑊之別。梁有紅白二種。黍爲小米。稷爲糜子。米包穀玉麥。即棒子。出產紅梁爲最多。

教育 縣立高等小學二校。一在縣城文廟。二在靠山屯。女子高等小學校在城內。各區大屯鎮。已設國民學校。每區先立一處。有推設他屯成二三校者。私立小學亦改良。學童三萬餘。入學者三千餘。歲支四萬一千七百三十五元。

戶口 三萬五千五百三十七戶。二十八萬七千七百零八口。

實業 商稅十七萬元。而農賦三萬五千有奇。烟酒稅二萬四千有奇。奢侈亦重矣。鄉人擔負地方稅多至九種。農會取之於响。捐商會取之於營業。實業捐又取之於响。捐糧捐屠捐車捐馬牙捐。農家一鋤。歲收團捐四十吊。

鄉鎮 一區在城內。二區榛柴岡。三區老爺廟。小葦子溝。四區小城子。黃花崗。五區鴨兒汀。六區則有靠山屯。最富庶。七區哈里海城子。八區麒麟山。九區大崗。十區伏龍泉。尤爲繁盛。十一區巴吉里。

交通 省西北三百八十里。自南門至長春約百四十里。自西門至奉天懷德約百六十里。郵路東距東省鐵路張家灣車站百里。出入極便。緩行兩日。則中有郭家店。距兩端各五十里。西南路通架格蘇台。郵信三日到省。電報電話二小時。

第百十三章 長嶺縣

長嶺縣治東經七度四十分北緯四十四度三十四分在省西北五百十里土名長嶺子。唐渤海長嶺府地。金博索府旁境。明伊屯河衛旁境。清內蒙古郭爾羅斯前旗地。光緒初農安縣分防主簿駐此。三十四年以新安鎮迤北新墾旗地並析農安縣西境置長嶺縣。今仍之。東至農安。南至長春。西南至奉天雙山。西至科爾沁左翼中旗。西北至安廣開通。東北至本旗。出境貨物最易漏稅。一入奉境即無從稽查。全境無大山大嶺。有長嶺不長之諺云。縣治不足二千戶。全境二萬二千五百餘戶。十七萬九千餘人。

山脈 邱陵起伏。縣東之馬鞍山。縣西之對龍山。排山子。縣南之太平山。剛山子。胡家嶺。點綴平原中。毫無林木。近三年尤多亢旱。

水系 平原無河流。縣北有十二泡子。爲積水之地。古大今小。其南有小沙漠橫亘。亦古之泡子水竭者也。無溝渠洩水。雨澤偶多。又容易成水災。

物產 老牛圈爲畜牧牛馬之地。牲畜輸出亦爲大宗。糧食出產。以縣南爲盛。葦子河出葦子。亦供薪。秫元豆紅梁各有三萬石輸出。多在奉天懷德二三站銷售。

教育 縣立高等小學校。女子國民學校。縣立國民學校。三處爲優。十一區各設國民學校。一全境學齡兒童三萬四千餘。入學者僅一千四百餘。按人口十七萬九千計之。萬人中學生八十一人。歲入不足萬元。用不敷。逸犯曹振邦地。充作學田實業。縣境蘇家粉房。張家燒鍋。鮑老燒鍋。自成大市。其餘若大利恒玉盛魁。皆以商店招牌爲地名。于家爐亦表示其工業。縣治鄰近郭爾羅斯前旗。可通蒙古之交易。新安鎮亦可爲東蒙大埠。則吸收蒙古之牲畜。轉發內地之綢緞布疋。亦邊縣互市自然之利也。近年荒稅重。農人無力納賦。有棄地舉家遠徙者。

鄉鎮 鎮市不盛。二區東大利拐。三區之拉拉屯。生雜屯。四區之利發盛街。五區之新安鎮。七區之張家燒鍋。八區之八十八屯。九區之二龍梭口。十區之北正鎮。十一區之華興鎮。最爲繁盛。三區之龍頭山子。亦漸開通。

交通 郵路五日到省。由奉天懷德八寶湖。北來至新安鎮。又北六十里。至縣城。北至華興鎮。東至順山堡。西由南平鎮。北正鎮出奉天界。連於開通縣。以達洮南。商人運南鄉貨物。南由新安鎮可赴遼源。縣城有電報。又有電話接伏龍泉。通省城。

第一百十四章 舒蘭縣

舒蘭縣治。東經十度五十分。北緯四十四度十四分。在省北一百十里。土名朝陽川。東至額穆。南及西至吉林。北至榆樹五常。明阿林衛地。清康熙二十年設巴彥鄂佛羅防禦旗員。管轄此處採捕事宜。仍屬烏拉總管。宣統二年。析吉林府北境之舒蘭站地。置舒蘭縣。今仍之。舒蘭者。滿語果實之意也。地半山榛。人民稀少。與吉林首縣接壤。境內之上等熟地。價格不如吉林最下等熟地。官價熟地每晌六元。荒地每晌三元。猶兩倍。榛甸。三倍濛江也。

山脈 蘭陵嶺自東亘南而西。分爲秋干嶺南北慶嶺各大支。縣之東境多爲山地。縣西皆支麓小山。

水系 舒蘭河爲西境松花江小支流。縣治棒槌溝。西北流入榆樹縣界。縣東暴馬川。自小城子下經水曲柳岡至小河屯北入拉林河。

物產 各種糧石各油最重。烟蘆亦有之。草葦蒲包。掃。生皮。生毛。缸瓦器具。並供日用有餘。煤極多。省城號爲江東煤。

教育 縣立模範高等小學附國民學校已招足高小三班國民四班年級易於整齊。且本校國民另組女生一班。實行男女合校。縣城學校最有系統者。名鄉鎮市每蒙設國民學校一。大村屯亦成立甚多。人多者亦添班不添校。以免凌亂。

實業 農工商鑛皆守舊日土法爲多。地大人稀。土壤中肥料多。播種易穫。森林自昔已盛。不待培養。即收伐木之利。工作粗笨。器具樸而耐久。商人向未入商校。經驗優於學術。開鑛無大資本。則土法投資少而易集也。

鄉鎮 法特哈門向爲省北大站。溪浪河亦水陸要衝。小城子街。略具市況。水曲柳岡。當大路薛家屯。烟筒礮子。居民漸盛。大白旗屯。小白旗屯。臨江濱。下汪屯。大孔子屯。頭台屯。腰窩子屯。大東溝。雙印通屯。烏金屯。蒼石屯。邵家屯。申家屯。潘家屯。口子屯。四合屯。黃芪屯。前亮甲山。神樹底。珠琪口。天德盛街。有首縣各鄉村氣象。

交通 陸路距省三日程。自縣西南四十五里至缸窰鎮。又西南五十里至烏拉街。急行一日亦可達。又南四十五里至九站。又二十五里至省。則一日程。途中市鎮既盛。旅店食宿較安。覓車馬亦便。溪浪河通小輪船。

第一百十五章

樺甸縣 松江吳繼光 韓邊外傳記

樺甸縣治。東經十一度七分。北緯四十三度八分。在省東南二百七十里。東至教化延吉。南至奉天。安圖撫松。西至磐石。北至吉林。額穆。西南至濛江。金爲赫舍哩部。明爲法河衛。後屬白山國之訥音部。清初列爲封禁地。同治間有山東人韓効忠移墾於此。土名夾皮溝。庚子時俄人覬覦其地。其孫登舉守險敗之。奉省因在柳條邊外。故爲韓邊外。光緒三十四年。以其地置樺甸縣。因縣北有樺皮甸子故名。今仍之。韓氏子孫至今猶居故地。風氣强悍。恃險以爲固。重山疊嶺。距省雖近。交通仍感困難云。

山脈

慶嶺

由橫道河子入省之阨塞。

平嶺

由八道河子入省之阨塞。

大嶺

由常山屯入省之阨塞。

水系

漂河

爲臨松花江第一繁盛之碼頭。

教育 國民學校區立四皆爲單級私立七亦多級縣立高小學校一亦未辦理完全。近於省城與首縣鄰而學生家富萬金無一來省升入中學者。可見酋長專制之地不可與言學。大似土司歸流氣象。

實業

參市 大陰溝爲收稅總機關。白露以後。卽定參價。

烟葉 漂河爲黃烟出產集會之所。霜降後運省甚多。

麻 多結麻繩織麻袋。

鄉鎮 天平嶺橫道河子。集廠子。四岔子。漂河。紅石褶。六區要鎮。地點適中。溝市在夾皮溝最高處。塵市羅列。最盛時有戲園二處。交易悉用金砂。近年溝老砂殘。惟附近大林子。地窖子。沐其河。紅石褶子。周百五十里。所轄萬家。自成一團云。

交通 溝口路反灘險。萬衆無用。夏秋森林被野。即飛機亦難下矚。從松花江之葦沙河口登陸。循溝以進。如陟層梯。故丈名加級溝。松花江上游船甚少。自縣至省。冬日駛扒犁最便。

第一百十六章 磐石縣

磐石縣治。東經十度七分。北緯四十三度一分。在省西南三百五十里。東至樺甸。東南至濛江。南至奉天海龍。輝南。西至伊通。北至雙陽。吉林。金回。霸路之尼瑪察布。後爲回霸國。明爲扈倫族之輝發部。清初南境。屬奉天圍場。光緒八年設磨盤山巡檢。十三年。裁設伊通州同。二十八年改設磐石縣。今仍之。特產銅鑛。冠於全省。辦實無大效。然土壤膏腴。生聚之盛。比於首縣。近接奉天。風氣早開。卓然爲省南第一大縣。鄰境或遠不能及焉。

山脈 境內山脈橫斷。特無奇險。足憑而旅行殊阻。山藪藏慝。疲於守望。松咀嶺銅鑛。當磨盤山之北。東有官馬咀鉛鑛。西有集廠子鉛鑛。是以銅脈不長。

水系 輝發河自奉天會羣流入境。明季輝發部之故城。已畫入奉省地界。河上有煤鑛溝。縣城有當石河支河之北。東流入樺甸。北有驛馬河流域亦廣。

物產 黃烟最盛。爲來省貨物大宗。利重於種糧。其次則糧食亦有餘。山獸河魚。足供自食。

教育 縣立高等小學二女子高等小學校一模範小學男女合校均在城內十鄉次第推廣烟鎮三校四班不能合而爲一其他亦市鎮向學者比鄉民爲較多變賣城北學校園購第一國民校舍

實業 縣境所以富庶實緣南接海龍北接吉林省城在火車未通時奉天吉林行旅或取此道焉是以縣城及小城子均爲電線所經設有電局農產所集商市亦亦興若能發展銅鑛廣鑄銅元收回官帖小洋票則不止磐石地利發達全省亦安如磐石矣

鄉鎮 共分五鎮惟烟鎮民戶富庶分十六鄉敏行之林家屯螞蟻咀呼蘭鄉朝陽鄉黑石鄉首鎮同名寬厚之蛤蟆河忠義之烟筒山文會之吉昌鎮皆繁盛其餘信義敏學寬客恭行信立惠普敏事信誠寬裕各鄉亦有小市集

交通 縣城當省城正南而正北不通郵路偏西烟筒山西北吉昌鎮二路並可達雙陽縣以達省城冬日大車趨捷徑者則由烟筒山至雙河鎮焉西出朝陽山達伊通南距海龍尤近

第一百十七章

雙陽縣 陳永奉

雙陽縣治。東經九度四十二分。北緯四十三度四十分。在省西二百里。濱雙陽河。土名蘇幹延。滿語濁流也。遼金爲寧江州。旁境明爲依爾們河衛。蘇完河衛。清吉省未置郡縣以前。西傍柳邊。與郭爾羅斯前旗接壤。宣統三年。分吉林府岔路河以西地。南抵磐石。北至長春。西及伊通州各舊界。於雙陽河地方。設立縣治。卽名曰雙陽縣。生聚逾二十一萬有奇。清明植樹。限定縣城商民。各於門前植楊柳一株。於是沿街有樹。不讓京師大埠矣。

山脈 東山距縣街咫尺。土山巍起。其上平坦。北連誠壽古剎。東西南三面。逼近雙陽河流。天然佳境。旣闢爲林區。並於餘地作公園。建草亭。植花木。

縣治 近臨河濱。無城郭。街市東西長二里。南方較爲繁盛。居民八百家。商店多在南街。以運豆爲業。中街則雜貨當商。縣署在東端。

物產 全境有石灰窑三十餘座。煤窑三座。糧食以大豆爲多。其次高粱。並特產大米。河水盛時。產鱉。南山亦出野獸。鹿則變爲家畜。每頭值大洋三百元。

教育 公立國民學校十六。共四十一級。縣立半日學校一。亦多級。私立國民學校二。學生合計七百一十八人。縣立高等小學。女子高等小學兩校。學生共七十八人。全年支用學費。四萬四千六百四十一吊。

實業 板橙窰棚距縣北百里。出磁土。有磁窰二家。所出粗磁碗。適於農家之用。價廉而銷售多。亦能作細磁。所銷不及粗磁之得利。燒商五六處。當商三處。雜貨商百餘家。

鄉鎮 烏龍泉。新安堡。商旅漸集。最爲繁盛。烏龍泉在縣北六十里。新安堡與之相接。縣北范家店。生意稍小。縣東有長嶺子。爲鄉民交易所。舊五里河子次之。縣西有奢嶺口子。與長嶺子相埒。小河台有完顏將軍古墓。倭人藉採煤爲名。發之得金龜玉珮寶劍三種。以去。土人以石櫛爲廟宇云。

交通 原係官奉大道。入京所必由。今陸路三站。自縣入省。一日至伊塔門。二日至吉林之蒐登。三日卽至省。三水均上源細流不通船。小河台有倭人運煤。輕便鐵路。自縣入京。則取道長春爲多。

第一百十八章

德惠縣劉爽 張蔚華

德惠縣治東經九度五十二分北緯四十四度三十一分在省西北三百六十里土名大房身東至榆樹南至吉林西至長春北至扶餘清以前之沿革與農安同嘉慶以後地隸長春後長春日見繁盛且府治稍偏西宣統三年卽於其東添設一縣劃分懷德沐惠二鄉以及東夾荒沿江各地設德惠縣雖係蒙荒縣城無蒙古人縣境無蒙古屯惟地租之租子櫃有蒙古人二人主持其間全境開闢十九萬晌地價每晌須現銀百兩以上比於內地。

縣治 原係集鎮無城郭每逢雙日一集街長東西五里南北止一里背負山岡綿亘頗長前臨小河溝一道官署多在東端商店多在西端有商店六七十家本地人而外有山東河南人並回商數家無公園游玩亦無戲園妓館風俗醇厚飲食店五六家略已加增云。

物產 雞卵爲張家灣出口大宗營業者三十餘家猪鬃馬尾聚自蒙荒者尤多羊亦剪毛出售黃鼬皮亦多糧食有餘出口以豆麥爲多高粱次之。

教育 國民學校。區立四十三。私立一。高等小學校。縣立私立各一。女學中輟。張家

灣亦設高等小學一校。學生共二千一百十七名。學齡兒童四萬以上。

戶口 二萬一千一百七十戶。男十六萬一千八百人。女十五萬五千人。

實業 舊日油房最多。所榨主要者爲豆油。次爲蘇油。麻油。燒鍋。在城內在二家。各

鎮亦一。二家。油房則大村亦有之。磨房粉房豆腐房。但供本地民食。冬季有糖房

用食芽甜穀造成。亦供本縣年貨大宗。其他金木工匠之類。多守舊法。

鄉鎮 下九台地當鐵路要衝。張家灣爲農產所集。均開放商場街基。已經領畢。地

皮日昂。老少溝爲松花江第二鐵路。昔日吉長未通之時。吉省官紳來往。取道江

輪者。皆於此上下。其外東南之南城子。西南之大青嘴。其小者若木石河。雙廟子。

十二馬架子。亦有小貿易車站。鎮市日僑百餘人。俄僑四百餘人。

交通 縣城陸路至張家灣。相距四十里。皆用轎車板車。至長春。每日有三次開車。

張家灣距長春四站二百四十里。由長春改用吉長至省。凡居南鄉者。則取道吉

長路。下九台。營城子。東鄉。取道於江輪。朱家船口。北鄉。取道於老少灣。亦通火車。

第一百十九章 濱江縣

濱江縣治。東經十度十一分。北緯四十五度五十四分。在省北五百八十里。濱江道道尹駐之。東至阿城。南至雙城。西及北以松花江與黑龍江呼蘭爲界。金爲上京會寧府西北地。元墟其地。屬之碩達萬戶府。明爲岳希衛阿實衛地。清宣統元年置濱江廳。同知。僅治傅家甸一隅。面積數十里。嗣析雙城東北境隸之。民國二年改縣。俄人市政。今已收回爲特別區。倭人商肆日增。且不吝巨資。購買土地。俄界電燈廠及巨大麵粉廠。均由俄人轉售於倭人。市上俄貨幾絕迹。而以倭貨代之矣。

縣治 土名哈爾濱。今仍用爲商埠之名。在宋通鐵路時。不過江濱荒地漁村數點。嗣俄人以其當滿洲鐵路之要衝。又扼松花江航路中權。爲水陸交通要地。經營不遺餘力。並駐以重兵。稱爲東方聖彼得堡。分爲七區。日新市街。舊市街。埠頭區。軍隊區。病院區。五區皆鐵路公司所經。惟傅家甸四家子。爲中國街。人口五萬。今圈兒河又設開埠局矣。江堤碼頭。西自俄界起。迤東接戊通公司碼頭止。其間除郵船局海關外。作風船商輪碼頭。地窄船多。今准威宏兩輪碼頭。間時亦可停卸。

教育 縣立高等小學校。在城內者男女各一。乙種商業學校。在太古街。農業學校。在田家燒鍋。四家子國民學校有學校。園模範小學。則在十字街。

實業 火磨公司極多。釀酒之大燒鍋。製油之大油榨。以及製革各工並盛。金融則有官銀號。英美日俄皆有銀行。中交東三省三行。皆發行國幣。自道裏俄人衰挫以來。四家子開埠後。商業中心。已移回華界。

戶口 哈埠號四十萬。華人十八萬。俄人十四萬。舊俄居多。大俄多官吏軍人。小俄多商人。餘則猶太人五萬。挨斯脫尼阿人。荷落撒斯人。韃靼人。波蘭人。崔幹人等。鄉鎮 城大鄉小。是以無鉅鎮。各屯農商并。富萬家窩堡。田家燒鍋。趙家窩堡。閻家岡。昔一家孤村。今過於僻縣小鎮。前後興隆溝。八里堡。柞樹林。蔣花屯。各地方。亦各具富庶景象。

交通 車站在秦家岡。東向海參崴出海。西向滿洲里通歐洲。南向長春通南滿。京奉。以此爲樞紐。朝鮮義士安重根。刺日本統監伊藤博文於此。臨松花江有碼頭三四家子泊船八十六。正陽河口及三十六棚。各泊船三十四。

第二百十章 扶餘縣

扶餘縣治。東經八度十七分。北緯四十五度十五分。在省西北六百里。古爲扶餘國地。遼爲達魯噶布。金元肇州地。明爲三岔河衛。後被蒙人侵領。清初撫定蒙人。設伯都訥站。康熙時設伯都訥副都統。雍正時設長寧縣。乾隆時改設州同。又改巡檢。又改辦理蒙古事務主事。嘉慶時改設理事同知。光緒三年移治孤榆樹。旋改撫民同知。後升府。易名新城。遷治伯都訥。民國二年改縣。三年改名扶餘。東西最廣處二百七十七里。南北最長處一百八十八里。面積四萬餘方里。地勢平坦無大山。惟接近蒙古。土質較薄。疆域。東至雙城榆樹。南與西以松花江接郭爾羅斯前旗。北以江接黑龍江肇州縣治。街市整齊。工商繁盛。警察所在。西首濱松花江。西有月江樓。東有望花亭。遠眺平平野。俛視江流。春夏遊人頗多。

氣候 夏季溫利。冬則嚴寒。江河皆凍。人畜樹木亦時有凍斃者。夏季少雨多風。三日間必有大風一次。揚沙飛塵。近於蒙古大陸氣候。

物產 豆麥雜糧俱備。足供本地之用。地力稍薄。民力特勤。江流紆曲。魚類極蕃衍。

農家製造湯粉頗著名。荒甸城鍋爲出產大宗。甲於全省云。

教育 縣立高等小學校二。較爲整齊。有私立滿蒙國民學校。縣立模範國民一校。各區立國民學校十五。私立者一百三十處。學款歲款一百餘萬。吊學生舊學。稍有相抵。出洋入京者多。

戶口 三萬零五百四十六戶。二十四萬六千九百五十九人。

實業 東臨鐵路。南北西三面。江如縈帶。交通極便。而出產無多。於是轉運上游附近各縣土貨出口。而商業以盛。官銀號亦設分號。

鄉鎮 石城鎮在東省鐵路旁。土名石城子。與陶賴昭並爲大站。縣東第一鎮埠也。南有新安鎮小城子。又有集廠榆樹溝爲縣城至石城衝途。縣北長春嶺地方繁盛。縣南達子屯。浩色站以及西北伯都訥舊站。則昔盛今衰。

交通 航路爲松花江上下游至中點。省城下行小輪船。多至此止。戊通公司有代理店。郵路則由五家站三家子通陶賴昭。由小輪船至此。分赴火車南北行甚便。電報亦銜接。

第二百一十一章 雙城縣

雙城縣治。東經十度十分。北緯四十五度二十七分。在省北四百里。土名雙城堡。因城內有古城二故名。東至阿城。南至榆樹。西至扶餘。北至濱江。西北以江接黑龍江肇州。金爲上京會寧府之西南境。元爲廢地。明爲阿憐部。清嘉慶十九年置協領。隸阿勒楚喀副都統。光緒八年置雙城廳通判。宣統元年升府。民國二年改縣。人文殷盛。科舉時文學已盛。京師大學初創。入大學者最早。近接濱江而不染習氣。土壤肥沃。民食有餘。每年國稅六十六萬七千元。以上地方稅三十萬以上。宜乎蔚爲富教之區矣。

縣治 清嘉慶間商民捐建。築土爲墻。周約二十里。高一丈一尺。門四。東曰承旭。西曰永和。南曰承恩。北曰洞窰。凡六千戶。四萬萬餘人。道路失修。雨後尤多積潦。水含鹹。性初至者或不宜。附郭盡平原膏腴。爲松花江第一沖積地。城內紳富則世爲地主。佃戶納租。服從最謹。少虧欠。日僑七十餘人。營業其間。地非商埠。宜禁逐物產。小麥。大豆。小米。高粱。共二百萬石。燒酒。豆油。豆餅。黃烟。爲出口之大宗。各屯自有菜園。蔬菜種類多來自內地。皆屯人服官游學所寄。植樹無多。未成森林。

戶口 雙城拉林墾荒。原移八旗各旗分新陳。每旗五屯。拉林兼附近各屯。昔年戶籍甚詳。今五萬三千一百五十七戶。五十四萬一千七百二十四口。

教育 道立中學。已改省立。女子師範已歸併。國民學校區立四十四。私立十八。擬增至二百。縣立高小學校四。擬增至九校。道立乙種農業學校。乙種工業學校。各一。女子高等小學校。一。專設女子國民學校。已遞增爲十校。

鄉鎮 拉林城人口二千。自昔著名。拉林河與松花江合流處。有得勝陀碑。相傳金太祖警師之地。西平鎮。韓家店。並呼繁盛。他如三顆樹。蘇家窰。唐氏窰堡。于家燒鍋。謝家岡子。吳家屯。姜家窰堡。鄉有槍枝一萬五千桿。

實業 縣城十字街。錢店極多。比鄰成市。爲各縣所未有。車站一帶。糧棧堆積如山。亦爲各站之冠。熟地四十五萬七十六畝。有織布房十餘家。尙未納稅。

交通 東省赴鐵路。有帽兒山站。東省赴長路。有五家子。及雙城堡兩站。大路可通馬車。郵政電報電報。直達省城。距濱江既近。輸出土產既多。輸入之洋貨亦多。奢風之傳染尤易。出口糧石。歲值七百四十五萬元以上。

第二百二十二章 賓 縣知府李樹恩賓州府政書

賓縣治東經十一度十一分。北緯四十五度四十八分。在省東北六百零五里。土名葦子溝。東至方正同賓南至五常。西至阿城。北臨江接黑龍江巴彥。金上京會寧府東境。矩威部圖塔部等所居。明爲費克圖河衛。清光緒八年置賓州廳同知。宣統元年升府。民國二年改縣。地方二十區。今現存十區。皆冠以賓字。曰增進。幸福。維公安。風俗曰餘析於阿城者九區。析於方正者一區。瑪琏河設長壽縣時亦早已分地以治。以免鞭長不及之患云。

縣治 清光緒七年築土爲城。上蓋木板城樓。磚砌梁口。周約七里。門四。池深一丈。跨邱陵地上。肆市櫛者。商業繁盛。約一萬三千餘人。山東人來者甚多。

山岳 盤亘東南。大青山高千八百丈。花碩松峯次之。懸羊亂石廟嶺。石洞。又次之。水系 松花江關一二里。中流深四五丈。入流支流二十餘。皆奔迅。

物產 山林產灰鶴。產參之地。有烏王乾哥。專食參子。獸有貅。爲豹與熊配合而生。力最強。能食虎。倭刀爲狐貉相配而生。木則有報馬樹。形似李樹。

教育 國民學校未就學兒童共計七區。男童七千二百四十人。女童三千八百八十人。應增之國民八十四校。乃符義務教育。擬民國十五年設齊。經費分區自籌。縣立男女高等小學校。在城內設備完全。

戶口 六萬三千三百四十三戶。四十五萬三千九百八十七口。

實業 城西北老山頭之石鑛。俄人用炸藥轟取。用輪船運往哈埠。以備建築。磁鑛在城南正達溝。未及舉辦。煤鑛在山陽坡。試辦中輟。知府時已設農事試驗場。勸植森林。並放柞蠶柳蠶。立蠶桑公司。

鄉鎮 縣西蜚克圖。地當衝要。市集殷繁。縣西夾板站。高力帽。長谷。皆舊日台站。早成市集。新甸猴石皆用通輪船成碼頭。西北滿井。東南九千五。正南八里。川西南分水嶺。

交通 松花江上小輪船。光緒七年只俄國官輪一隻。宣統元年共十九隻。吾國始有吉源吉瀾二官輪行駛。所經新甸。猴子石。烏兒河。上下客貨甚便。乃俄輪歲行二百餘次。華輪二十餘次焉。今俄輪次第售入華商矣。

第二百二十三章

五常縣 吉林

五常縣治。東經十一分。北緯二十四度三十一分。在省東北三百六十里。土名歡喜嶺。東至寧安。南至額穆。西至榆樹。北至同賓。西南至舒蘭。遼爲阿延女真部地。明爲阿憐衛南境。清同治八年設協領於五常堡。光緒八年設五常廳。同知宣統元年升府。民國二年改縣。縣城人口五千。附郭膏腴之地。開闢已久。其價有每晌價百元上下者。未墾之荒東北略有之。旗民生計。皆有土地。衣租食稅。不覺困難。人民自移墾以來。有闕五代者。是以安居樂業。今困於匪矣。昔有津貼窮員川資。今亦停矣。

縣治 清光緒七年築土爲城。上蓋木板。城樓磚砌。礮口周約四里。門四。東曰迎旭。西曰凶字。南曰來董。北曰拱極。池深一丈。

山脈 縣南五里杏花山。不與他山相連。東南山嶺爲冷山。宋忠臣洪皓所居。

水系 蘭稜河在縣西。下游在縣西十五里。合於松花江。

物產 烟葉冠於全省。其次爲麻。麻製品亦多。其他大豆。豆油。穀類亦盛。牲畜。畜木。植亦有餘。冬日因木材不能運出。東境木炭密特多。

教育 縣立高等小學校。前清業經成立。武昌起義。民不納捐。民國二年再造。城內之國民學校。男女各一校。各鄉惟大鎮六處。有國民學校。各鄉屯未設。足見風氣閉塞。不如鄰縣。富而待教。

戶口 二萬二千七百一十一戶。十六萬二千九百八十七口。

實業 吉林省立工廠。能用機器仿造雪茄烟。原料皆取之於本省。惟農人尙多勤動。市上有私立組織紡織商業。頗覺簡單。烟葉打成磚形。如茶磚式。或成大捆。瓦窰。石灰窰皆守舊業。

鄉鎮 中和街即沖河鎮。爲全省黃烟出產第一處。向陽山亦極蕃盛。且爲稅入之大宗。山河屯又名三合屯。入口四千五百。五常堡人口二千五百。太平山民居亦多。藍彩橋夙當要衝。有路通一面坡車站。亦隔大嶺。

交通 運烟運糧。全恃大車。以吉長路之下九台站爲便。亦有徑上長春。大車至下九台。三日長春暑。自縣至省。冬日大車亦須四五日。爬犁三日可到。夏日大車多不出。界內無小輪船隻。西出榆樹之秀水甸。可附老少溝輪船上省。

第百二十四章

榆樹縣 張清岱

榆樹縣治。東經十度二十分。北緯四十四度五十分。在省西北三百七十里。東至五常。南至舒蘭。西至扶餘。德惠。北至雙城。遼金爲賓州地。清嘉慶十五年設孤榆樹分防。巡檢。光緒二年移伯都訥。撫民同知于此。移分防。巡檢于伯都訥。三十一年升同知爲府。還治伯都訥。卽設榆樹縣于此。宣統元年升爲直隸廳。民國二年仍改爲縣。人口約三萬。地方繁盛。文學彬彬。今圍城一帶。皆種榆樹。人家亦喜植之。不比昔年之孤榆樹。然古樹一株。久已不存。亦無遺址。云。又查軍警團千餘人。不能剪數十人之匪。失教練矣。縣治。舊無城垣。清光緒三年移廳治於此。乃由商民捐修土圍一道。高約八尺。周四里。門四。地深丈餘。謂之城濠。大街至南而北。爲當商鉅店所萃。雜商則在老爺廟頭。市面日趨繁華。物價日昂。出私帖者約百家。貨幣極濫。

物產。連出大豆二十一萬石。小麥十萬石。高粱八萬石。大宗出境。民食有餘。綠豆、黑豆、小豆、蘇子、包米、馬鈴薯。共出產一百三十萬石。榆樹以外。則楊柳多。松柏少。無森林。惟松花江上黃花咀甸子。柳林甚茂。以供薪炭。

教育 國民學校縣立七十五。私立八。貧民一。縣立高等小學校一。女子高等小學。附國民學校一。全縣學生五千三百餘。未就學者尙四千餘。學款折合共收大洋五萬二千六百元。近年誤以學田劃入蒙界。今收回。學款以糧捐爲多。

戶口 七萬八千四百四十七戶。五十一萬四千零四十七口。

實業 農商尙裕。工藝守舊。有瓦窯。編柳條。籬木工作。掀入大車。鐵匠作鐮犁。鐵鋤。錫匠銅匠修整家用器。亦無待他求。商務則冬日爲旺。私立銀行廿家。發行私帖。鄉鎮 四河城。土橋子。大八號。山泉城。興隆鎮。皆有鎮市。富敕以土橋子爲盛。大八號次之。五顆樹亦發達。向陽泡街亦漸發展。各屯以大復溝。後兩家子。永春鄉。五家窩堡。開通較早。小房身。小孤樹。焦家岡。小八號次之。閔家屯。五里橋。方家燒鍋。周家屯。許家坡子。卡路屯。四間房。三大家。青頂子。青山堡。新民屯。保安屯。又次之。交通 自省城赴楡鐵路小城子車站爲止。到城需一日。坐行車。卽到。冬日由鐵路。兩日到。夏日由輪船至五顆樹。一日到。秀水甸亦有碼頭。若由省至縣。運乘大車。三日亦可赶到。中間住宿烏拉街法達哈門。亦不甚遲也。

第二百二十五章 同賓縣 何橫

同賓縣治。東經十二度三分。北緯四十五度二十一分。在省東北八百四十里。東與北俱至方正。南至五常。西至賓縣。東南至寧安。金時即置同賓縣。稱烏濟赫部。明爲螞蟥河衛。清光緒八年設燒鍋甸子巡檢。屬賓州廳。二十八年改設長壽縣。民國三年六月復名同賓。縣境南當中東鐵路要衝。今已於烏吉密及葦沙河二處籌辦設治事宜。蓋近年設立同五兩縣荒務局。凡未墾官荒。悉經招墾。然設治則地方財力三分。恐行政更難著手。不如先整頓田賦。則百政具興矣。

地勢 長壽山。長壽河。爲一縣之鎮。太平山。二紅山。石銘河。亦排列縈繞縣治左右。平洋膏腴。惟山地水土不適於婦女。墾民不敢移家。研地質者當改良也。

縣治 城係新修。以防匪也。街道整齊。山水秀麗。四望風景俱佳。商業殷實。境內有金代祖墓。

物產 本爲餘米之鄉。山中多產林木。金沙泡。金沙河。金坑屯。金峯山。足以表見黃金之富。鑛泉雜質。浮出水上者。沸時先置豆腐皮。則雜質浮水面而後可飲。

教育 國民學校。以年景歉收。多不畢業。縣立高小學校。縣城第一校兩班。尙未足額。近年東西二鄉始增高等小學二處。全境學齡兒童一萬九千二百人。學款歲入市錢二十七萬三千四百餘吊。女學僅成一處。

戶口 三萬一千六百十八戶。男十一萬三千八百六十九。女九萬一千五百零一。實業 城內燒鍋四家。均用玉蜀黍造酒。因高粱不多也。大豆盛則油房亦盛。全境農田可墾三十餘萬畝。已墾者約二十餘萬畝。額徵尙不足九萬畝。現在自請升科者亦多。土多壤土砂質壤土。林地多廣植土。初耕土肥。煤鑛發現四處。

鄉鎮 縣東夾信鎮。縣西萬寶山屯。民戶較爲稠密。合平安堡。黃泥河街爲四鎮。併縣城爲五區。二面坡。烏吉密。黑龍官。在二區。燒鍋甸。小燒鍋街爲三區。金沙河金坑。在四區。中和鎮。回龍山。大山頭。在五區。

交通 自縣城陸行八百里。一日抵中東路烏吉密河。爲出入要道。夏日水大困難。仍可勉行。由一面坡車站百餘里至縣。惟冬日可以通行。夏日路濘。行旅幾斷。瑪瑙河通小舟。

第二百二十六章

阿城縣 賓州府政書

阿城縣治。東經十度三十分。北緯四十五度三十四分。在省東北四百四十里。土名阿什河。東至賓縣。南至雙城。西至濱江。北以松花江接黑龍江。呼蘭。渤海時爲粟末靺鞨種族雜居。稱海古勤地。今縣東北有大小海溝二河。語音尙近。後爲完額氏本部。金爲上京會寧府。明爲岳希阿實衛地。清雍正四年置協領。設駐防兵。因更爲阿勒楚喀。乾隆二十一年增設副都統。宣統元年。裁改阿城縣。今仍之。土地腴沃。產穀甚多。縣地商務亦甚繁盛。人口約五萬餘。舊日東省鐵道公司交涉局所在。有學校焉。

縣治 舊名老八牌。周圍六百里。近接哈埠。旁臨鐵路。昔隸賓州。徒爲虛名。今卓然大縣。副都統時代。已建文廟。設交涉衛生禁烟經徵官運等局。街市已整齊矣。

山脈 偏在縣南。

水系 阿什河即按出虎河。

物產 菸藤木料。皆產山中。稅重不易外運。糧石有餘。人參有二甲子。三花子。四披葉。五披葉。燈台子。皆肖其形。又產黨參。柴胡。山龍。升麻。葶藶。蕪艾等。

教育 國民學校。縣立十五。私立十。女學惟有一校。縣立高小學校二。私立高等小

學二。縣立女子高等小學二。共三十一校。學生一千六百十九人。

實業 俄國製糖場。在車站東。清宣統元年成。共屋六十二間。自俄德波蘭。購機器

三百餘件。資本萬元。原料爲中國產。根子菜糖。疙疸。卽蘿布。製出白糖。冰糖。比京津價廉。有火磨一。燒鍋一。當舖二。沙鑽在東南小城子。亦係俄人開采。旗民生計。則東北兩黃旗屯。較爲富庶。然居民少。振作氣象。近來城內四大家商務。已困其

三。

鄉鎮 縣北馬廠。黑魚泡。及義興源。永增源。皆因赴哈埠要途。早成布集。料甸子爲爲赴賓縣之衝。三家子爲赴雙城要道。茉莉街名尤雅飭。張油房。博碾溝。可見鄉村油碾之盛。小荒溝屯。南官地。亦有聚居。

交通 中東鐵路。以阿什河爲要站。俄人曾設總管。並有護路俄兵九十人。修路俄工四十人。票房。茶樓。小雜貨店。皆俄人專賣。中國客棧五六戶。距站稍遠。今主權收回。昔年用俄國羌帖買票者。現一律用中國現銀圓矣。二層店子亦有要站。

第二百十七章 延吉縣

延吉縣治東經十三度十七分北緯四十二度四十九分在省東南八百十五里延吉道道尹駐之舊稱煙集岡爲局子街東北一邱陵金置海蘭路總管府明爲錫璫衛布爾哈圖衛變丹衛地清爲南荒圍場光緒二十八年置延吉廳同知宣統元年升府民國三年改縣四十年前樹木叢生人烟稀少山谿間有淘金捕魚者亦荒涼未開之地韓人羨其肥沃有渡江潛來者同治八九年北韓歲凶來者更多屢次交涉終不決於是清廷亦移民開墾與之對抗宣統初間島問題發生中日皆致力於此乃定爲國土疆域東至汪清南至和龍西至敦化樺甸北至農安

山脈 哈爾巴嶺 延吉嶺 元寶山 帽兒山 磨盤山 馬鞍山 天寶山
五魁嶺 燈籠嶺 風都嶺

河川 布爾雅通河 夏雅河 海蘭河 朝陽河 延吉河 一兩溝 哈嗎增
河 頭道溝

物產 天寶山之銀鑛。老頭溝之煤鑛。新墾之農產。圖們江運出木料甚多。

延璋之交涉

延吉縣菜營溝、茶條溝、小營子、二道溝、細鱗河、柳樹河子等處。凡村

落稠密之鄉。皆爲日軍指爲不逞鮮人或馬賊將全村居民。無論老幼男女。皆逼封屋中。周圍積以柴草。用火焚之。其哀號聲音。慘不忍聞。至於刀礮嬰兒。姦殺婦女。槍排少女。腰斬韓民。掘坑自埋。搶掠財物等事。荼毒人民。幾無天日矣。

教育 縣立高等小學六校。女子高等小學一校。國民十校。女校二。墾民私立高等小學五校。國民學校三十七。頑固難移。倭人摧殘尤烈。歲出八十三萬九千吊。

鄉鎮 當外交之衝者。二道溝倭人曾設警十二人。八道溝設警八人。大寶山九人。依蘭溝六人。銅佛寺九人。共分志仁、尙義、崇禮、勇智、守信、春陽、三道灣八鄉。

交通 吉會鐵道。當然自省治至道治。自甕聲嶺子。老頭溝。至銅佛寺。又東至朝陽川。均無異議。惟朝陽川東至延吉。須東行十二里。日人志在經過龍井村。擬不經延吉。勸有兩路。一由會寧至下三峯渡圖們江。由湖川街南洋坪或東盛湧。至延吉。或由鷹峯洞渡江。過燈籠嶺至延吉。不經和龍龍井村二埠。匯兌有官銀號。

第二百二十八章 寧安縣

寧安縣治。東經十三度六分。北緯四十四度二十分。在省東八百里。東至東寧穆稜。南至汪清延吉。西至額穆五常。北至同賓方正。唐渤海國上京龍泉府地。遼爲天福城。金置呼爾哈路萬戶。元置呼爾哈軍民萬戶府。明初屬建州毛憐等衛。清初設昂邦章京。統轄吉林全境。康熙五年始建今城。因稱古城爲舊街。十五年省會始移於吉林。光緒二十八年移綏芬廳於此。宣統元年升爲寧安府。民國二年改縣。共一萬三千二百七十二戶。六萬二千八百五十九口。

寧安之形勢

據牡丹江上游。控依蘭樺川諸縣。當東省幹路要站。以扼俄人東下之衝。氣勢之雄闊。罕與倫比。吉林形勝。以此爲首。溯自渤海以前。其防禦東南。遼金以還。始重西守。遼滅渤海。不知保固此險。轉移其民而墟其地。卒讓女真窟穴於此。爲滅遼張本。明初招撫野人。遠迄庫頁。置都督於此。以資鈴轄。誠得控制之宜。後世無遠略。棄此形勝之地不守。遂爲滿洲所有。憑藉爲根據地。今又當鐵路衝矣。

縣治 舊城雖狹隘。今尚有糧柴棗肉各市城外十倍。用千字編號。直至江濱。城內遂若駐防之旗城。綏芬廳時建署於西北隅。巡警火磨皆近江。

教育 學齡兒童約萬六千。高等小學三校。區立國民六校。女學一校。清真一校。城內學生六百。鄉學二千四百人。擬增國民十校。藏出三萬三千圓。

實業 有官銀號以通穆稜東寧匯兌。有機器火磨麵廠二。一裕順和在海林站。一興華公司。在城裏南江沿。有機器洋酒廠和源永。在城北八里新安屯。漁船三家。城外海林東京城三處各一。珍珠既禁人採取。苧麻野生者。或無人采。

鄉鎮 海林站爲全縣鉅埠。係新成立。東京城爲著名古蹟。迄今未盡衰塌。且有再興之象。也河鎮亦得水陸之便。此外臥流屯。新官地屯。沙蘭鎮。亦爲居民較多。鄉人走集之所。

交通 海林站距縣城北六十里。初設文報局。候鐵路火車到站時。接收公文。今一律改爲郵政矣。出入送迎。以此爲咽喉焉。牡丹江乘流易下。雖速而平。挽舟上行。用力多矣。

第二百二十九章

琿春縣

琿春縣治。東經十四度七分。北緯四十二度四十一分。在省東南千零五十里。爲金代上京海蘭路。海蘭河今亦名駭浪河。入圖們江。明之密拉衛。通肯衛。敵城尙在。清天聰二年。琿春庫雅拉人。以琿春窩集。那木都魯延楚地方歸附。康熙時始選放鄉長三人。每年領本族人。至東海濱獵江獺進貢。嗣因沈沒過多。經將軍覺羅某奏停。編鄉長爲佐領。是爲琿春設官之始。光緒七年始築土城。日俄戰後闢爲商埠。中國人八百戶。三千五百人。多自山東來。朝鮮人約六十戶。約二百五十人。日本人三十戶。約百五十人。疆域。東以土字。薩字。拉字。帕字。等界碑。界俄屬東海濱省。南以圖們江界朝鮮。西至汪清。北至東寧。隔圖們江與朝鮮北境相對。

失地 東境毛口崴一帶失地。由省議會提議力爭。俄名普削脫。爲圖們海口。

山脈 當長白之東北。中有英額嶺之高峯玄菟山。亦在圖們江海蘭之間。

水系 城南紅旗河。吸受羣流入圖們江。約四十里至西麟子。順流至中俄分界之

防川項。約一百三十里。下至海口。約五十餘里。或曰三十里。

物產 農產。則有大麥小麥豆類。粟高粱玉蜀黍稷等。城東南六十里。有三四道溝。產砂金。現已從事開採。森林多被侵伐。保護至難。煤產極富。供本地燃料。

教育 縣立高等小學十。城內男女各一。八鄉大鎮各一。國民學校。城內四。男女各二。各鄉平均各五六校。類皆單級。墾民私立學校。次第收爲公立。

實業 貿易總額由二十九萬兩。增至八十萬。朝鮮及俄人皆依此地貿易。人口約一萬三千。輸出品。以牛豚麥粉馬糧等爲大宗。輸入品。則以洋紗棉布。綿絲石油。火柴紙烟及其他雜貨爲大宗。倭貨則以燈傘磁器爲多。金融則官銀錢號。

鄉鎮 黑頂子倭人曾設警察九名。頭道溝曾設十二名。按縣屬分八鄉。曰首善。曰興仁。曰純義。曰勇智。曰崇禮。曰敬信。曰德懋。曰春化。崇禮以上五鄉爲一區。餘三鄉各爲一區。古城有五密拉。通肯。丰拉城。小城子。碾子山。皆荒曠。

交通 東五道溝黑頂子等處。近於韓邊。爲道咸時越墾之捷徑。光緒初早設墾局。城南河身多石。難立小輪碼頭。擬由城南修小鐵路。至西威子。建小輪碼頭。至海口。換大輪船。先後二吳計畫未行也。

第三百十章 東寧縣東寧縣志略 日照田微明

東寧縣治。東經十四度五十二分。北緯四十三度五十九分。在省東南一千一百九十五里。東以瑚布圖河及倭字那字等界牌。界俄屬東海濱省。南至理春。西至汪清寧安。穆稜。北至密山渤海。古爲率賓府境。金屬糧品路。明爲綏芬河地。置率賓江衛。清光緒二十八年。就三岔口招墾局。改設綏芬廳。旋移廳治於寧古塔。宣統三年置東寧廳。民國二年改縣。人口約六千。面積三萬八千五百四十方里。東臨大河。貢郭有田園平壤。南北西三面皆崇山峻嶺。地勢險阨。

縣治 市上有電燈公司。焜燿僻邑。煤鑛公司。滙兌莊。兌換處。當舖。報館。特種營業。可觀。糧食布疋藥材雜貨商業亦盛。城居胡佈河西岸。隔江相望。盡屬俄土。雷池。偶越。交涉立至。

物產 有稻米。各穀類皆備。有西天穀。豆。麥。最多。兼種黃烟。瓜。田蔬。園果。實皆有。山產。松子。核桃。蜂蜜。林產。松。杉。樟。檜。榆。柞。楊。柳。楓。楸。而赤松。香柏。黃婆羅。水曲。柳。持異魚類。鯉。鱈。鱒。鱚。而外。有梭魚。秦皇魚。大哈瑪魚。蝦。蟹。螺。蛤。皆備。

教育 縣立高等小學校。二國民學校十校。歲支大洋八千元。孝子廬距城西四十里。爲孝子李成功三年廬墓之地。顧玉瑛之文學。王玉堂之醫術琴術。能發揮國粹科學。文若吳殿元爲國死爲民所稱。亦教育界模範人物矣。

實業 平原農田。萬二千晌。惟氣候和暖。土質肥沃。出產豐富。咫尺出口。售價甚優。如土木作工人之細。每日工資。尙可得兩元上下。稍事勤勞。無不豐衣足食。日用寬裕。匹夫致鉅萬。轉瞬稱素封者。所在多有。致生活程度日高。奢華日肆云。

鄉鎮 古代都統城。在縣西四十里。俗名胡倫佈威。周五六里。四壁厚甃。儼然新建。民房數十家。得金貞祐時都統所印。六百年前物也。縣西又有石頭城。雉堞雖湮。門戶猶存。峭壁挺拔。實出人工。城南馬營。春日時見蜃樓。城西暖泉。子冬日不凍。河中螺洲產螺。吾民采螺之地。卽爲國土。高安村則高麗安姓入國籍成村焉。

交通 木牌順大小綏芬河。運出俄境雙城子。由海參崴出口。北出百餘里。至中東路之綏芬站。爲入省之要道。境內各河皆山洪所匯。暴漲則怒濤如雷。雨過則河流淺澗。船隻難行。縣治距雙榆樹七十二里。又六十五里五站。平常兩日程。

第三百三十一章 敦化縣 張成之

敦化縣治。東經十二度五十七分。北緯四十三度九分。在省東南四百八十里。土名鄂多哩城。或作敖東。亦作阿克敦。縣名敦化。從其音也。東至延吉。南及西至樺甸。北至額穆。渤海爲建州地。元置斡朵里萬戶府。明初設建州衛。清始祖覺羅部貝勒居額多力。爲額穆赫索圖佑領所轄。光緒八年。置敦化縣。今仍之。乘牡丹江上游。居寧古塔上游。清室發祥最早之地也。沿江平地極多。且土質肥沃。將來可望開墾。農業大興。今駐軍徵稅。亦爲重地云。

縣治 原名敖東城。清光緒七年築土爲牆。上蓋木板城樓。梁口磚砌。今已傾圮。周五里門六。東曰迎旭。南曰來薰。西曰挹爽。北曰拱辰。又有小東門。小西門。地深一丈。居民約二千戶。共萬餘人。生意之興隆。有步趨省城之氣象。

物產 小麥最有名。大豆次之。森林長廣數百里。人跡罕至。向以放運艱難。藥有參茸。著貝。山產之皮張。有狐狼狍三項爲多。黃鼠則爲製筆原料。山狸毛薄。適於初寒。山雞爲美味。榛松爲名果。黃蘑木耳。皆入關要品。鴉片業經嚴禁云。

教育

國民學校全縣分區者四。一在官屯。二在葦子溝。三在黃土腰子。四在城北。

鄉黑頂子。原有出放學田一千九百晌爲的賦。每晌收大洋二角。每校歲收大洋

三百六十元。縣城有高等小學校。亦由學田款項辦理。

戶口 一萬四千一百七十六戶。八萬二千四百五十八口。

實業

燒鍋三家。油坊十家。磨房大小約八十家。大抵皆農產製造。燒鍋及大雜貨

舖。皆資本饒足。各數十萬吊。燒酒行銷東南。皆資本殷實。昔有官銀號以通匯兌。

現已撤銷。地方自辦有農商錢號。商人集股辦理。

鄉鎮

共四鄉。分爲八鄉。縣治在敖東北鄉。東爲敖東東鄉。東南懷德鄉。分東西爲

二。其市曰黃土腰子。爲吉長他日車站。東北沙鎮鄉。亦分東西爲二。其市曰沙鎮。

亦有燒鍋。西曰城山鄉。分南北爲二。其市曰馬號。

交通

吉會鐵路勘定之路。西北距額穆縣約計一百十里。東南距延吉約三百里。

冬日便利。由黃花松甸子。大車通行。可來省運貨。夏日只可行站道。到省需六日。

冬令行車三四日可到。大車仍需七八日。黃花甸冬有旅館。夏日空閒。

第三百三十二章 額穆縣

額穆縣治。東經十二度二分。北緯四十三度三十七分。在省東三百五十里。土名額穆赫羅。縣名即截取其上二字也。元爲開元路海蘭路。地明爲額朶里衛。秃屯河衛。地明季爲愛親覺羅之本部。清初設額穆赫索羅佐領管轄台站旗丁。後分屬敦化寧安五常三縣。宣統二年置縣。今仍之。東至寧安。南至敦化。西至吉林。北至舒蘭。五常。西甯。至樺甸。南北百八十里。東西百二十里。縣城不及三百戶。人口不及三千人。張廣才嶺。山脈。平地甚少。耕地總數約五十二萬三千畝。昔爲正白旗之屯田。地今地主仍多旗人。

山脈 張廣才嶺 威虎嶺 海青嶺 慶嶺 老嶺 拉發嶺子 大青山 摩天嶺 北洋山 呼蘭嶺 秃頂子 畢家嶺子 瑟瑟嶺子 東土山 西土山 老額嶺

水系 牡丹江 拉發河 雅河 蛟河 蘭林河 珠爾多河 威虎河 大沙河 都林河

物產 大豆 三六一二〇石 粟 一二三〇〇石 包米 四一四〇石

小麥 三〇二〇〇石 大麥 五八〇〇石輸出吉林省大豆萬五千石小麥

二萬石輸出敦化者大豆五千石小麥五千五百石大麥三千石

教育 縣立高等小學二。一在城一在蛟河。女學二校亦。然國民學校已設七校。

戶口 九千五百六十七戶。男女六萬四千三百九十四人。

實業 林務七區。有松江大有黃川公司。今黃川停辦。礦廠七區。金在北大秧。銀在

地寶山。煤五處。奶子山德興公司已開。餘在杉松。朝鮮墾民。多種水稻。

鄉鎮 蛟河鎮在省東南二百六十里。爲縣內重鎮。主要商業爲燒鍋。油房。磨坊。雜

貨。菓子。等店。商鋪三千餘家。資本最大者十二萬。吊。烟草。石炭。穀。麻。木材及其他

山貨。皆集於此。東接石炭產地之黃花甸子。有敦化大道。沿日馬河有吉林大道。

西南有拉法河。交通便利。附近農田雖屬肥沃。惟難豐收。因沿河水汛。地變砂磧。

山地多受霜害。故也。收入以商稅爲大宗。由省城財政派局長。以專責成。

交通 吉會勘定之路。卽東大路。達敦化。延吉。郵政三日到省。電報東達。延。琿。等處。

以樹木爲電桿。夏日枝葉橫生。往往阻電。舊驛有退。擡。站。拉。法。站。

第三百三十三章 汪清縣

汪清縣治。東經十三度二十八分。北緯四十三度九分。在省東南一千零二十五里。東至琿春東寧。南以圖們江界朝鮮。西至延吉。北至寧安。明阿布達哩衛地。清初庫雅拉部鈕呼特氏居此。爲世管佐領。卽今之大坎子地。後分屬琿春延吉。宣統元年析置汪清縣。縣治原設汪清河南之哈順站。旋移治百草溝。而益以寧安迤南地。畝林場常爲匪人小公司盜伐。無法稽查。此場地跨延吉。凡五千里。係農商部爲永久利源劃留。保存殊不易也。

縣治 百草溝有日本分領事館。雖係商埠。尙未發達。不過洋貨店外人較多。

山脈 老爺嶺。石頭嶺。太平嶺。分縣境爲東西。

水系 縣東爲大綏芬河源。會大石頭河。母猪河。至綏芬甸子。入東寧縣境。縣西百草溝上游。百道溝匯成之嘎雅河。汪清河則東來支流耳。下會延吉河。入圖們江。物產。百草溝之草。博物家不盡識。多係藥材。葡萄溝。漢葱溝。梨樹溝。柳樹溝。皆天生不待人力者。沿溝彌盛。今播厥百穀矣。

教育 縣立高等小學校三。一在城內。二在涼水泉子。三在嘎雅河。區立國民學校十三。私立國民學校二。女學一。多墾民子弟。鄉學尤多用韓人爲教員。仍讀韓語。學田原有一千五百九十八晌。餘續撥一千五百九十八晌。原有每晌收一二石。亦有三四斗者。平均七斗。續撥者因學款未竣尙未收租。

實業 納租地僅二萬餘晌。比年並不加多。由於匿報升科之地。不止一倍。甚至一晌之照。四至內足有三五十晌。山坡窪甸皆開墾成熟。韓人來墾有能種水稻者。天擇物競。能勿懼乎。

鄉鎮 涼水泉。倭人曾設警察十四人。腰威子亦曾設倭警。又在英豪甸子設倭警九人。嘎雅河亦有市集。附近草帽頂亦多居戶。大汪清爲東鄉人民交易所集。東北綏芬甸子。原有古城。已頽。今新成市集。

交通 距省不過十日程。北則取道於寧安之海林站。惟寧安以南山路不易行。昔不通文報。今已通郵路矣。南則取道於延吉。循敦化額穆站路。惟商人運貨。但期出海之便。

第三百三十四章 和龍縣

和龍縣治東經三度二十六分北緯四十二度二十六分。在省東南八百九十五里。東南兩面以圖們江界朝鮮。西至奉天安圖。北至延吉。明唐金河衛地。唐金河卽今之陰陽河。在縣治西。清光緒十六年設越壘局。二十八年設和龍嶺分防經歷。轄圖們江北越壘地。韓延吉廳。宣統元年改置和龍縣。今仍之。因偏近強鄰。韓民移殖者超過十分之九。縣街韓民亦多。倭人曾駐警察九人。今懷慶街吾國自添警察。由四區增爲五區。蓋位置會寧龍井村之間。交通頻繁。房屋逐年增建。未可限量。

縣治 又名大拉子。華韓移民造成街市。約計近百戶。人口四百餘。鮮人不足華人之半。商況尙未發達。五日一集。光緒七年奏辦吉林朝鮮通商事宜於此。今開埠到六處之多。而縣治不及焉。縣境之貿易吸收於鄰境。惟縣前街一帶爲各機關所萃云。

物產 農產糧石。及工作粗器。皆自運往會寧出售。油房爲農家製造機關。木牌由河運至龍井村。轉入韓境。

教育 國民學校縣立單級一。多級六。私立三。皆多級。縣立高小學校七校。多因國民學校遞升。縣有學田九千八百五十四畝四分。每畝收大洋一元。歲入學租已九千八百餘。又續撥一千二百七十七畝餘。亦歲收一元。合計在萬元以上云。

實業 二三四五六月。商稅最旺。秋冬不及焉。韓民佔百分之九十五。冒入籍之名。不惜重資購地。賣地一畝。可買密山地一二十畝。華民惟利是圖。變產遷居。在所不惜。今嚴定韓人只准租地。不准買地。明定年限。由交員日領簽字。

鄉鎮 光霽階稽察處。小六道溝。善化社。四光社。對越屯。晴霞社。開闢較早。外六道溝六洞。倭人曾駐警察十四人。三道溝駐五人。八道河子八人。馬牌南臨村十二人。懷慶街十人。馬牌距城八十里。韓人趕集。近日倭人強迫人民赴南陽趕集。馬牌遂無形消滅。榆田洞。高力威子。四道溝。廟兒嶺。夾皮溝。亦漸繁盛。

交通 爲延吉通會寧之要道。今延吉赴省者。憚陸路跋涉。乃由會寧出清津港。乘輪船至元山港。換火車至朝鮮京城。換火車至安東。由安奉南滿吉長到省。川資約百元。需時七八日云。

第三百三十五章 依蘭縣 遵義 劉光烈

依蘭縣治東經十三度二十一分。北緯四十六度十七分。在省東北一千二百二十五里。當牡丹松花兩江之匯口。土名三姓。蓋譯滿語依蘭喀喇之意也。縣名依蘭以此。東至密山樺川。南至穆稜。西至方正。北以江界黑龍江湯原。明和屯衛地。滿清未起以前。稱此地爲和屯噶珊之野。康熙五十四年置駐防兵以協領管之。雍正十年設副都統。光緒三十一年裁設依蘭府。民國二年改縣爲依蘭道道尹所治。連峯環繞。中央平沃。農產既宜。交通復便。附近森林禽獸尤爲本省富源。可見一斑。惜人民稀少。開闢未盛。三姓之舊族。

合富錦之愛新覺羅。卽古時東方之四子部也。一係喀吃克勒部。漢譯爲葛姓。稱最旺之族。又漢譯蘇姓。盧姓。二部未審滿洲之部落名稱若何。

縣治濱松花江東岸。江流至此頗急。但東岸平於西岸。故於停泊無礙。城垣雖小而街市寬廣。商業繁盛。實自濱江至同江間第一重鎮也。附近有古城遺址。或謂卽五國城云。牡丹江口有濱江分關。昔江水每撲城。民國五年始建堤坊焉。

教育

全境學校。縣城爲多。縣立高等小學二校。女子高等小學一校。模範國民學

一校。規模略備。又有國民學校三。縣立圖書館。藏書亦值二千元。惜無多人瀏覽。道治首善。列縣所觀。松花江文明。下游益當發展乎。

戶口 六千四百七十三戶。三萬八千六百八十九口。

實業。農家之豆麥梁黍。漁人之鯉鯉鯉。獵戶之貂獺鼠狸虎豹各皮。太平溝萬

鹿溝之金鑛。號爲寶藏。曾經中央收回部辦。不計五年。耗部款存本八萬元。尙虧

一萬數千元。部咨改歸省辦。官銀錢號呈復省庫無力籌款。本城亦有官銀分號。

鄉鎮

土龍山。雕嶺。被匪最烈。土龍山爲東鄉菁華。雕嶺爲南鄉菁華也。皆非衝途。

縣東大磗子站。阿穆達站。縣南之頭站二站三站四站。皆有市集。縣西惟西甸子

等處。因地面狹也。

交通

瓦爾喀。黑斤。赫哲。魚皮韃子。又稱使犬部。以犬曳橇於冰上。冰融後則輪船

上下。客貨甚便。有自哈爾濱專駛三姓者。有廟爾伯利上溯濱江之船。至此停泊

者。距濱江輪船約兩日程。富樫同綏匯兌。均由此轉。

第三百三十六章 勃利縣 吉林公報

勃利縣治。東經十三度五十六分。北緯四十六度十二分。省東北一千五百里。東界樺川寶清。南界密山。西南界額穆。西北界依蘭。縣名始自唐書。黑水靺鞨倪屬利稽入朝。賜名李獻誠。拜勃利州刺史。勃利當年地方廣大。龍江之下。奎俄境之伯利。均號爲古之勃利。此特勃利之一隅耳。地方偏僻。代表昔日之大州。觀禹貢九州。由一府而夷爲一縣。以存古名而已。山林阻深。田園未闢。凡百庶政。僅有萌芽。十年以後。當有可觀。地方多匪。保衛隊尙能盡職。

山脈 察庫蘭嶺。巨於縣南。東南道上有七道關之險。杉松頂子。林木深藏。阿爾布善爲東北屏蔽。

水系 倭肯河流域。上源茄子河。合諸水西流。北支五。南支六。北流經縣治。下達依蘭境。

物產 野猪大者重千斤。俗云一猪二熊三老虎。豺狼狍鹿。狐狸獐獾。貂鼠山狸。並產之。貂熊爲黃鼠與貂配合而生。

教育 就本縣開荒劃留學田。將基價二成。提爲縣教育費。縣治四站。生聚頗盛。而興學太晚。依蘭土語。有荒界荒內荒外之別。今縣境舊時概名爲荒外。有輕視之意。則勃人宜勃然奮發矣。

戶口 設縣時戶數已達五千。人口滿萬。

實業 熟地皆由依蘭分出。荒地亦然。今荒地膏腴。而無人敢墾。因匪警也。依蘭道未墾。每方荒價漲至七八百元。今則一二百元。照原價出售。亦無人敢買。熟地開墾已久者。不及十之二三。云。熟地價每畝三元。荒地每畝一元五角。

鄉鎮 碾子河地方已繁盛。二道河子。小五站。龍爪溝。墾闢較多。究竟以縣西之村屯爲密杏樹溝。一帶又有果園之利。金鑛任馬糞泡。煤鑛在龍爪溝。游民開採。徒爲盜藪。

交通 郵路自依蘭東三十里三家子。又東南三十里道台橋。又三十五里高台子。十五里三道岡。二十五里太平川。二十五里太平河子。四十五里大四站。又四十里至勃利縣城。又四十五里至小五站。距道治四五日程。爲出入之門戶。

第三百三十七章 同江縣

同江縣治。東經十六度十五分。北緯四十七度三十七分。在省東北一千七百八十五里。當松黑兩江之匯口。土名拉哈蘇蘇。乃黑斤語老屋之意。東至綏遠。南至饒河密山。西至富錦。西北以江界黑龍江湯原。北以江界俄屬阿穆爾省。金爲黑水靺鞨。明季爲使大部之黑皆喀喇所居。清光緒初始由三姓副都統。編土著之黑斤人入旗。分三佐領。抽丁供役。三十一年。置臨江州。宣統元年升府。民國二年改縣。三年改名同江。該縣人口不滿萬。因中俄交界。陸軍駐團部。海軍駐艦隊。商輪旣便。農墾亦興。

縣治 綰穀內江。治東十二里。日黑河口。卽松黑二江交匯處。光緒二十三年。俄監工向將軍延齡商借地段。自由佔用。凡當衝要之地。盡爲俄輪俄船碼頭。華商街市。偏在西面。是以不能發展。今俄國商輪。多集於我。收回歷年放任要地。亦國防之光。原只商民百家。黑斤十數家。今得國力保護。居民增進。

物產 七黑沁河產魚最旺。黃魚大者重千斤。爲貢品。小者重十餘斤。俗名七里浮子。邊花腦花傲花。皆以花形別之。有黑紋狗魚。生四足。但不易得。樹林小供薪炭。

教育 縣立高等小學校。附國民學校在城內。各鄉如街津口起元屯等處。設一校一班。即已普及。共設各屯國民學校十處。向陽屯。元三屯。二龍山。向陽川。富臨屯。東蓮花泡。元二屯。實興學之先聲也。

戶口 三千五百九十七戶。男九千二百三十二人。女四千一百十二人。

實業 熟地每响二元。荒地每响一元。沿河砂土淤積。厥田上中。俄國租地三段。每响照舊例納租金二十吊。以二十年為限。昔俄輪給薪之地。兼吸客貨。碼頭駐以俄兵。今我戊通公司。華商自用輪船。上下停泊。地方漸盛。糧僅自食。出口貨少。

鄉鎮 二龍山。移民屯。均為各鄉適用之地。東北睦鄰鎮。奇奇卡。街津口。科木。得勒氣。皆臨江自成村落。原不通路。今已開通。西南泥爾固。圖斯利。翟通市。布齊和亦。臨江自成村落。近於富錦者。人居漸多。南則有二道岡。腰駝子。杜亮房。亦當郵路。交通 東北二站街津口為赴綏遠郵路。有郵政代辦所。此外各站多有不通郵權者。沿江多溝。夏日須架橋以渡。附近人少。或紉於財力國防重道。宜由本省多修石橋。勸路上距依蘭三里。江心有巴彥涵。上距哈埠七百里通輪船。

第三百三十八章 寶清縣

寶清縣治東經十六度二十六分北緯四十六度三十分在省東北一千六百五十里東北界同江正東界饒河東南界虎林正南界密山西南界勃川西界樺川正北界富錦清初以還並爲黑斤人之部落光緒三十三年奏擬設寶清州民國元年始設分防經歷隸臨江府三年改設分治員司法事項仍隸臨江民國五年設寶清縣始完全析境而治居饒河上游全境皆在腹地移民自富錦樺川轉入者比饒河便土壤亦較肥沃熟地每晌三元荒地一元五角比饒河價值稍昂稅局由密山分設殊覺不便

山脈 阿爾金山最大東分三支有望山坡

水脈 饒河如帶寶清河乃其支流舊圖寶清河在饒河南近堪達山有古城今定縣治在饒河北朝陽川吉林地理各書仍謂縣治瀕寶清河當富錦密山通道

物產 猴頭爲八珍之一產於深山爲蘑菇菌類之冠比猴頭惟肖用以饋送京師頗見吟詠生杵樹上或松樹上每產必成一對鮮過雞頭葛蘭棒子山產人參山下棒子屯人倚以爲業韓菜營潘菜營視種參藥如種菜云

教育 西門外留學田一百三十五晌。大孤山一百六十二晌。歷任分治員移交。未曾招墾。學區分爲六。城內第一高等小學校。餘五區各設國民學校五。共成六校。高等小學歲六百元。國民學校歲三百元。先設國民學校。民國十二年始升學。實業 水土深厚。殊適於農業。民國四年東北各縣俱患水災。縣境獨獲豐收。且接濟鄰縣。只以地居僻遠。兼有沿途哈湯。沮洳梗塞。墾戶未集。即施以清丈。商販鮮通。物價奇昂。烟匪馬賊。轉窟穴於此。欲謀地方民生實業。必先修路政。一切乃可著手也。

鄉鎮 中興堡爲已成立之鎮市。縣北有涼水泉。爲天然泉。當大道上。人民適於聚居。其南有蘇州王。蘇人能墾殖成屯。殊非易事。對面城西楊家屯。黃家屯。表示漢族遠殖。南則安家營。潘菜營。韓菜營。亦大有聚族北徙之盛。

交通 郵路距富錦縣二百四十里。澗水南北交匯。奔集饒河。下接烏蘇里江。風帆可達。所惜車馬艱難。南赴密山一路。灌木尙未刊除。木把菜營入山。皆在樹上。自作標識。故有諺曰。路在樹上。

第三百二十九章

密山縣大興劉崇忠

密山縣治東經十五度三十八分北緯四十五度三十分在省東北一千二百九十里。當穆稜河南岸。土名蜂蜜山子。以山產蜜蜂故名。東至虎林。東南以松阿察河之一部。南以亦字喀字瑪字等界牌。界俄屬東海濱省。西至勃利。北至樺川。西南至穆稜。東寧。唐渤海湖州地。遼仍之。明爲松阿察河地。清光緒二十五年設蜂蜜山招墾局。三十三年置蜜山府。民國二年改縣。本作蜜山部。頒縣印。文曰密山。遂從之。近年墾務漁業發達。收蜜蜂之人多已改業。全境不足八千戶。丁口不足五萬人。困於匪患云。

縣治原有城濠。每面寬三四里以上。過於擴大。守不勝守。今縮小修築。每面佔一里。有土墻高一丈二尺。底寬八尺。四門建設礮臺。居民二千五百戶。一華五千人。

山脈 哈達嶺。奔松子嶺。發希山。雙牙山。環北境如几。縣西雜冠山有煤鏵。

水系 穆稜河。大斐德里河。大小興凱湖。展爲平原。縣西興隆溝。發現金沙。

物產 黃窩集森林。多作木楊柳。兼生柞蠶柳蠶。石頭河石匠溝產石。近年農產五穀俱備。河魚多鯉。湖魚多鯉。全境燒商二十爲家。小齏百數。

教育 全縣學齡兒童。入學者四百。學款僅十萬八千吊。縣城高等小學。百五十人。女學一校。平陽鎮。半截河。三索通。東城基亦分設國民學校。材財并絀。雖有教育家至此。亦無術施設也。先劃學田。立之基乎。

實業 有官銀號代理店。密山爲新開虎林。饒河解款之地。又爲寶清勃利。穆稜。東寧。穆稜之中心。地展平原。爲府治計畫。農產豐盈。和龍汪清之民。將已墾之地。典與韓人。得重價。移墾密山。可得地數倍。貪小利而失國土。宜加限制。全境可墾地三十六萬响。已墾地僅二萬零八十七响。歲入田賦不足萬元。稅捐年入三萬元。鄉鎮 共分六區。清風嶺。平陽鎮。塔子河。五道岡。白泡子。快別當。楊木崗。發達。近年平陽鎮土圍高築。周四里。高九尺。建有礮台。青溝嶺。胡匪二次來撲。未遭蹂躪。實賴土圍之力。半截河近年繁盛。東南龍王廟亦宇界牌。擬爲臨湖縣設治之用。交通 西南陸行六日至穆稜車站。均係山路。冬夏可行。爲第一路。東北陸行五日。至虎林。可附烏蘇里輪船鐵路。沿河地夏日難行。昔設驛非六人一班。不敢過妖精泡。南也。北赴富錦。西赴依蘭。雖有大路。津梁未修。郵信至省須十日。

第四百十章 虎林縣 張朝柱

虎林縣治。東經十七度七分。北緯四十六度。在省東北一千五百九十五里。以七虎林河得名。東以烏蘇里江界俄屬東海濱省。南與西至密山。北至饒河。明爲尼瑪河。木倫河地。明季烏蘇里江東爲奇雅部。西爲木倫部。清宣統元年設呢嗎廳。分防同知。旋以呢嗎口在俄界。名實淆舛。二年改名虎林。今仍之。俗呼爲江西。因在烏蘇里江之西也。近年華商因參茸皮張稅重。私往江東俄屬驛馬站偷售。俄人對於此稅極薄。本縣稅局遂無所徵。今特准免去參茸皮張稅。於公家無損。於商市有益也。

山脈 新七虎林山在河南。七虎林山在河北。大幹在雙砮山。堪達山。

水系 七虎林河在縣北。不如縣南穆稜。河南有小穆稜河。皆入烏蘇里江。

縣治 東臨烏蘇里江。北倚北林子。山下土名水牢。俄境亦有一山。臨江下瞰。惟交通形勢。久折於俄。今日方面補救也。關帝廟題嘉慶己巳重修。是漢人來此已久。物產 虎分爲二種。大虎高三丈。長丈餘。雄黑雌黃。有條紋。石虎稍小。性尤殘暴。林產 松。檉。榆。柞。椴。榛。楊。柳。呢嗎則滿語之山羊。農產 元豆。包米。穀子。大麥。小豆。

教育 縣立國民學校。生由十人增至三十人。始於民國四年。尙多中途退學。是以高等小學。難於成立。本籍既無師範畢業生。而省東師範畢業生。又憚於邊遠。多不願就。學田校林。易留而難開。村屯多無婦孺。雖私塾亦少。

實業 燒鍋爲最大。大桶燒商五家。小二十餘家。農家移墾熟地。約五千响。未墾者廿九萬响。岡巒起伏。不易鑿井得泉。江岸森林亦不成大片段。無大利益。除大石山可伐石。而運出不易。全境無一名鑛。全境男女丁口不足五千。有待招徠也。鄉鎮 鄉間惟大路屯集較盛。縣南榆樹屯。南臨穆稜河。夾河對峙。設穆稜河站於河南。過興隆屯。西沿河至索倫營。爲二站。過河北經牛拉窩集。至蘇爾德。爲三站。三站間有楊木橋小路。二日可達。警團各分四區。每區警六人。團五十人。

交通 從華商貨物。盡取自哈埠。自俄亂發生以來。輪船不通。貨物來路中絕。從前華人輪船。只行松花江內地。從未入烏蘇里。現俄輪多售於華商。自應乘此時機。開駛烏蘇里。則虎林與哈埠間。可通行無阻。今注冊航虎林之輪船。已有中華德元德亨等號。郵路至密山三百七十里。地方稅亦收船捐。

第四百十一章 綏遠縣 張朝柱

綏遠縣治東經十七度五十六分北緯四十八度十九分在省東北二千零九十里當烏蘇里江混同江之會土名伊力嘎東以烏蘇里江界俄屬東海濱省南至饒河西至同江北以混同江界俄屬阿穆爾省唐渤海靺鞨州境金以後沿革與同江同清宣統元年置綏遠州民國二年改縣住居漢人外以瓦爾喀爲多縣本衝要而當局者或以爲簡僻雖以知事兼辦稅局而收入不豐蓋全境不足三百戶七百餘人熟地只千餘畝荒地一百五十萬畝價最低綏遠之名同於特別區或用吉東爲別名

縣治 南市未盛近接伯利不能如大黑河鎮與阿穆爾省對峙國家果重視東陲當先以依蘭道移駐開放馬路乘俄國之衰務以免稅招徠華僑自營大埠今只二十五戶丁口百餘依里嘎山爲縣治之鎮俯視江流今一名綏遠山

物產 達摩哈魚生於海而泝流入江雌隨雄後長者一二丈短亦五六尺魚頭有孔噴水高數丈赫哲人用魚皮爲衣故名魚皮韃子每年上泝一次如常黑魚泡之黑魚秦皇魚鱸之秦皇魚皆珍味也完達山產野獸亦多樹供薪炭

教育 縣立單級國民學校一。學生十三人。校舍荒涼。未能建立高等小學校。然設縣不爲不久。果先立國民學校十數處。分布各屯。則轉瞬四年。可次第升學。卽魚皮韃子。亦應仿黑龍江鄂倫春學校。收籠入學。以迪邊氓。

實業 對岸與俄貿易。北岸鐵路橫亘。車站林立。輪船碼頭。吾國境內。僅有各站。稍有店肆。俄屯對岸。吾國民雖一二人。守三間房。亦爲俄人所願。蓋俄人禁酒。則吾國內酒利較多。太平山莫勒山。秦得山。森林未啓。不甚密。沿烏蘇里江。海青魚廠以下。漁業最盛。中俄所爭也。朝鮮墾民三十一戶。宜豫防也。

鄉鎮 鄉屯之重要者。曰防守屯。曰永樂屯。曰國泰屯。曰固本屯。曰富有屯。曰民康屯。曰強盛屯。多在烏蘇里江支流之上。自成一屯墾區。沿江直至饒河界。設屯無異設站也。太平山爲韓民所集。

交通 戊通航業公司。有輪船上下。設事務所。上至同江。三百六十里。陸路各站。亦沿江以西。曰濃江站。曰色拉庫街。曰得利。曰額圖。因沿江沮洳。大路不能不距江稍遠。濃江有小路。則木把獵戶所出入也。有郵政。無電報。

第四百四十二章 樺川縣

樺川縣治。東經十四度三十二分。北緯四十六度五十七分。在省東北一千四百零五里。東至富錦同江。南至密山。西至依蘭。北以江界黑龍江湯原。渤海以還。純爲靺鞨人所居。清初爲不屬佐領之黑斤人所居。宣統元年設治於佳木斯。名樺川縣。蓋因初欲設治於樺皮川也。二年因水患移治悅來鎮。今仍之。佳木斯仍爲下游糧食之中心。雖經匪擾。而地土膏沃。開墾較易。市帖充斥。錢法毛荒。乃商團竟有通匪之事。歲費三萬元。而成敗如此。雖撤換隊長團丁。亦敷衍了事也。

山脈 馬鞍山最峻。西有分水岡。又西北至歪頂子。分大峯堆小峯堆兩支。南有孟家岡。西有八虎力山。接於界上烟筒山。

水系 汶澄河、柳樹河。出分水岡北。經縣東入松花江。音達木河。出分水岡西。經縣西入松花江。八虎力河、七虎力河。西南入倭肯河。

物產 農家中稔畜一年糧。禁運出境。足以備荒。蓋恐不足民食。木柴燒炭最多。樺樹有香樺、臭樺之別。香樺硬。臭樺軟。樹身色白。葉爲圓形。邊有鋸齒。

教育 國民學校。縣立三。私立二。縣城高等小學校一。然國民學校無異私塾。高等小學。設備未完。師範畢業生。尤憚於地方瘠苦。錢法毛荒。不肯安心教授。是以教化不進。惟有先勸學田。以待墾闢。先植其基乎。

實業 商務夏日較旺。因夏日輪船暢行。山水順流。柞樹岡。祥子場。亦易運出。葡萄溝。產野葡萄多。可以造酒。金鑛有筆架山。安溝。大沿溝。太平川。皮溝。大青背。多已開採。惜農狃於種烟之利。慙不畏法。陷身為匪。橫被兵災。可誅可憫。難民逃戶。自棄田廬。氣象蕭條。良民富戶。裹足不前。勸業大不易也。

鄉鎮 佳木斯不但爲一縣鄉鎮之冠。依蘭下游。再無此鉅埠。其南有大龍溝站。爲陸赴依蘭要衝。沿江蒙古力。蘇蘇屯。汶澄崗。皆舊日列站。山中惟聚寶山。臨首達木河。自成市集。東南深山中。有梳粧樓。爲勃利夫人古蹟。

交通 戊通航業公司。有輪船上下。委託東盛恒爲代理店。佳木斯在縣城上游八十里。亦有小輪停泊所。且有電報局。江省湯源電報。亦由此轉。縣城佳鎮郵局並列三等。實際則佳鎮交通爲便。

第四百三十三章 富錦縣

富錦縣治。東經十五度四十二分。北緯四十七度十分。在省東北一千六百四十五里。土名富克錦。東與南至同江。西至樺川。北以江界黑龍江湯原。清以前之沿革。與同江樺川略同。清爲黑斤人本部。光緒八年始設協領。尋置分防巡檢。宣統元年改設富錦縣。今仍之。富烟禁未嚴之時。下游各縣。及俄邊烟土均壟集於此。一時商務冠於東北各縣。迨烟禁嚴。行市面轉覺蕭條。然地土肥沃。改種農產。均可獲利。奉天昔年售一响。在此可購一方。熟地每响三元。荒地半之。

富錦之古蹟

瓦利活吞。活屯亦作和屯。滿語城也。在縣西。與樺川縣交界。地北傍松花江。建於嶺上。蓋山城也。

烏龍活吞。在瓦利東百三十里。今尙爲赫哲人所居。土名卡爾庫瑪。

對面城。在縣東南八十里。有古城二。夾七里星河。南北對峙。是河今與饒河縣分界。故南城已屬饒河。實最大古城。土人不知其名。新來墾民以對面城呼之。

夫替活吞 在縣西十五里附近之地。今亦名夫替岡。有赫哲人百餘戶居此。因又名夫替大屯。考此城爲古時東方四子部之中點。清遠祖實居此。見羅剎外史。四子部着一爲愛新覺羅部。係清之本部。譯漢姓曰趙。其餘三姓則在依蘭。活吞吉利 在縣治西門外。

教育 縣立國民學校三。高小學校一。皆單級。

實業 撓刀溝爲烟匪所集。破依蘭時集衆萬人。各有槍械。京師政黨有運動者。烟匪只以種烟爲業。不豫聞政治。不久亦散。後因軍警搜烟。綦嚴。匪徒分得烟土。至街市分銷。悉被搜檢。遂變爲小股分擾吉黑交界。彼則自稱初意只務農也。

鄉鎮 南有懷德鎮。又名中安堡。爲寶清要道。沿江和悅鎮。康阜鎮。皆新設。霍悅路。

哈爾庫瑪。三道烏龍。則舊日台站沿江者也。山西屯則山西人集居。

交通 使大使鹿部。所使非尤。非鹿非牛。非馬。土名堪達罕。俗名四不像。漢名駝鹿。用以曳車戍。通航業公司。有輪船上下專。設事務招攬客貨郵。路沿江二百四十里至樺川。其間未設分局。蓋郵件悉交小輪船。冬日以爬犁專送。

第四百十四章

饒河縣張朝柱

饒河縣治東經十七度十四分北緯四十七度九分在省東北一千九百四十里當饒力河南岸縣治亦名撓力河蓋滿語謂禽鳥衆多之地曰諾羅漢音轉爲撓力耳東以烏蘇里江界俄屬東海濱省南至虎林西至同江北至綏遠明初爲奴兒干都指揮使所管之尼瑪河地後爲渥集部之諾羅路清初爲黑斤人所居宣統元年置饒河縣今仍之縣治原在佳河屯今移至饒河口熟地每晌只一元荒地倍之與綏遠同爲最低額以廣招徠丁口不過一萬三千升科地只千五百晌稅捐年千餘元

山脈 自虎林安巴倭克里山北界東至拉丹哈達拉嶺橫空盤鬱萬徑無人北至佛力山老營盤嶺漸有人跡東北至饒力葛山至河濱今名饒山

水系 饒河上源出密山經寶清之南入縣境北岸經同江境至縣治之南又東流至船口出河口入於烏蘇里江其南有入江水水九

物產 河魚鯉鱔甚繁大鱗細鱗各以形別黃白黑青各以色別草根槐子等魚已有魚捐燒鍋已有酒捐鳥則野雞沙雞樹雞水鴉鳩鶻百靈獸則狐狸爲最

教育 四區各留學田一千三百五十畝。全境共五千畝。自行招墾。惟居民稀少。招生若不足班。學齡兒童只三百八十餘人。公立學校未成。只有私立一校。學生三十人。無常年經費。陸軍到防。又奪其校舍爲營部。惜哉。

實業 山野生業四種。有木營爲伐木人之團體。沿河多山林。河流易轉運。二曰菜營。範圍甚廣。種參之戶。旣植藝連畦。外如黃蓍白芍等藥品。並列畝而栽。其種甚薄。又伐榆柞生木耳。他如采參。捕貂深入嶺谷。行踪尤不定。年來種菸者盛。

鄉鎮 東安鎮在縣東一百里。臨烏蘇里江。今已成街市。他日可成縣治。燕窩名目甚雅。餘如西通。霍倫。三人班。偏江。小安河口。雞心口。大帶河。團山鎮。小別河口。大別河口。多曼。七星河。因吾民耕稼。陶漁之地。爲之治道塗。防匪患。則墾戶或可集乎。未放荒七萬畝。今長泰長豫長豐長益四區共二十一屯。

交通 官款商兌。均以密山爲中心。蓋富錦至饒中。隔山道。依蘭更遠。惟上循饒河之濱。西風溝。燕兒溝。大小索倫河。四方頂子。經寶清各地。逾密山北之土山。南至密山。有郵政。無電報。近於俄路火燒站。小青河站。北京站。

第四百十五章 方正縣

方正縣治。東經十二度五十四分。北緯四十五度五十二分。在省東北九百二十里。東至依蘭。南至寧安。西至同賓。賓縣。北以江界黑龍江。通河。元屬呼爾哈。萬戶府。明季屬呼爾哈部。及諾雷部。清光緒三十二年。設大通縣。治於江北。崇古爾庫站。嗣因江北之地皆撥歸黑省。宣統元年。迺改設縣。治於江。南方正泡南。旗產地界。定名方正縣。東西二百二十五里。南北平均百二十三里。面積二萬七千七百七十一方里。升科地四萬餘畝。南多岡陵。北臨松花江。平衍沃壤。僅三之一。而人民之業農者。則占十之六七云。

山脈 龍爪溝嶺。阿穆達山。至老翁嶺。北至德墨里山。長方如硯。東南雙鳳山。西南丹鳳山。風景並佳。東南大泉眼山。有泉。

水系 松花江自賓縣黑水泡入境。流二百三十里。至洙淇河。依蘭界。通輪船。東界牡丹江。西十二里。螞蜒河。通帆船。

物產 方正泡在縣北二里。產蛤有珠。蓮花泡向產蓮花。農產皆備。足食有餘。黃烟線麻藍靛。產出亦多。

教育 有新編方正縣志小冊。可爲小學鄉土課本。縣立高等小學校在城內。較爲整齊。四鄉國民學校。亦按年推廣。文教冠於依蘭各縣。而遠遜上游鄰邑。所謂目僅識丁。卽自命爲士也。

戶口 八千一百九十二戶。男二萬五千四百七十二人。女萬八千二百五十七口。實業 老爺嶺森林甚多。沿江小河運出極便。是以木商恒獲鉅利。有鏡波公司。裕方公司。阜濟公司。及小商無數。民皆務農。而沿江之網房。漁業亦盛。鑽有金煤。未卽開采。

鄉鎮 以德墨里爲最重要。通河縣亦借此發電。湧淇河亦臨松花江。水運頗便。烏斯渾臨牡丹江爲縣東要地。縣西則會發恒市面殷實。新安站亦當衝要。南天門北臨松花江爲後起市鎮之冠。西北有高麗主墳。又有高麗城在東南。

交通 郵路北四十里達通河。東三十五里通德墨利。爲電報局所在。西南二十五里會發恒街。由夾信子通同賓烏吉密。始接於鐵路。站道由德墨利湧淇河沿江以東。通依蘭。由新安站西通賓縣。南天門臨松花江爲輪船碼頭。

第四百十六章 穆稜縣

穆稜縣治。東經十三度第十八分。北緯四十四度三十七分。在省東北八百里。東至密山東寧。南至東寧寧安。西至寧安。北至依蘭。金爲女真別部。世祖本紀拉必瑪察據穆稜水。使阿里罕往撫之。是也。明爲木倫河衛。清初仍稱穆倫部。光緒二十八年設穆稜河知事。隸綏芬廳。宣統元年改縣。今仍之。俗呼爲穆稜河街。北負大山。東南臨水。且臨鐵路。天然之建設。人文之發達。日新月異。所謂西引歐風。東挹美化。爲世界之中衝。列縣中惟濱江可步趨也。

山脈 穆稜窩集嶺。環本縣之南。及東南西南。最高處曰三個頂子。有林場。同益公司二百五十方里。地方民林二百方里。產松柞楊樺。西亘黑土嶺。北至廟嶺金鑛。水系 穆稜河源出穆稜嶺。東北流。納泉眼河。小石頭河。偏臉子河。經縣治。北納柳毛河。南納興隆溝。太平川。朝陽川。又納扣水。河北流。入密山界。

物產 森林盤亘。古榆樹。空楊樹。留爲紀念。梨樹溝。爲天然果園。黑瞎子溝。狐狸密河。野獸可獵。羶羊。褶子。亦蕃滋。細鱗河。產細鱗魚。楸皮溝。涼水泉。有金鑛。

教育 民國四年始有縣立高等小學一國民學校。今縣立國民學校增至四處。私立一校。全縣學齡兒童一千四百八十八人。入學者四百五十二人。與人口千分之一。洪荒初闢宜早定學田。造林基產。

戶口 二千三百八十一戶。男一萬零四百八十八名。女八千五百二十一口。

實業 穆稜車站宜開爲最大工商場。合各森林小公司設火鋸廠。獸皮既多。招工銷染。設大皮貨廠。製皮帽皮鞋。行銷必多。金鑛亦設爐自煉。務令濱江東南沿鐵路貿易集中於此。今熟地不及萬畝。可墾地十五萬畝。歲出糧食已四萬六千石。鄉鎮 八面通。下城子。生聚最盛。被匪最烈。孤榆樹屯。楊樹嶺。類以植物所產爲名。馬橋河站。卽抬馬溝爲全境第一大站。西南有泰東站。七站八站。沿鐵路而盛。縣北上亮子爲赴密山之要道。亦成市集。西南新滿茶館。地方以茶館得名。交通 穆稜河站。距城十八里。中東鐵路要站在八站九站之間。東至密山。西至寧安。皆有大道。蓋東至五站。卽交俄界。門戶洞開。和平時周歷環球之萬國臥車公司。有通票過此。西向抬馬溝。爲赴哈埠回省。晉京之要道。三日可以到省。

第二十篇 蒙旗

第四百四十七章 郭爾羅斯前旗

郭爾羅斯前旗鎮國公府。東北臨松花江。以江與扶餘分界。卡倫屯與扶餘隔江對峙。東南自郭家村江濱。循東花園。白鶴山。至大青山。與農安分界。西南黑砬子。博楚爾班。伸至青火燒嶺。與長嶺分界。橫亘小沙漠一道。與長嶺北境相連。當托托武府之南。扶餘西南渡江。有鄂莫爾站。察占滿站。其齊里滿站。昔爲要道。其北則蒙古屯。清末就旗地放荒。於是公府之收入。尤爲殷富。比之上古封建之國。無此安榮。漢蒙相安。無愧共和。惟婚姻罕通。住居睽隔。宜由漸而共進也。

郭爾羅斯部之沿革

本契丹地。遼置泰州昌德軍。金金安縣。元爲遼王分地。明爲科爾沁所據。後分與其弟。烏巴什是爲郭爾羅斯。清初天聰七年。台吉古木及布木巴來降。後封古木弟桑阿爾寨輔國公。世襲掌前旗。布木巴鎮國公。世襲掌後旗。民國以來。優待蒙旗。王公爵賞尊榮。亦如舊制。

教育

蒙旗有款無人。惟當差子弟。粗習蒙文。間有習漢文者。蓋清制禁蒙古人習漢文。蒙古人亦利用愚民易制。奴隸世僕。無讀書之資格。王公貴官子弟。所延私塾教員。多未得人。世家子弟。不恃學校爲出身也。

實業

昔日全以畜牧爲業。今牧地大段。放爲民業。有地者以食租爲生計。比昔日更優裕。少數生計荒地。則任家奴游牧。以供本旗蒙衆之芻豢食料。尙覺有餘。歲有牲畜出口。其餘若牛羊皮。張羊皮均爲大宗。獸骨輸出者亦不少。大布蘇地方。有蘇廣味。京貨浙緞。輸入甚多。私帖發行者二家。初田租全歸蒙旗。今分納國稅。蒙情。公府卽地方政府。部下種人。服役已久。屬官皆由公府委任。對於地方之權。倍於縣知事。文牘訟獄甚少。其旗制卽係兵制。惜公府力仿京師王公府第。以遂其奢。地方百事。無一舉者。

交通

郵路自公府東南六十里。農安縣屬哈拉海城子。東二十里至高家店。又二十五里至萬金塔。又六十里至張家灣。東省鐵路車站。陸程二日。從容可達。爲出入門戶。蒙人視之。比長春尤要。云。電報自扶餘接線。公府有電報局。

第四百十八章 已墾蒙荒

吉林之長春、嶺南、農安、德惠、四縣，原係蒙荒。長春、農安開墾早，德惠則由長春分析。長嶺晚開，小有沙漠，土質礫薄。昔放荒伊始，荒戶包攬大段丈地，委員視土地不甚愛惜，不免浮多。自設清理田賦局，始自報升科，蓋清丈時定有七扣，實地百晌，納租七十晌。長嶺縣及農安西境瘠地，並長春十一、二、三甲，原定三扣，如私墾官荒，無租黑地，及台站私佔地畝，均按上中下三等收價。當年升科隱匿地畝，歸蒙旗另放。漢蒙合璧執票，由清理田賦局發給，滿蒙合璧大照，由蒙旗刷印鈐用，印信省公署加印發給。

長春

長春市上設有蒙古地租局，四縣稅捐徵收局，經徵牲畜斗稅、銷場豆麥及蒙照、燒鍋等項稅款，除照章提一成經費外，再以九成與蒙旗分成撥用。四縣蒙租處，於甲乙兩區，竟有甲區收永洋，乙區收現洋，賦稅不平，已由省議會提案審查，乃以蒙人持之堅，遂定蒙租悉付現洋，以示優待。蒙旗收入既豐，購買長春洋貨及蘇廣各貨，運回公府，增益奢侈，居移氣養，移體不自覺也。

德惠

哲里木盟長咨下九台張家灣商埠。蒙古日留街基。請免繳價。省署咨復二處。均係商埠。並非外人居留之地。不能照長春開埠之例。仍請一體繳納。且下九台佔吉德兩縣之間。所佔民地。既須給價。蒙民所領街基。自應收價。張家灣地方。蒙旗所領者。僅德興街路西二段。第七區墾戶。林氏頗盛。

農安

民國十年十月一日開征。蒙員來縣設櫃。關於蒙租三角。奉今改徵現大洋。其國賦二角。仍收永衡大洋票。歷年陳欠。一律照繳。農人賴有怨咨。幸收入農產尙豐。近有請在伏龍泉鎮添設縣治。未批准。共墾蒙荒二十一萬响有奇。已通汽車。

長嶺

民國八年。曾被水災。共淹地二萬一千七百三十八响。沙城地十五萬响。未墾。縣北之北溝。西至烏爾圖布呼圖。北至南平鎮。中隔小沙漠。其間有古城。昔日必有水澤。全境熟地。尙有十二萬三千餘响。普力公司。糧不報稅。今繳稅矣。

第四百四十九章 未墾牧場

吉林西北原郭爾羅斯蒙旗地。地曠人稀。雜草茂生。牧畜最宜。南北約二百里。東西約百里。其餘則有依蘭以東沿松花江岸四十餘里之荒地。與凱湖與蜂蜜山間東西約百餘里之蓄濶。及延吉琿春間與朝鮮爲界數百里之平原。皆最良之天然牧場。由人力經營者。則依蘭城南七八里有官營牧場一。長約三十里。寬約十里。又城正南里許有民場一。周約二里。扶餘城東七里亦有官營牧場一。畜產頗盛。郭旗生計地日闢。牛羊羣尙爲大宗也。

游牧之孳生食料

羊草 葉窄莖細高二尺餘性最軟。生於荒甸。

小葉張草 性硬食不易化。作房上草則優。

野生之植物

蕨菇 荒甸產。磨之地。草茂色黑。營盤磨作圓形。則因在帳外棄牛羊臟腑也。

木耳 生於已倒大樹之上。

游牧之狀況

問富數畜以對。蒙古王公台吉喇嘛。凡有官職者。無不有牲畜。官愈大則愈多。彼此比較。如古禮數畜以對。千乘百乘之家。蓋尋常事。惟奴隸無牲畜。有俄官游蒙。答以家無牲畜。只有汽車。蒙主視爲奴隸出身。不加敬禮。

谷量牛馬。蒙古牛馬太多。不可數計。道自稱有數十溝。因水草所在計之也。分家則各房男子得若干溝。不計小數。今頭二道溝已開墾。蒙王租息多而牛馬少矣。

匹頭交易。蒙民以牛馬羊爲貨幣。昔多以牛馬一匹。易綢緞一匹。來源甚古。今猶如是。名曰匹頭買賣。牲畜販入內地。得利數倍。

馬行速力。蒙民每人必有一馬。無論遠近必乘之。有於十數里辨毛色而知其人者。蒙古人在野。眼光寬也。日行千里。以五百里爲常。

牛羊食量。昔年日食全牛者。殆非奇事。今猶有日食全羊者。開荒後守舊者仍內徙。守滋牧舊日法。

第二十一篇 舊界

策百五十章 東海濱舊地

有清每自稱龍興東海。滿洲名臣亦多出自東海渥集部。乃寧古塔將軍西徙。吉林軍備。遂視東海若無足重。咸豐微弱。英法入寇。俄使乘間劫盟。以巧取我萬里無人之間地。吉林將軍景淳。黑龍江將軍奕山。皆視空地無足重。任意贈送。自樞臣以至邊吏。若奕訴。瑞常。成琦。特普欽。愛伸。泰富。隆額。圖欽。吉拉明。阿富尼揚阿等。皆萬世罪人。媚外無識。蓋損失國土之廣。殆與東三省面積加大。彼時全國鼎沸。髮捻回匪。四分五裂。內地不統一。則邊境易蹙。東隅已失。亦前車之覆轍。

烏蘇里鐵路

創於一八九二年前。俄皇尼古拉斯二世時。猶爲太子。曾來遠東。於途次手撥一石。以行開工禮。閱五年竣工。其自雙城子至伯利之支線。則又後二年工始竣。此路橋梁工程最鉅。如利浦河。伊曼河。畢克河。克雅河。哥爾河。橋之長者七八百尺。短者亦二百五十餘尺。伊曼停車場並有枝線通至江畔之革拉夫斯克。冬季積

軍之出發點也。

新舊種族之天演

舊族 窩集舊族明智。早已編旗。移省移京。今猶顯仕。牧獵之民。智識低淺。田野愈闢。山荒愈少。生計愈困。如荒島土蕃。終於自滅。其數日減。

新族 漢人日人韓人皆務農。亦務商。而規模稍小。西人鉅商。造成鉅埠。遂爲主人。俄有主權。其民特盛。

中俄移民之比較

國力 俄國以全國之力。經營遠東。所有移民。免車費免稅。並給予各種獎勵。俾移民安其生。吾民則自恃人力。不藉國力。是以難也。

家力 俄國農商多挈眷。女子亦可帳目。中國商人多不携眷。卽携眷亦徒爲衣食之累。不能爲營業之助。然華人千萬。在東海濱有租地之權。娶俄婦成家。

人力 華人耐苦。多任勞動工作。且工資較廉。而信用最重。俄人休假太多。人習酣嬉。華人雖例假。亦照常營業。

第一百五十一章 海參崴陸是元

海參崴爲吉東良港。光緒初聶士成閱邊至此。吳大澂分界。失沿海重地。俄人橫貫歐亞之西伯利亞大鐵路。以爲東端。東譯爲浦鹽斯德。又名海灣。曰大彼得海灣。海參崴半島南垂。西有阿穆爾海灣。東有烏蘇里海灣。南有一島曰諾羅港。東有索伯力港。吉林黑龍江出海貨物。多取道於此。惟冬期封凍。氣候不良。昔爲無稅口岸。以廣招徠。吾國特設總領事於此。有輪船運赴上海。俄國分裂。海參崴常自建西伯利亞假政府。極東政府。新舊革除。久而未定。吾國派軍艦戍。以保華僑。日美聯軍亦由此進駐焉。

海參崴之各種人口 清宣統二年調查

華人	男二八五九一人	女 一二〇九人	共二九八〇〇人
俄人	三一六七五	一八七七六	五〇四五—
韓人	二一三八	一七九	二三二七
日人	一四三七	八〇八	二三四五
歐人	七八二	四五四	一二三六

猶太人 一二 四 一六

雜種人 六〇 一〇 七〇

通古斯人 一四六 一〇一 二四七

他種人 一六六六 八四三 二五〇九

共計 六六七七六 一三三八六 九〇一六二

俄亞銀行

舊名華俄道勝銀行。修路之初。即沿路設分行。發行俄幣。名曰盧布。華人名曰羌帖。原係金本位。是以每百盧布。會漲至銀元百廿元。俄亂紙幣跌。今無人願用矣。北京俄亞銀行。蘭德證明此銀行是股份公司。俄國國民事業。曾在俄京注冊。

法公使卜柏。證明俄亞銀行。有東省鐵路股分全部所有權。

交通 自海參崴達俄都森彼得堡。初開車時。計程十四日。然快車不過十日。自此四百八十九海里。至日本之敦賀。以達大阪。爲東西之要道。哈爾濱至海參崴。行車凡四十點鐘。地方較爲繁盛。各國貨物欲運往吉江者。必取道於此焉。

第五百五十二章 伯利

伯利當烏蘇里江入黑龍江口之東岸。俄名哈巴羅甫斯克。東海濱省之固畢爾那託爾駐焉。昔爲勃利國故都。東海濱形勢狹長。海參威偏於南。爾爾偏於北。皆可爲道治。不足爲省治。伯利鎖鑰全江。與長江之金陵相等。有龍蟠虎踞之勢。以肯容塔阿林爲中幹。東流入海。西流入江。百川所出焉。耶字界牌本在伯利東岸。今西移九十里。立於通江子入江之口。所成三角洲地面。俄人竟設防權稅矣。其他一江一湖一山一湖之隔。界碑能確定乎。吳大澂之銅柱。彼則取歸爲博物院陳列矣。

軍事之建設

槍礮製造廠 陸軍招據所在。原鑿復日本大讎。侵中國邊境。

子彈庫及火藥庫 倉庫百六十間。彈藥車三千餘輛。可共六年戰爭之用。

糧秣總廠 有倉庫三百餘間。備三年之糧。

全境軍隊 約二十餘萬人。歐戰時回國赴前敵。多死於戰。不戢自焚也。

俄人奢風之傳播

居處 洋樓汽管。先自官署仿效。西豪商繼之。濱江屋每間月十元。比京師五倍。器用 鋪地之洋毯。麗於內地富戶之牀。既電燈十支光已足。亦濫用百支之光。飲食 從前乾雅客之酒。珈琲之茶。呂宋之雪茄煙。一切不必用者。皆用以待客。馬車 自快車駕西伯利亞馬飛馳。於是騾車無人過問。濱江已有電車及汽車。風俗 貪官舞弊。奸商賣空。巨騙豪賭。優娼徵逐。超過舊俗數十倍。收回之主權

戊通航業公司 設總公司於哈埠。伯利廟爾皆設分公司。

華輪公會 戊通以華人收買俄輪。行駛伯利廟爾等處甚多。

正領事報 原駐副領事。今擬晉等設正領事。

不禁華工 民國初俄工忌華工入界。歐戰後死亡壯健太多。華工入界日盛。

交通 鐵路南通海參威。近日機關車少。只五十七輛。每次只可開郵政車。往返各一列。客貨各二列。沿路倒車暫有機關車二十六輛。四大列。金斯科至伯利鐵路一千五百二十五俄里。東段已成一百八十三俄里。

第一百五十三章 雙城子

雙城子在中國東界一百八十二里之外。爲烏蘇里鐵路分歧處。南至海參崴二百二里。北至伯利一千二百三十二里。皆一車可通。雙城皆似遼金古蹟。名曰雙城子。以別於哈爾濱之雙城堡也。昔與海參崴同爲無稅口岸。商旅惠來。惟嚴禁燒酒入口。因俄人恒酗酒滋事。情如瘋癲。不比華人醉則高臥也。俄人注意沿邊。是以烏蘇里各車站。皆就沿邊各屯。聯如貫珠。實古人雙城子并列之精神。吾國沿邊千里無人。今沿烏蘇里各縣皆係新設。猶幸補牢未晚也。

俄人移民東方政策

分布 國家費先移民五十萬至雙城子。分布伯利海參崴各大埠。

開墾 沿邊每年移四萬戶。大戶給二百元。中戶百五十元。小戶百二十元。

建設 開道鑿井。悉由官費。

邊屯 大屯五六百戶。小屯亦二百戶以上。

道路 兩屯之間。必通快馬車。且有定時。

東烏兩路聯絡運輸之規定

一 東省鐵路一帶之穀類。經由巴克拉。向海參崴方面之輸出。自十年十月十五日起。每日開發二十貨車。

二 山東省鐵路出資。在海參崴埠頭。建築起重機。直接將穀類。自火車移積輪船。免致入庫之損耗。

三 貨物之保險由鐵路公司及保險公司。負擔各半。

四 東省鐵路出資。建築能容一千噸豆油之油桶兩個。爲貯藏自哈爾濱輸入豆油之用。豫備移積輪船輸出。

按雙城子爲東烏兩路綫之聯合點。是以論兩端則哈埠海埠重。中樞在此。貨車時間。尤盼加速也。近日糧石傾向由威出口。即東省聯絡之效也。

交通 幹路至海參。威枝路至伯利而外。由雙城子至耶夫格尼也夫站。續開之車。各一列。沿路今日爲日本軍隊所據。勢將奪主。俄新黨炸毀橋梁。交通中斷。可謂競爭之劇烈者矣。

第一百五十四章 廟爾伯利探路記 京滬各報

廟爾城即大清一統輿圖集達特喀城扼黑龍江之口前明奴兒干都司治所俄人之以爲尼果來斯斯科以彼國帝名名之可見其重也倭文書報省曰尼港華僑在北者仍呼廟爾然廟在城之上游二百五十餘里名曰永寧寺旁村市曰特林即永寧之轉音有二碑矗立江邊巖上一爲永樂中所立一爲宣德八年重修時所立皆記太監亦失哈撫諭奴兒干及東海苦夷事今其地又名廟上或名廟街咸豐十年棄地歸俄漢人從逐殆盡今之華僑則近時營商而往者近日本尙駐軍一旅將擴爲已有焉

廟爾與本國之交通

華輪自哈爾濱下駛不能越富錦縣一步今戊通公司成立東省長吏根據瓊瑯條約挽回固有利權南翔號江輪由廟爾上駛泊在伯利俄官遽起抗議正式交涉五色國旗遂得飛揚于混同下游共汽船百七十七拖船百二十六

廟爾之人口 依民國八年之調查共一萬二千二百五十人。就中華人三千三百三十人。韓人九百十六人。日人二百九十一人。餘爲俄人。每夏礦工漁人驟多。

江亨之交涉

俄人謂之尼港。民國九年三月。俄人屠戮日商七百人。倭人遷怒于駐札尼港海軍礮艦江亨。交涉經年。竟歸失敗。彼國外務省公使館所公布之條件四端如左。

一、中國政府對於本件。特向日本政府表遺憾之意。

二、江亨艦所屬艦隊司會官向海參崴日本軍司令官陳謝。

三、中國政府對於該艦長以下之關係者。加以處罰。

四、中國政府以弔慰被審者之意。味交三萬元於日本政府。

廟爾官商各機關 阿穆爾省採金區公所 清金化驗所 防軍事務所 郵政

局 海關事務所 埠中金庫 道勝分行 借貸銀行 圖書館 自治會

官醫院 天文臺 女子中學 實業學校 阿穆爾輪船事務所 東亞報館

水上救生局 義勇水會 公共俱樂部 軍官俱樂部 里蠻及東 濱報館

進口之船隻 日本輪五十 帆二九 挪威十七 俄十五 英六 法五 丹麥一 共百二十三艘

產金之地點 安公河 阿穆爾採金公司 鄂料勒及赤利亞湖 烏德利

第一百五十五章 黑龍江下游

黑龍江自伯利以下。至於廟爾。大同向東北流。愈北愈寒。外興安嶺。爲南北大幹。舊吉江分界。下游一大段。昔時全屬吉林。卽江北支流亦屬吉林。今完全屬俄矣。然下游城市。不如上游之盛。伯利廟爾之間。無一著名大埠。蓋外興安嶺東麓。至沿海。山勢漸低。無崇山峻嶺。爲北風之屏障。農時遠不如上游。誰肯去逸而就勞。是以下游。經俄人擲鉅幣經營。必須上流墾畢。或可移殖也。伯利至廟爾。已有中華軍艦商輪行駛。以符原約。俄自亂我自強。天心或有轉機乎。

黑龍江下游各支河

溫瑪河 出布連斯奇嶺。曲折東南流。過楚爾奇山麓。納庫爾河。合流入江。

庫爾河 出烏列克赤嶺。西南流。入於溫瑪河。

索列庫里河 出肯客塔阿林山。西流入於江。河口對庫論。

赤庫赤河 出吉昂嶺。西流入江。

喀爾河 源與穆愛河。西流入江。

嘎林河 出達雅嶺之北。經嘎林會那倭林湖。東南入江。

那倭林湖會多斯滅河。成湖。南流入 林湖。

圖都爾河 與海濱托羅河同出分水嶺。

留穆舒爾河 出斜特闊山。

奇古湖 江南受江水成湖。引爲渠。東北入於江。

畢赤河 如彎弧形。自西岸東流入江。

伊里都河 東北流入於畢赤河。

穆根河 出外興吉黑舊界。

札察昆湖 四山之中。北分三渠入穆根河。

克爾畢河 出外興安嶺。東北入穆根河。

尼密連河 出外興安嶺。東南入穆根河。

伊穆河 出斜特闊山。北流入穆根河。

庫里河 出奇溫嶺之東北。南流入江。

第一百五十六章 庫頁全島

庫頁島在黑龍江口外。大清一統圖列於吉林。亦作庫葉。皆苦夷轉音。海國圖志作黑龍嶼。水道提綱作大長島。大清一統志作大洲。會典圖說亦然。皆同地而異名也。外人論庫頁則見於地理全志。日本稱樺太島。一作唐太。又稱柯太。俄則稱爲薩哈連島。以與薩哈連島拉相對也。南北長二千餘里。東西寬數百里。本滿洲領土。觀一統志及會典圖說所載。皆確鑿可證。姚文棟籌邊論云。庫頁島直混同江口。如崇明之鎖鑰。長江臺灣之屏蔽。浙閩清初尙隸版圖。今則竟爲倭俄分據矣。

庫頁島多風重要之成因

- 一。由於俄貨茲革海及日本海溫度之差而生。
 - 二。由於大陸及俄貨茲革海溫度之不均而生。
- 有以上二因。故共方向爲自南而北。或自北而南。風力最強。而島中山脈又多南北蜿蜒。不能施防衛也。

庫頁島之二寒流

一由俄貨茲革海之東北來向西南行更可分爲二。

甲冲島之北部沿東北向南至北知床港會宗谷海峽來之暖流寒溫稍融合。

乙沿本島東北岸南向直達千島羣島其力則全然消失。

二由俄貨茲革西北部來沿本島西岸南向注入日本海。

庫頁島之暖流

對馬潮流薩哈連暖流皆黑潮之支流過宗谷峽峽至本島南端沿海岸進北知

床岬與寒流遇化爲小暖流俱沿島之西岸而行。

庫頁島之物產

木材 十五億八千四百萬尺。每年所采只九百餘萬尺。

炭田 敷香河畔日俄之間延長百二十里。西海岸及南島端亦盛。

水產 鯨鱈鱒三種。大漁場三百三十。雜魚場二千八百。製蟹罐頭工場八十。

農類 麥類收穫二萬六千餘石。不及一邊縣。

動物 貂皮昔多今少。

第百五十七章 俄人經營庫頁

俄人東侵。始於明清之間。崇禎十二年。達於極東鄂霍司克海。旋至堪察加。又至千島。逐漸蠶食。未幾。勘至庫頁島。遂輸囚徒。使開漁鑛之利。一七八九年。遂於島之南岸。母子泊地方。置政廳。設監獄。立教堂。駐守備之兵。復移殖住民。謀實業之發達。測量西岸。虐待土人。又至格南里肆行劫掠。於是庫頁島盡入俄人掌握。而倭人之蹤跡。亦於是時至該島。倭人佔據島之南部。俄人與之屢次膠轕。迄未解決。光緒初。兩國立約。以千島屬日。而以庫頁全島歸俄。日俄戰後。日據其南。兩國竟各得其半矣。

庫倫本島之要地

南段 瓦斯坦 庫松科坦 摩爾威瓦海灣 瑪勢艾卡倫

中段 黑里都 烏倫普 波羅奈

東段 諾闊爾

北段 萬吉卡倫 額勒窩 秦具爾窩 旬喀勒灣

庫頁附近諸島

東海島 沃新楚魯峯島 圖勒庫島 雅普格哩島 海內天然八島

以上諸島皆在黑龍江口附近

珊延島 小多璧島 西斯赫島 阿薩爾島 大多璧島 狃狃斐顏島

扎克 吉島 法薩爾吉島 岳杭噶島 鄂爾博綽島 特依楚島 翁郭勒

綽島 和爾多島 蒐楞吉島 勒富島 雅哈島 摩琳島珠島 日鹿島

以上諸島皆在庫頁以西

庫頁之山峯

圖克蘇圖山 音格繩山 塔格瑪山 阿當吉山

庫頁島之河流

博和弼河 杭愛河 題巴努河 溫特呼河 楚察馨河 楚拉河 特肯河

益對河 以上八水皆西流入海

阿當吉河 齊都齊河 塔他瑪河 果多和河 努哩伊河 達希河 薩

河 彌勒圖河 額爾雅河 以上九水皆東流入海

第百五十八章 倭人分據庫頁

民國九年倭人墾殖庫頁島已一十萬五千七百六十五人。查倭人之至庫頁始於乾隆四十二年。松前藩士等至島南部。後幕府亦派人巡視該島。五十四年松前藩始今高橋清左衛門。至西拉奴。建交易所。開漁場。是爲倭人於庫頁設官之始。自後屢次北進。終以險阻而歸。與俄人之界限未分。倭人頗憂之。屢議劃界未果。同治六年。始於聖彼得堡訂兩國雜居之約。明治維新。極力擴張。欲據全島爲己有。旋以千島而易庫頁。日俄戰役。進據庫頁。樸茲茅斯約成。北緯五十度南歸倭有矣。

倭人經營庫頁之略史

清乾隆四十二年 即倭人安永六年。松前藩士新井隆助巡行該島之南部。

乾隆五十一年 大明六年。幕府派大石逸平巡視該島。然此時尙無施設。

乾隆五十四年 卽寬政元年。是倭人於庫頁設官之始。此次巡視西岸至孔達。

東岸至雪蘭。惟向北不得進。乃歸南岸於楠溪置納稅所。又於西岸脫哥奔設事務所。集土人於此二處。施懷柔之政策。於是島之南部。遂爲松前藩所領。

乾隆五十七年 即寬政四年。幕府復派屬吏最上德內、常矩和、田兵、太夫、典恒等。至庫頁島。西岸發見克蘇蘭。東岸發見土富士。

嘉慶六年 匪享和元年。函館奉行屬吏高橋次太夫一貫中村某。更受檢察之命。西至沙耶。東至內富士。向北亦不得進而歸。

後如是數次。終難北進。與俄界未分。倭人憂之。而俄人檢察甚力。屢發軍艦。至東岸測量。並要求於該島開埠。與倭人通商。兩國頗生。

同治六年 即慶應三年。二月於俄京聖彼得堡訂兩國雜居之約。

同治七年 明治維新之初。岡本監輔等極言此島之利害。要求政府不可放棄。於是置開拓使於庫頁。欲據全島爲己有。派外務大丞丸山作樂開拓判官。岡

本監輔等爲委員。至庫頁與俄官談判。俄不應。自後經多次之紛議。迄未能決。

光緒元年 即明治八年。五月。兩國立約。以千島予倭人。庫頁全島歸俄。

光緒三十年 即明治三十七年。日俄之戰。七月。倭人片岡中將率北遣艦隊。佔庫頁島。樸茲茅斯利約成立。劃北緯五十度以南地。畀倭人。

第二十二篇 結論

第一百五十九章 吉林對於全國之關係

吉林在前清二百年本係受協餉之地當時司農但知東南為財賦之區京餉而外又協邊餉東三省遂同西北甘肅西南雲貴同受他省協款在當時部庫統一法令森嚴無欠解者光緒時俄軌南侵日軍之富源乃傳播於東西洋於是時各省新政繁興協款中絕吉省亦開行省以地方歲入歲出比較誠不在中原各省之下凡各省力能建設者吉省必不落各省之後今且稱東北財賦之區者政治文化已與內地行省一致矣人民不多負擔實較內地為重焉

吉林地廣縣稀有即能分析者

- 九臺 吉林縣 下九台
- 福農 農安縣 伏龍泉
- 蘭彩 五常縣 蘭彩橋
- 蛟河 額穆縣 蛟河鎮
- 蘭稜 雙城縣 拉林城
- 臨湖 密山縣 龍山廟
- 張灣 德惠縣 張家灣
- 樺西 樺甸縣 官街
- 龍井 延吉縣 六道溝
- 葉赫 伊通縣 赫爾蘇

吉林省各省區聯絡之狀況

京兆 京城人多在京貨店京菓糕店。寶坻人出塞。以薙頭理髮爲業。

直隸 樂亭一帶近長城者。多出塞營商。耐苦能久。天津商人。多在熱鬧處。

山東 富錦有山東屯。各省新屯。往往多山東人。各城各埠。多占大多數。勞動家。

山西 自匯莊倒。錢業蕭條。不如昔時他項營業。信用尙存。

河南 河南街爲省城最繁盛地。今河南商人不多。

江蘇 上海分設商務印書館。中華書局及五洲藥房。寶清境內。有蘇州王壑地。

浙江 舊時游幕人多。刑席最重。得官久居者多。

福建 水師營自康熙時。自閩北遷林陳大姓並至。今罐頭荔枝亦尋常物也。

廣東 嶺南旅館廣華春。皆粵味。清季官多粵人也。吉林縣屬有廣東山。

四川 程將軍治江。蜀人多才並集。今三省多其舊部。

雲貴 康熙平滇黔吳藩。移其降人於各台站。

新疆 回民多仍署西域之名。

第一百六十章 吉林對於世界之關係

吉林對於世界。有遠蹶東西兩半球之關鍵者。其濱江乎。昔荒曠無人之境。俄軌既成。俄政府昌言中華日本朝鮮。人民八百兆。商貨六百兆。必將出於此途。固一世之雄耶。濱江七日至俄都。八日至德。九日至法。十日至英。此太平無事所計日程。俄亂則節節梗阻焉。濱江之繁盛。不因俄亂而稍減。華界則鬱久必發。有日新月異之象。天時即以中國陽歷爲主。俄歷漸銷。地方業以收回。人民仍一律優待。特設法庭。以清訴訟。特設警察。以資保護。俄幣低落。國幣通行。皆天道也。俄人憑鐵路凌我者。終爲我有也。

吉林可比美國新世界

內省則比於歐洲舊世界

地廣人稀。農工勤奮。

地狹人稠。良民無田可耕。無工可作。

生活程度高。謀生易。

生活程度低。謀生難。

大田以井計。以方計。

小田以畝計。以石計。

新市街廣闊容列車。

舊市街窄不並行。

資重稅。行新政。

民力竭。改革難。

吉林對於世界之觀念

俄 國勢分裂。過激黨仍用俄羅斯名義。而今日與我東省交涉者。則赤塔自立政府。海參崴亦曾立政府。或以爲緩衝國。而各國尙未承認。波蘭。芬蘭。烏克蘭。立陶宛。里特倫。愛沙尼亞。捷克斯拉夫。居然立國。然去我遠。無直接交涉也。

英 商權發達。香港。上海。金。融。天津。營口。隨之。濱江。長春。不能出其範圍。滙豐。匯水。升降。吉林。現洋。立時。漲落。焉。亞細亞。煤油。銷場。極廣。

美 孚。煤油。大王。之。勢力。除英商外。無能爭者。教堂。慈善。施捨。得人心。英美烟公司。兩國合辦。則勢益固。貨物如花旗布之類。銷售亦盛。教會青年尤進步。

法 俄人文學淺近。借用法文。經濟則爲巴黎所範圍。法人多干俄事之因也。

德 德國科學製造品。顏料之類。向在哈埠占大勢力。今已復業。精神再振。

日本 合三島蝦夷。偏處東海。北竊庫頁。國人不知苦痛。遂吞琉球。割臺灣。兩戰遼東。長春建埠。延吉。琿春。日以多事。朝鮮慘滅。內徙者五十萬。彼因以爲利。駐俄各軍。有久假不歸之勢。然觀俄德昔日軍容。又何足畏乎。自強在我而已。

閩侯林氏舊刊各書要目

中國文學史 京師大學校刊

代微積淺釋 武昌陸務學堂刊

微積集證 湖南督學部院刊

圖史通義 湖南督學部院刊

籌筆軒課程 湖南陸務學堂刊

考察日本報告 廣西陸學刊

教育行政論 山東第一師範學校石印

家庭萬寶全書 上海通行本

黑龍江公報 黑龍江圖書館印

龍江教育界 奎垣崇養院本

中華近體詩 共和印刷局本

易水文集 易縣中學校本

山東詩集 山東同本

著作權所有

至一千四百六十七年
辛酉年 前 三日書成

大中華民國十年十二月二十日出版

(大中華吉林省地理志) (定價大洋貳圓)

編纂人 閩侯林傳甲

編輯所 吉林教育廳

印刷所 吉東印刷社

代售處 商務印書館

分售處 京師武學書館

閩侯林氏著述發行部

林下詩存 三角
 以上二書爲林下老人遺著。賢母教訓僅存均商務印書館本。另有遺文。任婦女雜誌。中華婦女界。家庭萬寶全書
 女子歷史 五角

大中華浙江省地理志	大中華江蘇省地理志	大中華安徽省地理志
二圓	二圓	二圓
大中華江西省地理志	大中華福建省地理志	大中華師地理志
二圓	二圓	二圓
大中華湖北省地理志	大中華京兆地理志	大中華山西省地理志
二圓	二圓	二圓
大中華山東省地理志	大中華山東省地理志	大中華山東省地理志
二圓	二圓	二圓

孔教救國篇	公文法程	商用文法
二角	五角	三角
實驗貨幣學	國文淺訓	黑龍江 <small>教育</small> 日記
三角	二角	二元四角
籌筆軒 <small>讀書</small> 日記	易水文源	易學近階
八角	五角	五角

黑龍江鄉土志	黑龍江省地圖	龍江進化錄
三角	八角	三角
龍江舊聞錄	龍江唱歌集	龍江史論
三角	三角	二角
龍江詩集	龍江詩選	
二角	二角	

大中華山東省地理志 二圓
 大中華山西省地理志 二圓
 大中華京兆地理志 二圓
 大中華湖北省地理志 二圓
 大中華福建省地理志 二圓
 大中華師地理志 二圓
 大中華安徽省地理志 二圓
 大中華江蘇省地理志 二圓
 大中華浙江省地理志 二圓
 孔教救國篇 二角
 公文法程 五角
 商用文法 三角
 實驗貨幣學 三角
 國文淺訓 二角
 黑龍江教育日記 二元四角
 籌筆軒讀書日記 八角
 易水文源 五角
 易學近階 五角
 黑龍江鄉土志 三角
 黑龍江省地圖 八角
 龍江進化錄 三角
 龍江舊聞錄 三角
 龍江唱歌集 三角
 龍江史論 二角
 龍江詩集 二角
 龍江詩選 二角